



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

1765

1765

65.

1765

# Antonij Musæ

*B R A S A V O L I*

Ferrariensis, Examen omnium  
Syruporum, quorum pu-  
blicus vsus est.

*Omnia ab authore recognita.*

*CVM INDICE.*



LVGDVNI,

*Sub Scuto Coloniensi, Apud Ioannem  
& Franciscum Frellæos, fratres.*

M. D. XL.

AD ILLUSTRIS-  
simam vnà & pudicissimā virginem  
ELLEONORAM ESTENSEM,  
Antonius Musa Brasauolus  
bene agere.



ANTIQVORVM MOS  
fuit, & hoc etiam tempore serua-  
tur, si quis opus aliquod egregiū  
parasset, alicui principi, aut nobi-  
lissimo Heroi nuncupare: ne in-  
vulgus absq; patrono, & tutore prodiret. Res  
profectò à nemine qui mentis compos sit, detre-  
ctanda, sed tamen quæ nos ab incepto repellat,  
ne videamur partus nostros egregios putare:  
quos potius abortiuos, & prociduos arbitra-  
mur. Tamen quicquid sit, quum præcedentibus  
mensibus de Syrupis inter nos sermo incidisset,  
& tu de hac materia doctè & abundè disseruis-  
ses, visum est mihi, nulli magis conuenire, quàm  
tibi: quæ non modò Magdalenam imitata es,  
huius mundi illecebris & deliramentis speritis, re-  
rum diuinarum contemplationi vacas: sed ple-  
runq; etiam Marthæ satagentis officio funge-  
ris, vt triplici corona digna sis. Prima, quia spon-  
te nullo monitore, nec infantia dissuadente,  
imò Illustrissimo patre primis motibus obuian-



te & reluctante, Sacratissimam hanc Religio-  
 rum frequentiam ingredi curasti : frequentiam  
 inquam pudicissimarum virginum & sancta-  
 rum, matronam beatam Claram imitantium,  
 quam Corporis CHRISTI VIRGINIVM vo-  
 cant, & quam nullus alter Vestalium Virginum  
 cœtus in tota Italia sanctitate ac miraculis supe-  
 rat. Hic tu spiritui & orationibus vacas, & statu  
 tishoris te totam contemplationi præstas. Se-  
 cunda corona est, quia illis horis, quibus vel alię  
 dormiunt, vel mechanico operi incumbunt, tu  
 apparandis & concinnandis pharmacis diligen-  
 tem operam præstas. Quod opus, vtpote ple-  
 num charitatis, dignum est vt à te fiat: nempe sic  
 conforores alias ægras iuuare potes: & ita veluti  
 altera Martha sollicita es circa frequens ministe-  
 rium. Tertia corona, quia Diui ALPHONSI  
 Ferrariæ Ducis filia, quum maritum principem,  
 ex summis Italiæ proceribus sperare posses, tu  
 potius puerum IESVM, dulcem Mariæ natum,  
 pulcherrimum, deliciosissimum, qui eadem sem-  
 per virenti ætate, eadem pulcherrima pulchritu-  
 dine, eisdē semper probissimis moribus in spon-  
 sum elegisti: quem cognoscere totis viribus stu-  
 des Illustrissima Virgo, cognitum laudare, lau-  
 datum amare, amatum venerari, veneratum ex-  
 primere, expressum imitari, vt deniq; cum eo im-  
 mortali felicitate perfruaris. Hic est ille prædul-  
 cis, & præpotens sponsus, qui te non oppidi do-  
 minam,

# EPISTOLA.

minam, non Urbis Ducissam, non prouinciæ  
Reginam, non Christianorum imperatricem,  
sed totius cœli, & paradisi deliciarum partici-  
pem faciet. Igitur Illustrissima hunc sequi stu-  
deas, hunc imitari, hunc totis viribus amare: vt  
vna sis ex prudentibus quinque virginibus, quæ  
oleum sibi statuto tempore compararunt, vt  
aduenienti sponso IESU sine mora possis occur-  
rere, & in eius amore semper conquiescere: Vt  
cum Phocylide concludam, vnâ cum sanctis So-  
roribus, *ζωὴν ἐκτελείοις ἀγαθὴν μέχρι γήραος οὐδ' ὄν*, id

est, Vitam perficite malorum immunem  
vsq; ad senectutis limen. Sed cur No-

tuas Athenas porto? aut An-  
gelos bene agere instruo?

Accipe igitur Elleo-

nora Illustrissi-

ma, de

Sy-

rupis li-

bellum: vt,

quum Marthæ

officio fungeris, in his

componendis aliorum errores

corrigas. Vale Virginum pudicissima.

## I N E X A M E N

omnium Syruporum eximij Philo-  
sophi & Medici Antonij Mu-  
læ Brasauoli, Francisci Bo-  
uñ Ferrariensis

## E P I G R A M M A.

**Q**ui prius exactè Medicamina quæq; recenset  
Simplicia, ut uirgines, sine quibus illa docet.  
M V S A, Syruporum totam hic Antonius artem  
Explicat, et priscos æquat bonore iuros.  
Hanc sacra Aicestine Virgo noua gloria genis  
Luminibus placidis Elleonori legit.  
Doctior hinc Medicus, magis Pharmacopola peritus  
Hinc componendi pharmaca, abire potest.  
Hinc necis humane, Medicinæ inscitia turpis  
Causa alteri. Vt iam lux patefacta feret.  
Haud necis humane causa inuidiosa feretur.  
Iam Medicina, quod est ipsa salubris erit.  
Arte sine ingenium cæcum est, ars ipsa remoto  
Officinæ, manca est, hoc sine penè nihil.  
Non sat Aristotelis, magnijq; arcana Platonis  
Noscere, licet uiuo singula fonte petas:  
Socratico hic sôphiam uoluit deducere ritu  
Cœlitus, atq; hominum consuluisse bonis.

# Examen omnium

SYRUPORVM QVO-

rum in publicis officinis vsus est,

ANTONIO MUSA Bra-

fauolo Ferrariensi

authore.

BRASAVOLVS,

Senex pharmacopola.



EVUS HEVS. Quorsum tam rapide, SENEX.  
tamq; celeri cursu properas? qui testu=  
d meo gradu alioqui tuo huic antiquis=  
simo mulo insidens incedere soleas?  
BRASAVOLVS. Ad coenam uo=  
cor: hanc enim diem hucusq; ieiunus transiui. SENEX.  
Quir tu quem medicè uiuere oportet, uentriculum tam  
longo spatio inanem esse permisisti? Fortè heri uespèri  
pleniori coena usus es, quæ ad hanc usq; horam te satu=  
rum fecerit. BRA. Non equidem: sed in diui Iohannis ue=  
nerationem, pro qua omnes Christiani hodie ieiunant,  
id est semel in die comedunt, & ego eundem morem ser=  
uare institui. SEN. Ad prandium igitur uocaris, non ad  
coenam. BRA. Vtrunq; simul expediam. SEN. Quir

in meridie pransus non es, ut est omnium ferè communissimus mos? B R A. Vt uxorcule meæ, & alijs domesticis mulierculis satisfacere, atq; morem geram. S E N. O te miserum atq; infortunatum. Igitur mulierculis pares? B R A. Et pareo, & parent. S E N. De me actum esset, si in te uel tantilli momenti uxori meæ aures porrigerem, & annuerem. B R A. Tamen difficile est foeminam cogere. S E N. Difficillimum. B R A. Quomodo igitur continuo domi nō certas? S E N. Imò nulli sunt dies, uel nulla saltem hebdomas, quæ rixis, clamoribus, & contumelijs coniugalibus careat. B R A S A. Ego potius e contrario dicam, O te miserrimum, atq; infelicissimum, qui continuam rixarum & contumeliarum pestem domi alas. S E N. Quis ille est adeò temperans, & modestia præditus, qui uxorem ducens ab his temperare possit? B R A. Ego is sum, licet parum modestus, & parum temperans, tamen septimus agitur annus postquam uxorem duxi. Nunquam uero eam uel iratus turpi nomine, aut cōtumelioso appellaui, & ad hoc usq; tempus adeò tranquille unā uiuimus, ut nullus uel religiosarum cœtus pacatior inueniri possit. S E N. At ego primis protinus diebus institui, nunquam suo nomine uxorem meam uocare: sed continuo aut belluam, aut mēdicam, aut scortum, aut alio simili nomine, quoties opus est uocare eam, appello. B R A. Ego autē meam non solum suo nomine, sed etiam honestiori eam appello, quæ mihi mitissima effecta est. S E N. Aut mulier non est tua uxor, aut diuino loco nata. B R A. Ferrariæ orta est, & mulier quæ biliosissimam temperaturam nata est, si qua altera. S E N. Quomodo igitur

igitur tam diu absq; bello, iurgijs, & uerberibus uiuere potuisti? BRA. Quomodo tu in tam magno incommodo in bello magis quàm hostili tanto tempore uitam duxisti? SEN. Audies (si aures accommodare nō pigeat.) Ab initio cū uxorem duxi, statui & fixa mente reposui: quicquid uellem, quicquid dicerem, uel sanū, uel insanum, ut ipsa id ageret, & annueret. BRA. O dementia non modò mira, sed plusquam feralis, Hoc est, hoc est, quod uxores multas (pauperculus quidem illas quæ his nebulonibus iunguntur) in exitium perducit. Quippe nulla est mulier, quæ suam bilem, & suam indignationem non habeat. Multi uerò fatui putant leonem uerberibus cicurare, quod boni cicuratores non faciunt: sed canes in conspectu leonis cædentes, cicures lcones reddūt. Quid autem de uxore egeris, prosequaris. SEN. Ex his quæ dicebam, illa quædam annuebat, alia negabat quibus assentire uolebam: & quia negabat, uerbis atq; uerberibus afficiebatur. Imò prima nocte qua domum meam accessit, muliebria femoralia paraueram, & duos baculos: quando hora cubandi in cubiculo soli clausi fuimus, femoralia in terram proieci, & sumpto baculo alterum illi dedi, inquiens: Volo nunc pugnemus, uter nostrum femoralia ferre debet. & quia nec baculum sumere uoluit, nec pugnare, grauitè fustuario prima illa nocte uapulauit. BRA. O fatuissime uirorum, pulchra matrimonij consumatio illa fuit. Vtinam sumpto baculo te pro merito multasset. Dic autem, illa quæ negabat, & quibus te inuito annuebat, erant ne alicuius momenti? SEN. Minimi quandoq; & plerunq; nullius: sed expe-

riundi gratia quædam uana & absurda proponebam, ut ad mea uota annuere & negare condisceret. B R A. Omnium quos adhuc nouerim uirorum fatuissimum. Vxor igitur assentatricem & propè parasiticam habere cupiebas, quæ in rebus falsis te laudaret, & manifestè uera injiciaretur? S E N. Non assentatricem cupiebam, sed mihi obsequentē. B R A. Dic (ni pigeat) fuit ne unquam obsequens? S E N. Nunquam potui iurgijs, minis, aut uerberibus adeo efficere, ut præceptis meis obsecundaret. B R A. Igitur tam longæuam ætatem pugnans, & quali bello? Magis quam intestino miseram uitam ducere potuisti? S E N. Plus certe fuit quam intestinum bellum quod inter nos factum est: nunquam enim tam horrendam & ingens monstrum domari potuit, quod Herculeam clauam etiam retundit. B R A. Nescio an tu potius, uel illa monstrum sit. Quippe tu nunquam domitus es: sed continuè furiali incessu, & non humano processisti. S E N. Non licet uirum ab uxore domari, & dorso muliebres clitellas gestare. B R A. Hoc est illud quod perpetua bella inter uos facit. De te autem plurimum miror, quem plerumq; uiderim famulum tuum, & pueros quos instituis, benignè, & piè admonere, & labores multos ut eos rectè instituas patēris, tamen quando & quoties lubet expellere potes, & illi sponte abire: non potes autem pusillam tolerare, ut uxorem propriam edoceas, quæ uelis nolis tua est. Eadē domo uiuitis, eidem mensæ accumbitis, eodem cubiculo acquiescitis, eodem toro cubatis, communes filiorum parentes estis, bonæ & malæ fortune participes, quam & si uolueris, expellere  
non

non potes, nec ipsa sponte discedere, sed te ad cineres usq; comitabitur. SEN. Libenter scirem quomodo uxorem tuam mitiorem reddideris: nam discens forte mitabor, & quod superest mihi uitæ, quietius transigam. BRA. Rem (ut arbitror) difficillimam aggredieris: nam psitaci rostrum nactus es: tamen non grauabor meum & uerum has seras cicurandi modum edocere. Principio, Antiquum morem considerare cœpi, quo uxor maritum, & maritus uxorem emebat. Id interpretatur Plutarchus, ex hoc significari, inter uirum & uxorem æqualitatem quandam esse debere, ut uterq; alteri sponte obtemperet. Cuius rei erant illa uerba solennia: Si fueris mihi Caius, ero tibi Caia. Deinde mihi ex instituto proposui, hoc momentaneum uitæ spatium in perpetua animi pace, quiete, & tranquillitate percurrendum esse: propterea primis illis diebus à nuptijs omnia agere cœpi quæ uxori meæ placere præuidebam, explorabamq; ab ancillis, à sorore, & alijs, an quicquā noscerent quod uxori meæ placeret, quod illi gratum foret et iocundum, & nihil intentatum omittebam, quin efficerem, ut in omnibus illi satisfacerem, & sua uota implerem. Illa uicissim ita me amare cœpit, ut quicquid cogitat, quicquid agit, in meum solatium sint, & nihil aliud animo habet, quam mihi grata parare. Quippe in dies nouas dapes, nouos intinctus & scitamenta, noua opsonia quæ meo palato sapiant, perquirat. Si quandoq; in habitu corporis, & uestium genere mihi displicuerit, non arguo, non reprehendo, non exclamo, iubens ut hanc uel illam uestem dimittat, ut manicas aut torale mutet, ut uittas, in-



fulas'ue alio more gesset. Sed mihi fabellam quandam fingo: In templo mulierem uidisse tali habitu, taliq; mitra redimitam, quæ mihi adeo placuerit, ut oculis meis nihil unquam gratius occurrerit. Sequenti die aliam mulierem me uidisse refro, quæ ob uestium lacinias, ob uitæ uarietatem adeo mihi displicuerit, ut eam magis quam Tisiphonem abhorrerem, & quam nullo pretio matrimonio mihi iunctam esse uelim. Hæc audiens uxor mea uestes me in scio mutabat, uittasq; ut mihi gratum erat, aptabat. Itaq; pacifice, summo cum amore & beneuolentia ad frugem redibat. SEN. Vir sum ego qui hæc pati non possem, & cui has seras imperiose potius quam blande uincendas esse uidetur. BRA. Tuam tamen ad hanc usq; tam longæuam ætatem uincere non potuisti. SEN. Nec (ut arbitror) posthac uincam, nisi interfecero, aut spontanea morte decedat. BRA. Ego autem meam mihi cirem, blandam, meisq; uotis commo-  
dam re minima reddidi. Nec dubito me oppositum fati-  
tium fuisse si contumelijs, aut uerberibus illam perui-  
cere uoluisssem. SEN. Nunquam in iram in tanto tem-  
pore prorupistis? BRA. Nunquam. SEN. Quid age-  
res si tuos nummos expenderet, tuq; bona dilapidaret?  
BRA. Imò ingenuè tibi dicam: primis illis mensibus à  
nuptijs clauis cubiculorum quorūdam seruabam, in qui-  
bus pauca illa pecuniola quam habebam, & alia que-  
dam domestica bona aurea & argentea condebantur,  
quoad eius mores occultè expertus essem. Sed postquam  
mihi filios peperit, quod statim post nonum mensem ac-  
cidere nosse, uniuersis bonis meis sumptis, & tota illa pe-  
cuniola

cuniola quam habebam, omnia illi præsentavi, & in eius ditionem dedi, his uerbis usus: Cassandra soror, hæc tua sunt, & natorum tuorum: si placet expendas atque profundas, tibi enim filijsq; profundes. Si parca eris, tibi, filijsq; parces, nunc enim peperisti, & iterum plena es: quantum in me sit, uel parca sis uel prodiga, nihil refert: mihi enim uel hic, uel alibi nihil unquam defuturum est: sed tibi, filijsq; tuis deesse posset si immatura morte præuenirer. SEN. Expendit ne quantum lubet, & omnes mulierum cupiditates explet? BRA. Ter aut quater occultè obseruaui, magis parca est quàm optarem, qui me apte natura liberalis sum. SEN. O te felicissimum, qui adeò secundum uota uxorem instituiisti. O dignum & sanctum consortium. BRA. Hoc est quod semper optaui, quietè, pacificè, & hilari mente uitam ducere, & cuius gratia tales mores institui, quamuis à principio ab amicis quibusdam admonitus essem, ne mihi femoralia (ut uulgari adagio fertur) ab uxore imponi sine rem, sed eam iurgijs & uerberibus subiectam redderem. Quem morem semper despexi, tanquàm nebulonum & indignorum hominum improborumq; putans. Etenim ingenuum existimo, nobile, ac penè diuinum, beneficijs potius & blanditijs uxorem sibi beneuolam reddere quàm minis. SEN. Deinceps & ego experiri incipiam nunquid meam mitiorem reddere possim. BRA. Id deniq; efficies, quamuis difficillimum sit contractas rugas serico panno adimere. SEN. Hæc de uxoribus satis sint. Ad id autem propter quod te uocaui descendamus. BRA. Quid est illud? SEN. Præcedenti anno promi-

sisti, & iureiurando affirmasti, post simplicia medicamenta, ea composita, quorum apud publicos pharmacopolas usus est, examinare: imò & iandiu te cœpisse enarrabas. Obsecro igitur atq; obtestor, ne promissarescindas. B R A. Promisi equidem, sed aliquem inuenire oportet, qui promissa obseruet. Diuersa enim sunt promittere, atq; præstare. S E N. Imò apud probos integrosq; uiros, idem planè est promittere & præstare. B R A. Ita certe est, & probus uir nunquam iureiurando affirmare aut negare debet, sed simplicissimis particulis, est, & non, continuè loqui. Quum igitur composita medicamenta examinare promiserim, quando opus erit & tibi lubebit, ita efficiam, ut tu uoti compos fias, et ego promissa non rescindam. Oro autem, ne in presenti me impedias cœnam petentem, & ingenti fame oppressum. S E N. Et ego apud te cœnabo, ne alia occasione data laborem subterfugias, et apprimè opto hac die notatu digna felici omine incipiamus. B R A. Quid prohibet deposita ueste, cum domi simus iam incipere? S E N. Omnia composita medicamenta quæ in officinis habemus una scheda secundum hunc ordinem descripsi, ut omnes syrupi simul essent, omnia eclegmata simul, omnia unguenta simul, & eundem ordinem in cæteris seruo. B R A. In his disponendis ordinem ne seruas? ut syrupi frigidi uno ordine, & calidi alio disponantur? S E N. Nullum ordinem seruauì, sed ut mihi offeriebantur disposita sunt. B R A. Erit igitur idem ordo qualis in simplicibus fuit. S E N. Talis planè. B R A. Quæ autem series inter composita alias antecedit? S E N. Primam se-

riem

riem Syrupis dedi, & inter illos, is qui de corticibus citri nuncupatur, primum locum obtinet. BRA. De his rebus tractaturi id in primis admonere uolo, cum in his compositis de simplicibus sermo erit, ad ea recurrere oportet, quæ in examine simplicium scripta reliquimus, nisi aliqua sint, quæ incuria eo libro omiserimus, hæc enim isto loco exponemus. Nunc autem syrupi de corticibus citri compositionem enarra. SEN. Ita apud Mesuen fere legitur: Recipe corticum pomorum citri recensium libram unam, in quinque libras aquæ fontium bulliant ad consumptionem duarum partium, & cum una zuchari libra fiat syrupus, & cum quatuor musci granis conditur. Nec desunt qui in Iuleb projiciunt ex corticibus citrorum partes conuenientes, & propria quantitate uicinatur complexionis cocturæ eius, & est delectabilis, & quando submergitur in aqua decoctionis citri seta tincta ex chesmes, tunc est excellentior. Hæc Mesues, hunc syrupum describens. BRA. Imò & alij omnes hoc modo describunt. SEN. Reperitur ne apud antiquos hic syrupus? BRA. Nusquam inuenire licuit. imò paucissimas huius generis potiones antiqui scriptis mandarunt, & paucissimis utebantur. SEN. Ergo syruporum mos antiquus non est. BRA. Non more nostro: quoniam apud antiquos oxymel, hydromel, ptisanæ, & quedam alia non multa inueniuntur: nec in diluculo propinabantur ut nunc fit, sed in februm ardoribus pro siti sedanda, & ad aperiendum qualibet hora diei, cum opus esset. SEN. Mirum mihi uidetur antiquiores concoctricibus potionibus usus non esse. BRA.

Syrupus de  
corticibus ci

Syrupis in  
tiqui uterentur.

Imò maxime usi sunt, & plerunq; Galenus concoquit melicratiam ex hyssopo, hydromel & oxymel tribuens. SEN. Arbitrabar id nomen syrupus Græcum esse, & ex antiquissimis authoribus sumptum. BRA. Græcum certe est, & à Græca lingua deflexum, & potius synopus, quàm syrupus proferendum esset: unde Græci succum ὀπὸν uocant. fiunt autem potissimum ex succis synopi, usus autem fecit, ut syrupi dicerentur: quamuis Hermodolus à Syria dictos putet, & alij à ὄρω, quod est traho, & ὀπὸν succus. SEN. Non possum aliqua ratione arbitrari antiquos Græcos non habuisse syrupos. BRA. Potiones habebant, sed quæ potius uinum, quàm aquam reciperent. SEN. Nonne aliquibus nominibus eas appellabant? BRA. Quis hoc ignorat? nam πρὸ πομα, &

*Præpotio & πρὸ πομα]α appellabant, nos præpotionem, & præpotionem eis aliquorum.* nationes Latine interpretari possumus. longe autem à syrupis quibus nunc utimur absunt. Quippe Aëtius capite centesimo uigesimo quinto, libro XLII. potiones ex melle & uino confectas πρὸ πομα]α peculiariter appellari tradit. Et Alexander Trallianus lib. III. cap. XLIII. (alijs locis omis) propomata facit ex aniso, apio, althæa, absinthio, malis medicis, mastiche ad colli dolorem repellendum, pro hydropo autem capite xxxi. propoma ex absinthio, cassia, id est nostra uocata canella, spica nardi, & apio componit. Quæ potiones nostrorum syruporum naturam sapere uidentur. Sed in uino potissimum parabant, & ex melle, quia illis nostrum saccharum deerat. Quandoq; tamen idem Trallianus in inflammatione iocineris, potiones ex aqua per deco

decoctionem tribuit, quæ recentium syruporum uice fun-  
 guntur, ut ex apij decoctione, quæ potionum genera  
 Græci ἀπὸ ζύμης uocant. est autem capite x v. tertij lib. ἀπὸ ζύμης  
 ex quibus certè habetur his potionibus humores conco-  
 xisse: & per potiones etiam capite xx viii. conco-  
 quit, & capite xx ix. Quid autem opus est loca ad-  
 ducere? quippe constat concoctricibus potionibus totum  
 Trallianum scaterè, licet alterius compositionis, & mo-  
 di sint, quàm hic, quas nos syrupos uocamus, tamen in  
 eundem finem factæ pro concoquenda materia. Nec tur-  
 beris quòd aliàs dixerim calorem naturalem eum esse  
 qui materiam uerè concoquit, nunc autem hoc munus  
 syrupis attribuam, quia ita esse constat solum calorem  
 naturalem uerè concoquere. Syrupos autem ideo conco-  
 quere quia naturalem calorem augent, ideo in syrupo-  
 rum genere præsertim recentiorum multifunt qui tan-  
 tum alterant, & non digerunt, quia nec naturalem ca-  
 lorem augent, nec illi opem præstant, sed uel solum in-  
 frigidant, uel alia qualitate corpus afficiunt: ea autem  
 apud Galenum potissimè concoquunt quæ humores ex-  
 tenuant, propterea xx iiii. Aphoris. primi libri Ga-  
 lenus humores extenuat quos uult purgare Melicrato  
 ex hyssopo, uel origano, uel tragorigano uel thymo,  
 uel pulegio, quæ ab eodem authore in lib. Quos oportet  
 purgare, quo tempore, & quibus medicamentis, re-  
 feruntur. SEN. Quomodo interpretari potest id uocas-  
 bulum ἀπὸ ζύμης? BRA. Defrutum seu deferuèfactum à  
 ζῆω ferueo. erant autem ex herbis uel radicibus decocta,  
 quæ frequenter post catapotia exhibebant. Imò &

apud Paulum Æginetam multæ potiones reperiuntur,  
 quibus humores concoquebat: et apud Aëtium, imò et  
 ante hos Oribasius Sardus, q̄ penè diuinus creditus est,  
 ut illo uersiculo circumfertur, αἰετὸς ἐὼς ἐὼς δὲ ὀφθαλμοῖς  
 εἰς τὸ, hoc est Dignus honore Deum Dius Oribasius. 3. li-  
 bro potiones scribit, quæ uim concoquendi habent, et  
 uic. quæ à Græcis ἰσχυρὰ, et ὀφθαλμικά, id est suauia, et utilia  
 nūcupantur. Galenus præterea aquam hordei, mulsum,  
 oxymel, et ante ipsum Hippocrates agris propina-  
 runt: constatq; apud Dioscoridem et Galenum plura  
 uinorum genera fictitia quibus agri utebantur, quæ uim  
 nostrorum syruporum habere certum est. Ex his igitur  
 inferendum putamus aduersus quosdam recentes scio-  
 los, qui syruporum usus demunt, Antiquiores authores  
 multa habuisse syrupis nostris proportionata, licet syru-  
 pis nostris non uterentur, nec componere scirent, illis ta-  
 men materias concoquebant: nam et extenuabant, et  
 vias parabant ubi opus erat. Si autem uoluerim per Hip-  
 pocratis, Galeni, Pauli, Aëtij, Sorani, (si is liber Sorani  
 sit qui publicè circumfertur) Tralliani, Aureliani, Celsi  
 loca edocere Antiquos potionibus concoquentibus usos  
 esse, ex solis Authorum sententijs liber in iustum uo-  
 lumen cresceret, et institutum nostrum omittere oport-  
 teret. SEN. Satiùs duco syrupos trutina perpende-  
 re, et uno uerbo contentos esse, Antiquiores mor-  
 borum materias potionibus concoxisse. Dic autem,  
 hic syrupus de corticibus citri iam citatus, conueniūt ne,  
 an quicquam illi addi oportet? B R A S A V O L V S.  
 Præterea quæ à Mesue dicuntur, ualet etiam ad ces-  
 rebri,

rebri, & cordis affectus frigidus, & ad omnes pi-  
 tuitosas aegritudines: ad has enim intemperies hoc sy-  
 rupo frequentissimè utor. Quippe mihi insitui ab  
 initio & prodesse ægris, & placere. SEN. Ideo  
 optimos poëtas imitaris, qui simul & prodesse vo-  
 lunt, & delectare. BRA. Imò & optimos medi-  
 cos imitari studeo, qui ea sectantur, quæ ab Hip-  
 pocrate in Aphorismorum libro edocentur, ubi iu-  
 bet ægro paulò deteriore cibum exhibendum esse,  
 modò suavior sit. Ventriculus enim illum amplecti-  
 tur, & melius concoquit, quàm insuaviorem & me-  
 liorem. Mihi enim illi medici semper displicuere, qui  
 adeò seuerè suos ægros tractant tanquam tyranni,  
 ubi mitioribus & suavioribus rebus sanare possunt:  
 quanquam & nimis indulgentes etiam accusem, qui  
 omnia concedunt, huic communi sententiæ innixi:  
 Quantitas nocet, non qualitas. SEN. Si possibile  
 esset, omnia ad exactam regulam, id est mediocrita-  
 tem ducere oporteret. Sed cum fieri non possit, ple-  
 runq; ægris (cum sine periculo est) indulgere con-  
 uenit. Nos autem ad prædictum syrupum reuertæ-  
 mur. BRASAVOLVS. Vt lubet, pro citri  
 corticibus quid sumendum sit, disputatum est, an ci-  
 tri extima pars, id est ultimus ille cortex luteus, uel  
 simul caro illa alba, quæ post corticem sequitur.  
 Si cortex ille extremus sumatur, calidior est syru-  
 pus: nos autem totum id sumere consueuimus a luteo  
 cortice usq; ad succum. Ego potius laudarem ut extre-  
 mus cortex cum aliqua carnis parte, ad quantitatem



semipolicis sumeretur. Quibus citrea poma defunt, hi ex limonum corticibus parare possunt, quamvis nulla uirtus in his corticibus in coquendo relinquatur, uel saltem pauca: propterea limonum cortices non conduntur. Si quis autem condire tentet, nullus sapor uel odor aut paucissimus relinquatur, demptis paruis limonibus, qui supra citra inserti sunt. Hi enim & dulcem succum, & corticem citri corticibus affinem habent. potest etiam hic syrupus ex aranciorum corticibus fieri, tamen insuauis sunt illi cortices, quia amaritudinem habent gustui ingratam, quae adheret uentriculo, tamen illi confert si potui datur. Cum hic syrupus deest, plerumque citrorum conditura utor, quae corticum citrorum uires maxime suscepit. Id autem quod à Mesue dicitur ( & sunt qui in ualeb proiciunt ex corticibus citrorum partes conuenientes ) tres sensus habere potest, Vnus est ut doceat, syrupum de corticibus citri hoc modo fieri posse, Cum ualeb fit, & prope cocturam suam peruenerit: nam (ut suo loco ostendemus) particularem cocturam exigit, in ipsum citrorum cortices pone, & ad cocturae finem bullire sinas, Tunc syrupus de corticibus citri ( praeter modum iam edoctum ) perfectus est. Secundus modus, qui sententiae Mesuae applicatur est, ut ad primi syrupi modum, quando prope cocturam accedit citrorum cortices addantur, quantitati ualeb, id est iam syrupi perfectionem accipere uolentis, pro ratione tamen, ut non sit plus quam oporteat, nec minus. Etenim in decoctione quinq; librarum aquae libra corticum sit, & viginti unciae relictæ sint, & una zuchari libra addita sit, quæ  
ad

ad spissitudinem facit: duæ unciae corticum citrorum sumantur, ut syrupo vis fortior reddatur, quoniam ex longa ebullitione priores cortices vires aliquas amisisse uidentur. Itaq; cor, cerebrum, & uentriculum uehementius iuuabit. Nec te lateat quod hoc nomine Iuleb ipsum syrupum intelligit, ut pluribus etiam locis uidere licebit. Tertium sensum omnes ferè pharmacopolæ sequuntur, ut non legant corticum citrorum, sed cidoniorum, quod re ipsa quidem conuenit, tamen nec ab re est, citrorum legere, & non cidoniorum, quandoquidem ex citris quocunq; anni tempore fieri possit, ex cotoneis, non nisi statutus, nisi quis siccos cortices seruet, tunc autem vires amittunt. Imò & annis superioribus citra sola hyeme ad nos ferebantur, nunc nullum est anni tempus, quo citra desint, imò & incorrupta seruantur, & Italia nunc citreta habet amoenissima pluribus locis opere topiario disposita, fundis mirè consita sunt. Et apud Anxures & Formias. Anxur, quæ à uiarū asperitate nomen sortita est secundum recentes, tamen secundum antiquos. Anxur dictum est quod ibi Iuppiter imberbis coleretur: quasi ἄνευ ξυγός, id est sine nouacula, nunc uulgò dicitur Terracina. Formiæ autem mollia prope Caietam in uia Appia spatio tribus millibus passuum plus minus. SEN. Multi sunt pharmacopolæ qui cidoniorum cortices in ultima coctura accipiunt, alij citrorum. Quibus inheres tu? BRASA. Hoc nihil refert, quoniam hic syrupus à Mesue sine his paratur: Deniq; addit aliquos esse, qui prædictos cortices addere uoluerunt, propterea quoscunq; cortices sumere, non magnifacere. Id tamen

summe optarem, ut duo syrupi ex corticibus citri pararentur: Vnus, qui hos cortices reciperet per aliquot dies ex aqua maceratos pro effoeminatis & delicatioribus uiris. Alius ex cortice non macerato, pro his qui amara potare non uerentur: Nam si hic cortex sine maceratione ebulliat, extremam quandam amarulentiam in decoctione relinquit, quæ tamen huic syrupo efficaciores uires præstat, uel primum ex maceratis corticibus dimittas, & citrorum conditorum condimento, illius loco utaris. Hic etiam syrupus delectabilior efficitur, si in Iuleb serè decoctum, cortices ponuntur: Nam zucharium ita densatum amaritudinem in ipsum imprimi non sinit, & ita delectabilior efficitur, sed minus efficax. SEN. In his tuis prædictis, non aderit muscus, nec seta tincta in chermes. BRASAVO. Imò ut plurimum ex mosco componunt. An uerò seta illa in chermes tincta poni debeat, non magnifico: quia nec Mesue dicit eam setam necessariò in huius syrupi decoctionem ingredi: imò inquit perfectiorem esse.

**Musculus.** Quod an uerum sit ambigimus. SEN. Quid sit musculus abs te discere cupio: de eo enim in simplicium examine tractare obliti sumus. BRASAVOLVS. Quæ de nostro uocato mosco his oculis hausi, ea audacter enarrare tentabimus. Antiqui, hoc est Hippocrates, Dioscorides, Galenus, & Plinius Galeno antiquior, & forte in his perquirendis accuratior, nusquam de mosco locuti sunt: Intelligo autem de nostro uocato mosco odorato: quia muscum herbam & marinum muscum ad unguem pertraxerunt: De mosco autem uel moscato nihil unquam

inquam apud hos inuenire licuit: Græci autem posteriores ut Aëtius, & Paulus, musci quidem uel mosci meminerunt, quid autem sit non exponunt, sed apud ipsos in compositionibus quibusdam mixtus inuenitur, ut apud Aëtium legere potes libro xvi. capite cxvi. & deinceps in omnibus compositionibus quas moscatas appellat, quia moscum recipiunt, in ipsis mixtum inuenies. SEN. Quomodo proferendum est muscus uel moschus? BRASAVOLVS. Nos muscum & muscatum dicimus, & apud Plinium muscus herba in Cyrenaica prouincia odorata nascitur. Græci posteriores moscum appellant, Mauritani Misch. Non est mihi curæ quomodocumque nuncupetur, uel cum aspiratione, uel sine aspiratione scribatur, quoniam nulli sunt probati authores qui de eo loquantur: Suaderem tamen quod posteriores Græcos imitaremur, Moschum dicentes. Quod nomen hinc nonnulli dictum putant, quia Græci animal hoc ex quo moschus colligitur, utulorum colorem habere iudicarunt, quos μόχσς & μόχσπια appellant. Alij inquiunt ita appellari, quia Græci primos stolones μόχσς uocant. Moschus autem odoratus, est tanquam in eo animante stolo. Quicquid tamen sit, cum Misch Afrum nomen esse nouerim, & in Africa potissimum hæc animalia nascantur, arbitror à Misch moschum recentes Græcos deslexisse, sit autem hoc modo: Animal est (quod Alphonsus illustrissi. Ferrariæ Dux quandoque in delijs habuit in sua Padana insula quæ Alcinoi hortos

æquat) in Ægypto, & pluribus Africæ locis in colore ceruo simile, dorcade aut capreo o paulò maius, & nonnunquam æquale. in figura capreolo simile, ungues multifidos habens ut capreolus, agile ualde, & uelocissimè currens, quod incolæ gazellam appellant, Nos eam pream uel dorcadem peregrinam nuncupare possumus: quamuis nonnulli uoluerint, diuersum animal à gazella esse, id in quo nascitur moschus. Quicquid tamen sit, quia de incertis nominibus cura esse non debet, illis inuenerimus qui ex illis partibus proficiscentes gazellam appellari dicunt. Venetijs mercatores uidimus qui Illustrissimo Alphonso Duci Ferrariæ gazellam uendere cupiebant, moschum in folliculo habentem: Quippe in hoc animante superfluous sanguis circa umbilici partes colligitur, qui sanguis primò fætet, demde paulatim maturatur, quousq; ad suppurationem perueniat, & magis ac magis continuo redolet: Inest autem his beluis naturalis instinctus, cum huius abscessus maturitatem persentiunt, lapidibus atq; arboribus tumorem confricant, quoad duram pellem extenuantes pus exeat, quod odoratissimum est: hoc incolæ colligunt, & est moschus odoratissimus qui sponte fit, & ui ab animali non demittitur: Tamen si in ea ultima maturitate ab animali sumeretur eandem ferè perfectionem haberet. Qui autem colligunt, folliculos ex alijs gazellis abreptos habent quos implent hoc perfecto pure, antequam maturuerit graue olet. Venetijs Gazellæ folliculum odorare uolui cum esset animali iunctus, omnino grauem odorem habebat, quia nondum ad maturitatem peruenerat. Si autem acci-

dat

dat ab animali auferri antequam abscessus concoctus sit ut auferri debeat concoquitur quidem, sed ineptius olet. Ad nos perfectus in copia non affertur, sed folliculi solum ui ab animali abrepti, ex orientalibus & occidentalibus partibus ad nos comportatur: perfectior est ex oriente allatus, præsertim ex illis partibus in quibus nardus, & odoratæ herbæ nascuntur. Si folliculus ab animali dematur, ad moschum progignendum deinceps aptum non est. At si sponte sua exeat in maturitate conficando, tunc iterum atq; sæpius moschum facit. Eiusmodi animalia moschum quidem maturant apud nos si habuerint quando conuehantur, illa etenim sanies ad cocturam uenit, tamen iterum non emittit pus, aut ineptè emittit. Quod ratione cæli, æris, & earum rerum quibus uiuit euenire arbitror. Nec aliud excogitare possum quàm tumorem illum, præter naturam toties repetitum materiam esse, quæ naturaliter in eo animante per illam uiam per modum crisis expellatur. Sicut in multis alijs menstrua sunt: nec id animal diu uiuere posse nisi ita expurgetur, propterea in nostro cælo breui expirat. Nunc in mentem uenit, quòd odoratissimum moschum Venetijs uiderim, subnigrum, quem mercator quidam habebat, & ex prouincia Cathai se attulisse fatebatur, iter non ineptum sibi fingens per mare Euxinum, Colchum, Ibericham, Albaniam, quo ad in Scythiam peruenerit: Est enim Cathai regio Scythiæ extra Imaum pars. Nec mirum uideatur, quoniam eo loco regio est à Ptolomæo undecima Asiæ tabula Randamarcostra nuncupata, in qua nardus abundat, & quam Setus fluminis

alluit : Incolæ regionem , ubi optimus moschus nascitur, Ergunul uocant, particularem uerò urbem, Singui.

SEN. Mirum est quomodo pus adeo redolere possit.

BRASA. Non mirum, quia omnibus non redolet, imò aliquibus ita displicet, ut noceat, alij odorantes capitis dolorem incurrunt, alij attonitum morbum, Mulieres præfocationem uteri. Nobis humanum stercus mirè displicet, non solum ob odorem, sed & uisu, tamen canes & gallinæ eo uescuntur, tanquam re odoratissima, quia eorum odoratus à nostro longè diuersus est, & multa brutis sapiunt, quæ nobis amara uidentur: idcirco non mirum si hominibus illud, quod pus est alterius animantis, redoleat, cum in maturitatem peruenerit.

SEN. Nunquam deinceps hoc pure in condimentis utar. BRASA. Multa dimittere oporteret, si unde ueniant, & quid sint considerentur : quæ tamen optima opsonia sunt, uel ex ijs saltem optima parantur : sed quod intrat per os non coinquinat hominem, iuxta Christi hospitatoris sententiam. Si harum rerum rationem habere uolueris, nunquam pinguis fies. SEN.

Dicas, qua qualitate moschus insigniatur. Calidum esse nemo dubitat, & etiam caliditate insigni, quod sanguinis concoctio indicare potest, præter experientiam, quæ rerum magistra est. Si enim corpori nostro applicetur, manifestissimè calefacit. BRASA. Varias & diuersas partes habere facile deprehendi potest. Quod siccitatem habeat, ex eo uidetur, quia si corpori nostro applicetur exiccat, & præterea odor in sicco fundatur, ut Aristoteles in Meteoris, & in libris de Anima docet.

et. habet præterea suauitatem annexam, qua multorum capita aggrauantur & replentur. Auicenna calidum & siccum esse in secundo ordine iudicauit. Nos autem ab eo multas partes humiditas non remouemus, & humiditas eius multum crassa est. Additq; Auicenna citrinum, id est luteum cæteris perfectiorem esse: Nos autem huius coloris moschum nunquam uidimus, nisi per citrinum ferrugineum colorem habentem intelligat. Hæc de moschi generatione & qualitatibus.

SEN. Post moschum quid granum sit apud antiquos scire percipio, ne errem in moschi pondere, quod grana quatuor esse debet: uideo autem aliquos siliquæ semen, alios triticum, alios hordeum sumere. BRASA.

Ne sis mihi in hac re molestus, quoniam de ponderibus aliàs seorsum tractabimus, rem optime ostendentes, non ex aliorum scriptis, sed ad oculos: quia nobis institutum est, potius sensibus loqui, quàm aliorum scripta imitari, præsertim ubi ex antiquis sensatæ rationes habentur.

SEN. Magnam moschi copiam singulis annis iunioribus uendo, ad uenerem excitandam. BRASA. Id mirè facit, si cum oleo cicino quod uos de Kerua appellatis, componatur: inò si uirile membrum eo ungatur,

adeò mulieres in Venerem proritat, ut uarijs & inuisi- Moschus ad  
tatis motibus clunes moueant. Id faciunt qui in sui gra- uenerem exa-  
tiam & amorem mulieres ducere cupiunt: quod indi- citur.

cium est calidum atque siccum esse: eius etiam odore uterus mirè trahitur, propterea eius usus in pessarijs maximus est, præsertim in uteri strangulatu. SEN.

Ingreditur & hanc compositionem seta in chermes



tincla. **BR A.** Id ex duabus causis factum Arabes putant. Primo, quia setam confortare cor arbitrantur, ut Serapio cap. x x v i i i. Aggregationis, & Avicenna in libello de viribus cordis scriptum reliquere. Secundo, putant chermes, & ipsum cordis confortatiuum esse, & setam calidam & siccam cum temperamento. **SEN.**

Esne tu alterius sententiae? **BR A S A.** In hac re quicquid seta. quid scripsim enodare tentabo. De seta in primis sermonem faciens, quam antiqui sericam appellarunt. In Italia antiquiori tempore non nascebatur: nunc passim habetur: & omnes Ferrarienses mulieres ferè eius natales norunt & artificium. Vnum tamen est quo moueor ut non possim nostram uocatam setam sericum appellare: quia sericum ex arbore depeclitur apud Seres.

**Seres.** Sunt autem Seres populi in Scythia extra Imaum montem, ut Ptolimæus x i. Asiae tabula docet: in quo loco sericum nasci capite x v i i. 6. lib. Plinius scribit, inquit: Seres, lanicio sylvarum nobiles, perfusam aqua depeclentes frondium canitiem: unde geminus foeminis nostris labor, redordiendi fila, rursumque texendi: Tam multiplici opere, tam longinquo orbe petitur, ut in publico matrona transluceat. Seres mites quidem, sed & ipsi ferus per similes, coctum reliquorum mortalium sugiunt, cum commercia expetant. Haecenus Plinius. Ex quibus colligere licet supra arbores, & arborum folia sericum nasci, & à uermiculo non fieri. Aliàs autem arbitratus sum, uermes supra arbores suapte natura ascendere, ibique & depasci, & sericum facere: at supra folia fieri plane constat. Hos populos Ptolimæus Sericos appellat,

appellat, ubi Serici montes sunt : quamuis Plinius Seres uocet. Sericum nunquam uidimus quod sciamus, tamen Scythicas uestes, mappasq; Scythicas, & sudario la obseruauimus, quæ ex alia materia esse quam sit nostra seta comperimus. Cum Plinio Virgilius est, iniquiens : Velleraq; ut folijs depectant tenuia Seres. & Ausonius in singulari Ser dicit, in plurali Seres. Quod præcitato Virgilij loco Seruius animaduertit: est autem Ausonij carmen, iam pelago uolitat mercator uestifluus. SEN. Ex his igitur constat Antiquorum sericum nostrum non esse, quia ipsi è folijs lanuginem quandam aqua depectebant, deinde filabant, ut deniq; telas contexerent. Sed de quo miror Pausanias est, qui non uult sericum dici eo quod apud Seres nascatur, sed potius Seres à serico denominationem habere. Nam Ser Ser. est ( ut inquit ) nomen uermiculi qui sericum facit, à quo & sericum & Seres denominantur. Quod an uerum sit, non reperio : imò oppositum constat, ut Solinus capite LVIII. testatur, idem ferè cum Plinio scribens. Inquit enim : In tractu eius oræ, quæ spectat æstiuum orientem ultra inhumanos Scythas, primos hominum Seres cognoscimus, qui aquarum aspergine mundatis frondibus uellera arborum adminiculo depectunt, liquoris & lanuginis teneram subtilitatem more domant ad obsequium : hoc illud est sericum in usum publicum damno seueritatis admissum, & quo ostentare potius corpora, quam uestire, primò fœminis, nunc etiam uiris persuasit luxuriæ libido. Et reliqua de earum gentium moribus, quæ & Plinius &

ipse referunt. Ex quibus habetur, arboris lanam potius esse sericum, quam nostra à uermiculo facta seta: quamuis serici nomen ad omnes arbores lanigeras usurpeamus. Constat equidem apud alias plures gentes, præter Serias lanigeras arbores inueniri. Omnis autem eius generis lanugo sericum dicitur, quia ea quæ apud Seres nascitur cæteris perfectior est, unde per excellentiam aliæ lanugines sericum appellantur, tamen & suo particulari nomine insignita sunt. Plinius cap. x. lib. xii. in Persia Gosopinos arbores appellat, qui circa fruticem lanuginem habent, ex quibus lintea fiunt Indicis præstantiora. In Arabia præterea Cyna arbor reperitur, ex qua uestes fiunt: & Insula est in Persia, quam Plinius capite x. lib. Tylus uocat, in qua arbor est cucurbitam faciens cotonei mâli amplitudine, quæ maturitate ruptæ ostendunt lanuginis pilos, ex quibus uestes pretioso linteo faciunt. Hæc omnia à nobis serica nuncupantur: quamuis Plinius dicat has arbores lanigeras esse alio modo quàm serum. Si autem rem interius contemplari uoluerimus, ex his telæ fiunt quæ à nobis bombycinæ appellantur: Nos etenim herbam habemus, ex qua bombycinæ uestes ita à nobis uocate fiunt, quas Latine Gosopinas dicere possumus. Ea autem lana ab aliquibus inter lina numeratur, unde xylina dicuntur: quamuis ab alijs inter lanas esse iudicentur. Plinius inter lini genera xylon numerauit, unde xylina lina. Adde quod capite primo lib. x. etiam Gosopium uocat. Nos omnia ea, quæ ex arbore, uel herba nascuntur, potius inter lina numerare suademus.

quæ

quæ autem ex animalibus inter lanas : quamuis inter hæc etiam non multum discriminis facere, nec cum alio, qui secus dixerit, digladiari uoluerim. Sunt uerò qui contenderint Seres idem sericum habere, quod apud nos est, & illud uermiculos facere, nec supra folia nasci, cuius sententiæ Volateranus est, cui non solum non assentimus, sed de eo miramur, qui Plinium quem non rectè intelligit, reprehendit : nanque dicit non nasci supra folia, nisi illuc uermiculi scanderint. Sumit autem argumentum Volateranus ex Virgilio secundo Georgicorum suprâ citato, dicente, Velleraq; ut folijs depellant tenuia Seres. Addit Pausaniæ autoritatem in fine sexti libri dicentem, οἷον ἀπὸ τοῦ ὄντος appellari uermiculum, id est ser, quo sericum fit, unde Seres populi apud Indos, quòd his potissimè abundant. Addit & Procopij sententiam de serico in Europam aduecto, hoc autem est primo libro belli Persici, ubi inquit : Ad Iustinianum principem duos monachos eius semen ( ego potius oua, quàm semen nuncuparem ) ex Serinda Indiæ ciuitate Constantinopolim attulisse : ex eoq; deinde sub fimo posito paulatim uermiculos emeruisse, qui mori folijs enutriti sericum fecere. Inde transfusum est per reliquam Europam . Ut autem Volaterani sententiam magis affirmemus ea addam, quæ à Diuo Ambrosio capite xxi. quinti Hexamerôn dicuntur, ubi inquit : Et quia de uolatilibus dicimus, non putamus alienum ea complecti , quæ de uerme Indico tradit historia, uel eorum relatio qui uidere potuerunt, fortè hic corniger uermis conuerti primum in speciem

caulis utq; in eam mutari naturam in processu quodam fieri bombilis, nec eam tamen formam figuramq; custodit, sed laxis, & latioribus folijs uidetur pennas assumere. Huc accedat pro Volaterano Seruij testimonium, qui secundo Georgic. inquit, Apud Indos & seres sunt quidam in arboribus uermes, qui bombices appellantur, qui in arancarum morem fila tenuissima deducunt, unde est sericum: nam lanam arboream accipere non possumus, quæ ubiq; procreatur. ex quo Seruij testimonio sumi potest, apud Seres uermiculos esse, qui bombices dicuntur, sericum facientes: & non esse lanam supra arbores, quia hæc ubiq; habetur. Accedat in hunc cumulum, quod aqua calida sericum nostrum deducitur. Nec prætermittamus Suidæ testimonium, qui idem refert quod à Procopio dictum est, duos peregrinos seniores uel presbyteros, non autem Monachos, ut Procopij interpretes retulit, & etiam à Volaterano refertur: quanquam non dubitem Iustiniani tempore monachos fuisse, hi ad Iustinianum detulere. Suidæ autem uerba ( ne forte desideres ) hæc sunt: σῆρς ἰθιϑ. ἰνθα ἢ μίτῃα γίνετῃ. ἐξ ὧ καὶ σερικός τὰ ἐκ μὲν τάξιν ὑφασμένα λίγ. νῃ. καὶ σῆρ, σερός, ὃ σκώληξ. σερική, ὅτι ἡ μάταξά ἐστιν, ἐξ ἧς ἐιώθησαν τὴν ἰσθῆτα ἱργάξιας ἢ πάλαι μὲν ἱλκνὺς μηδικὴν ἐκάλεον. τὰ δὲ νῦν σερικὴν ὀνομάζουσιν. ἡ δὲ ἰουστινιανὸς πρὸς αἰθίοπας πρεσβύτου(ν) ῥωμαίον, ὅπως οἱ αἰθίοπες ὠνέμενοι τὴν μίτῃα ἐξ ἰνδῶν, ἅπαντες οἱ δὲ αὐτῶν ῥωμαῖοι αὐτοὶ μὲν κύριοι γίνωντῃ, μεγάλαις χρημασίαις. ῥωμαίοις δὲ τὸ το ποιεῖσθαι κερδαίνειν μάλλον, ὅτι δὲ αὐτοὶ ἀναγκασθίσοντῃ τὰ σφίπερα αὐτῶν χρημασι

ταῦ

ταῖς τοῦς πολέμους μελεγκῆν, καὶ σερικὸν νῆμα καὶ σερικὰ  
 ἱμάτια. Quem si interpretari uoluerimus, hæc dicit: Se=  
 res gens, apud quam ea, quæ uulgò à nostris seta dicitur  
 à Græcis metaxa, gignitur: unde & serica dicuntur, quæ  
 sunt ex seta contexta: & ser seris uermiculus. Sericum  
 idem est quod metaxa, id est seta: ex quo consueuerunt  
 uestem conficere: quam olim Græci medicam uocabant:  
 nunc sericam dicunt. Tempore Iustiniani imperatoris  
 Romani ad Æthiopas legationem miserunt: ut Æthio=  
 pes ementes sericum ab Indis & id per manus tradentes  
 Romanis: Ipse quidem magnam pecuniarum uim com=  
 pararent: Romani uerò hoc unum lucrifacerent: ne co=  
 gerentur in hostes suam pecuniam transfundere: hinc di=  
 citur & filum sericum & sericum uestimentum. Nos au=  
 tem ab his dissentire cogimur, quicumq; hi sint qui Pli=  
 nio aduersari uolunt, quippe scimus sericum apud Seres  
 in arborum folijs nasci, tanquam lanugo, ut supra coto=  
 nea mala lanuginem uidemus. Ampla autem est, & ob=  
 longa apud Seres, ut filari possit: quod non solum ex  
 Plinij testimonio scio, sed uiros allocutus sum, qui totam  
 Scythiam peragrarunt, hi referunt supra arborum folia  
 nasci, & ipsa folia reduci. Huc afferam Amiani Marcel=  
 lini testimoniū, qui libro x x i i i. idem cum Plinio sen=  
 tit inquit, Agunt ipsi quietius Seres, armorum semper  
 & præliorum expertes, utiq; hominibus sedatis, & pla=  
 cidum est otium uoluptabile, nulli finitimorum molesti.  
 Cæli apud eos iocunda, salubrisq; temperies, æris facies  
 munda, leuiumq; uentorum commodissimus flatus, & a=  
 bundè syluæ, sublucidæ, à quibus arborum foetus aqua

rum asperginibus crebris uelut quædam uellera mollientes ex lanugine & liquore mixtam subtilitatem tenerissimam peſiunt, nentesq; subtegmina conficiunt sericum, ad usus antehac nobilium, nunc etiam infimorum sine ulla discretionem proficiens. Ipsi præter alios frugalissimi, pacatoris uitæ cultores, uitant reliquorum mortalium coetus, cumq; ad coëmenda fila uel quædã alia transeunt flumen aduenæ, nulla sermonum uice propositarum rerum pretia solis oculis æstimant, & ita sunt abstinentes apud tradentes genita, nihil ipsi comparant aduentitium. Ex quibus manifestè colligitur Marcellinum idem cum Plinio sentire, & uerè sentire; eos autem longè deſcipi qui aliter sentiant: nam sericum uerè lanugo est supra arborum folia concreſcens. SEN. Authores tamen, quibus innituntur, deſpiciendi non sunt. BRA. Non equidem si ab illis intelligerentur. SEN. Volateranus igitur authores non intelligit? BRA. Non lubet supra hanc rem iudicium ferre, fuit equidem uir multæ lectio- nis Volateranus, sed non multi iudicij, qui non animaduertit alios authores à Plinio aberrare potuisse: nempe difficile est Plinium summum uirum taxare, non quia & ipse uir non sit, sed difficile, quia nisi certas, & statutas rationes habeamus, silendum potius est, quam incerta ef- futire. Vt autem exquisitius recentiorum errores ostendam, qui uolunt apud Seres uermiculos esse supra arbo- res, & non foliorum lanugines, id scire te uolo apud anti- quiores nostrum sericum bombycem appellari: nam ut Plinius lib. XI. capite XXI. docet, in Assyria genus est bombycum nidos luto facientium, & ceram longè co-  
pioſius

pioſius quàm apes parientium: hic nō eſt uermiculus iſte qui noſtram ſetam facit, ſed erucæ genus eſt. Deinde addit eſſe aliam originem huius uermis: nam habet duo ueluti cornua, nec iſ eſt qui noſtram ſetam faciat. Poſtea inquit: ſit bōbilis, ex quo necydaſus, ex hoc in ſex menſibus bombyces telas aranearum more texūt ad ueſtem, ad luxum uirorum ac fœminarum, quæ bombycina appellatur: hic eſt ille uermiculus, cuius oua inter mammas noſtræ mulieres fouent, & uermiculi naſcuntur ſetifici paſſim per totam Italiā nunc, de quo elegantiffimè Hieronymus Vidas Mantuanus cecinit. SEN. Igitur noſtra ſeta apud antiquos bombyx erat? BRA. Erat equidem, & Plinius capite xxiii. eiufdem lib. xi. tertium genus ponit in Co inſula inuentum, quod propriè ad nos perlatū eſt in Italiā ex folijs arborum caducis natum: & hoc eſt ex quo propriè noſtra uocata ſeta fit: & quamuis ex cupreſſi, terebinthi, fraxiniq; folijs naſcatur, & ſurfure paſcerent, tamen inuentum eſt temporis proceſſu morum maximè amare, quamuis & alia quælibet folia amet, ſed non ita bene ſetificat. Mulieres Ferrarienſes in primo uere antequam mori folia eruperint (quia poſtrema arborum morus germinat, ideo ſapientiſſima nuncupatur) ſuos uermiculos lactuca nutriūt. Vehementius nigræ mori folia amat, & propterea ſi hæc comederit elegantius ſericū, & abundantiſſe facit. Noſtra igitur ſeta ſericū dici nō debet, ſed bōbyx, quia ita apud antiquos appellabatur. SEN. Quid ergo erit, quod uulgo bōbaſo dicitur. BRA. Quod ab antiq; gōſopiū uocabatur, ex arboribus uel herbis, Nos cotonū uulgo dictū



habemus: In Creta nascitur ex frutice parvulo, fructum similem barbatæ nuci ferentem. In Apuleia, & Oenotria etiam frequentissimum habetur, & in Malitha insula prope Siciliam, quam superioribus annis equites Hierosolymitani uel Rhodij Rhodo amissa non ui, sed proditione, sibi Coloniam elegere. Nos etiam Ferraria cottonum uidimus, & plantauimus, ac collegimus: Quare cottonum nostrum, sericum potius appellandum duco, quam nostram setam: quia omnia lina ( hæc ita nunc appellantur ) quæ uel ex arboribus uel herbis initium sumunt, potius serica nuncuparem, quam bombycem, si proprium nomen non haberent, tamen habent, quia quod apud Seres nascitur sericum dicitur: quod in Oenotria, gosipion. Nostra autem seta ab antiquis bombyx dicta est, à nobis seta, quoniam primi panni ex ea confecti longiores uillos in morem setarum habebant: est enim seta quasi sueta in sue pilus. Illud tamen præmittendum non est, posteriores Græcos hoc nomen sericum, etiam nostræ setæ à uermiculo factæ attribuisse, & Σηρικόν. σηρικόν dixisse, quamuis & μίτλαρ appellent. SEN. Ea quæ de serico à te enumerata sunt, breuibus collige. BRA. Libenter, cottonum uel bombaso Gosopium est apud antiquos, nostra seta bombyx: quamuis et recentes Græci σηρικόν, id est sericum appellent, sed diuersa appellatione, quia antiquum sericum ita nuncupatum est, quia apud Seres fit, in Scythia, id est Tartaria, & inde pulcherrimum ad nos fertur, & pulcherrimas texturas Scythicas obseruaui, quæ aliam speciem habebant quam nostra seta faciat. Nostra autem seta dicta est sericum à  
sete

fete uermiculo ipsam faciente: ita enim hic uermis in ali-  
 quibus Indiæ partibus nuncupatur. SEN. Vnum est,  
 quo discrucior, quid scilicet ad eorum uirorum authorita-  
 tes dicendum sit, qui oppositum sentire uidentur. BRA.  
 Dicās à recētibus non rectè intelligi. Nam Virgilius pro  
 nobis est, quando depectunt tenuia uellera folijs: Pausa-  
 nias autem dicit Seres esse Indiæ populos, quamobrem  
 opus est esse alios Seres in India, quam apud Scythas.  
 Non desuere tamen qui procures apud nos appellantur,  
 dicentes Seres in India esse, & Scythiam esse Indiæ par-  
 tem, qui quantum hallucinentur, clarum est Cosmogra-  
 phos considerantibus. Nam Scythiam diuidunt in Scy-  
 thiam extra Imaum montem & Scythiam intra Imaum  
 montem: Seres & Serica regio sunt in Scythia extra I-  
 maum montem, cuius termini hi sunt, Ab occasu habet al-  
 teram Scythiam & Sacas, à septentrione terram inco-  
 gnitam Ptolemæo, ab ortu Sericam, à meridie partē In-  
 diæ extra Gangem, similiter Serica à meridie partē In-  
 diæ extra Gangem, ut uidere liceat Sericam aliam pro-  
 uinciam ab India esse si in Scythia sit: si autē per se pro-  
 uincia sit, adhuc ab India diuersa est, quia ad Indiam à  
 meridie terminari dicitur à Ptolemæo. Adde Indiā trās  
 Gangem dicitur terminari ad Sericam: nam ab occasu al-  
 teram Indiam habet, & Gangem fluuium: à septen-  
 trione, Scythiam, & Sericam: ab ortu, Sinarū regionem:  
 à meridie, Indicum pelagus. Propterea, quod à Pausa-  
 nia dicitur, Seres populos esse apud Indos à sere uermi-  
 culo denominatos, gētes alias esse, putare oportet, quam  
 quæ in Serica apud Scythas uiuunt: nam in India, maxi-

ma nostræ setæ copia est, cuius maximum emporiū in Calchut fit: quamvis & ex Serica regione illuc afferatur. Vides etiam, quod ex Procopio adducitur esse apud Indos, non inueniri apud probos authores, aut Serindam, aut Seres in India: arbitrorq; monachos illos non attulisse uermiculorum oua, aut ex Serica, aut ex Serinda, sed potius ex Assyria, ubi maxima est horum uermiculorum copia, & inde Constantinopolim facillimus est transitus. Quod præter rem non est, illos monachos ex Hierusalem & partibus Syriæ uenisse, aut fortè ex Seri regione uenere, quæ in tractu est regionis Colchicæ. uel cum nostro hoc tempore in Persia, Eri, sit urbs ita fortè dicta corrupto uocabulo quasi Seri, in qua ingentiſſima est huius setæ copia, adeo ut totus alicuius etiam magnæ urbis populus seta uestiri possit, quæ à uermiculo fit, fortè illi monachi inde uenere. Quod uerò additum est ex Diua Ambrosio, nihil ad rem, quia de uerme Indico sermonem habet, non autem de Serica regione. Nos autem factemur nostrum uermiculum ex India allatum esse, aut ex Eri parte Persiæ in regione quæ Chorazani nunc dicitur: quamvis & ex Colcho, & ex Tyro, & ex tota Assyria potuisset Constantinopolim à monachis, aut senioribus quibusdam ferri. Seruij autem testimonium satis uideretur, nisi maior esset Plinij, Marcellini, Solini, ac Melæ autoritas, & etiam ueritas oppugnaret: mirorq; de ipso qui dixerit, nos lanam arboream accipere non posse, quæ ubiq; procreatur: quia arborea lana, quæ sericum fit, non nisi apud Seres procreatur. SEN. Brevibus quæ dicta sunt conclude. BRA. Nostra seta apud antiquos,

antiquos, bombyx est apud posteriores. Sericū, non qui- Bombyx.  
dem deductum à Serica regione, sed à sere uermiculo.  
Nostrum cottonum uel bombasum gosipion est. SEN.  
Fertur ne sericum ad nos è Serica regione? BRA. Fer-  
tur quidem, & præsertim pulcherrimæ uestes feruntur,  
sed à nobis tota ea pars Tartaria nuncupatur, quamuis  
post Ptolemæi tempora, regiones inuentæ sint & poten-  
tissimi reges, ac bellicosissimæ gentes post Sericam: quip-  
pe inuenta sunt, Tagus, Tholonia, Chairam, Cathay, et  
multa alia illis antiquioribus ignota, è quibus pulcherri-  
ma serica ueniūt. Habes igitur quid sericum sit, & quòd  
nostra seta non sit uerè sericum. An modò seta nostra ca-  
lida sit, & cor confortet, inquirendum est, quod per du-  
os tramites agere tentabimus. Primus est, uia regia, id est  
experientia ipsa rerum magistra, ex qua manifestè depre-  
henditur setam siccam esse, sed an calida sit faciliè depre-  
hendi non potest. Alia uia est ex causis rerū sumpta, na-  
turam horum uermium considerantes, & quibus nutrian-  
tur. Nutriuntur hi uermes apud nos mori folijs, quæ sum-  
mopere amāt, unde ex horum foliorum qualitate, & se-  
tam esse putamus, quamuis nulla ferè sit herba, qua non  
saturentur: imò Ferrarienses mulieres antequam mori  
germinauerint, lactuca folijs libenter pascunt: sed opus  
sericum totum ex moro est, morus autem frigidam tem-  
peraturam habet, ideo & sericum nostrum frigidum es-  
se censeo. An uerò cor confortet, à nullo authore dicitur,  
qui fide dignus sit, Serapione & Auicenna demptis. Se-  
rapio tamen id non asserit, sed à quibusdam medicis di-  
ci asseuerauit. Nobis autem ea cordi conferre uidentur

(ut Galeno placet) quæ odorata sunt, Seta autem non solum odorata non est, sed foetet, nisi ab alio odorem sumat: ideo à compositionibus quæ corroborare habent, potius arcerem, quàm recipere uoluerim. SEN. Tamen hic mos ualde incaluit. BRA. Quicquid sit, & quomodocunq; usus processerit, hanc esse ueritatem non solum arbitror, imò scio, & potius alicuius corroborares, si eum serica ueste donares, quàm si libram serici comederet. SEN. Nos sericum accipimus in chermes infectum. BRA. Et hic alius error est priore maior, quia sericum ita infectum in primis præparatur ut colorem recipere possit: præparatur autem liquido alumine, quo primo imbuitur, liquidum autem alumen uentriculo aduersatur: quomodo igitur hic syrupus aduentriculum ualebit? Adde postquam sericum in chermes ebullitionem immersum est, statim in rem quandam immergunt, quæ nostra lingua Mistra nuncupatur: in quam gallie ingrediuntur, ipsi pope appellant. Suaderem igitur, ut setam in chermes tinctam non acciperes. SEN. Quid igitur sumemus? BRA. Aut nihil, aut ipsum chermes sine seta. SEN. Vidi, qui granum tinctorum pro chermes acciperent. BRA. Hi minus despiciendi sunt, quàm qui setam in chermes tinctam sumunt. Sed quia facillimum est habere chermes, ideo potius ipsum habere cures, quod etiam uili pretio assequeris, nempe Venetijs non expendes pro qualibet libra, quatuor libras Venetas. Non est

Coccus, autem coccus chermes, quia coccus est nostra uocata gra-  
Chermes. na, quæ ex Cypro affertur, & in Italia etiam nascitur:  
unde multi decipiuntur qui putant chermes esse coccum.

SEN,

SEN. Reperitur ne apud antiquos chermes? BRA. Non erat in magno usu apud eos, tamen ipsum reperio: non tamen sub hoc uocabulo chermes, sed sub cocco. SEN. Rem inauditam dicis. BRA. Fortè magis miraberis si tibi dixerò in Italia esse chermes, & in Apennino, Regium Lepidi uersus, nos excauasse, sed (ut arbitror) tin-cturæ ineptum, tamen experti non sumus. SEN. Quid dicis excauasse? Chermes semen esse putabam. BRA. An semen sit, an non sit, ambigo: quid autem putem, aut dubitem afferre non grauabor. Scito ex herbarum radicibus sumi, & non esse semen quod extra terram herbis insit, Ego frequenter excauui, & granula circa radices collegi quæ breui tempore in uermiculum transeunt.

SEN. Quomodo transire possunt? fit ne ex semine uermis? BRA. Aperitur semen, & parua quædam formica alata exit, quæ auolat, exterior cortex inanis relinquitur, qui ad tincturam nihil ualet, & hic est cocci uermiculus, qui apud Diuum Hieronymum reperitur, & in sacris literis legitur Tinctura ex uermiculo, id est re in uermiculum tendente, imò proprio uermiculi sanguine, in eare quæ semen uidetur, uel paruum ouum incluso.

SEN. Quomodo prohibetur, ne in uermiculum transeat?

BRA. Cum ea semina, uel quicquid sint, statim à radice demuntur: in aliquibus locis aceto inspergunt, ut uelox illa generatio extingatur. In alijs locis in butyrum, aut pinguedinem iaciunt, quæ uermem extinguunt. SEN.

Quæ herba est illa, cuius radicibus inhæret chermes?

BRA. Multæ sunt herbæ, sed una inter alias parua in-  
cisa multum, quæ pimpinellæ folia imitatur, tamen ma-

gis incisa sunt. In multis Germaniæ locis colligitur, & in Polonia præsertim apud Croconiam urbem region, circa Visulæ flumen: imò Poloni chermes appellant cleruicel, quod etiam nomen mensis est, in quo potissimum chermes colligunt: solum enim apud Polonos hoc mense colligitur. Et quod in Polonia nascitur alia plura in perfectione excellit. In Etruria quoque nascitur, & Etrusci putant genus pimpinellæ esse, & hanc herbam suo vulgari nomine firellam appellant, alij thrialmum. Nascitur autem & sub alijs herbis: nam Poloni tres herbas habent, sub quibus nascitur. Vna est, quam ipsi appellant nyedospialek, putant esse auriculam muris, tamen non est illa Dioscoridis, sed ipsi ita appellant. Nascitur & sub parietaria & sub siligine, quam Græci & Latini olyram, Poloni zito: nos segala uocamus. Sed hanc non excavant, quia maior est prouentus ex siligine quam ex chermes. SEN. Cur dubitas an semen sit? BRA. Quoniam in uermiculum transit. SEN. Apud nos etiam multa legumina uermiculi efficiuntur. BRA. Non ita citò, nec in uniuersum, sed ex corruptione, una tantum parte leguminis in uermem transcunt, qui aliam partem comedit. Quod autem sit ouum, & non semen, mihi persuadet etiam sub uarijs herbis mucniri, unde suspicor esse aliquorum uermium oua, uel subterraneorum animalium, ut suadet illa cita uermiculi generatio: & si uermiculū uolātem digitis interfeceris, purpureum cruorem, aut purpuream humiditatem emittit, qua digiti inficiuntur: imò si in granis chermes, quæ Venetijs uenduntur, species, nonnihil inest quod uermiculi colorem habet.

habet. Adde quum senescit non tingere : quod indicium est humiditatem illam purpuream exiccare. Ideo suspicatus sum ovum esse, & non semen, & præsertim, quia & illa herba pimpinellæ similis : & aliæ, in quarum radicibus chermes inveniuntur, aliud semen habent supra terram, quo prognerantur. SEN. Quid in causa fuit, ut in hoc syrupo chermes acciperetur, & seta in eo tincta? BRA. Quid sentiam aperire enitar. Quod Græci coccum dicunt, Arabes chermes, uel chesmen appellant. Ideo ubi in Arabum compositionibus ponitur chermes, coccus sumi debet, ut apud Serapionem uidere licet, capite c c c x x i. Verum quia granum id, quo setam inficimus, dicitur & ipsum chesmes, & nos charmeſi = *Charmeſinus* num uocamus colorem illum floridum, & chermes hoc color. granum nostra uulgari lingua. Propterea recentes in Arabum compositionibus cum chermes inuenere, nostrum chermes accipiunt, cum potius coccum accipere debuissent, qui est uerus Arabum chermes : ut facile uideri potest si quis Serapionem, & Dioscoridem legat. Inquit enim Serapio: Chesmen apud Dioscoridem est arbustum, quod administratur ad accendendum ignem, & est medium inter arborem & herbam, cuius rami sunt multum subtiles, super quos sunt grana rotunda similia lenticulæ, quæ colliguntur & reponuntur, & conseruantur, & conficiuntur ad tingendum. Et melior grana est illa quæ defertur ex terris quæ dicuntur Galates & Andabusi, & ex Armenia, & secunda est illa de Siana & Lithia, & deterior omnibus est Hispana. Reperitur autem in arbore glandium interius Calchic animal



testosum paruum, simile limacijs, & colligunt illud mulieres cum ore earum. Hæc Serapio ex sententia Dioscoridis, satis barbarè & infidè. Cui si Dioscoridem in capite de infectorio cocco perleges, idem cum suo chesmos esse deprehendes. Inquit enim Dioscorides: κόκκος βαφικῆς, id est granum tinctorum, surculoso nascitur frutice, cui grana lenticulæ adhærent: leguntur hæc ad usus, componunturq;. Optimum est è Galatia & Armenia, sequens ex Asia, Ciliciâq;: pessimum ex Hispania. In Cilicia è roboribus prouenit limaci paruo simile, quod loci eius mulieres exceptum ore, coccum specialiter appellant. Vbi uides chermes apud Serapionem esse Dioscoridis coccum. Quid autem per id uelit Dioscorides, quod mulieres excipiant ore, non possum aliud coniectari, quàm ita excipere ut melius seruetur: inde enim non nihil maturitatis contrahitur. Aliter enim quid sentiat, imaginari non possum, nisi codex corruptus sit, & aliquid desit: imò, alias putauì coccum Dioscoridis esse nostrum chermes, & mulieres ore accipere, ne in uermiculum transfret. Sed hoc me dimouit à tali sententia, quia dicit nasci frutice surculoso: herba autem est, ex qua nostrum chermes ortum habet: Coccus autem infectorius nascitur ex frutice, & de eodem loquens, dicit in Cilicia è roboribus nasci: apparet autem quod è roboribus nascitur, esse granum quod tingendo est, non autem chermes. Vel dicimus in codice Dioscoridis nullum esse uitium, sed locum fuisse ab interprete male intellectum. Cuius loci uerba sunt: ἡμᾶς τῆς λευκαῖς τοῦ σώματος ἀναλίσσουσαι κόκκον καλοῦσιν. quæ sic ad uerbum transferas: Quem  
eius

eius loci mulieres ori colligentes, coccum uocant. Mulieres enim colligunt coccum ori, id est ad os tingendum ac fucandum: ut τὸ σόματι non septimi apud nos casus, sed datui uim habeat. Illam autem uocem euulsum uel exceptum, de suo addidit interpretes, neq; usquam est in Græca litera. Cuius rei magnificus & Reuerendissimus CAELIVS Calcagninus, uir undequa; doctissimus, me attentum fecit. Sed ad rem nostram redeunt, Cum in Mauritanorum compositionibus chermes, aut setam in chermes tinctam reperiēs: noli chermesinum intelligere, sed infesturam in coccum, id est in granam tinctorum appellatam: unde coccinea uestis apud antiquos. Est enim alia res chermes. Ideo illos non multum reprehendo, qui pro seta in chermes tincta coccum sumunt. Adde tamen nec setam tinctam aut pannum sumenda esse ob præparationem. An uerò corroboret, nondum apud aliquem authorem fide dignum reperi, sed tantum adstringere, & uulneribus neruorum prodesse. Tamen supinus quidam error apud nonnullos planè quintæ clāssis medicos inuenitur, qui granum quod tingendo est, ad prouocandos menses exhibent, cum plurimum supprimat, ut ego plerunq; eius puluerem exhibeam his mulieribus, in quibus de abortu dubium est. Et quia nonnulla sponte abortire uolunt, ne in furto deprehendantur, petentes ut in hac re illis opem darem, ego hoc granum exhibui, ne si uellent, abortire possent. Qui autem ducere menses fatentur, argumentum sumunt ex colore, quia rubrum, ac si rubra menses ducant: multi enim maximam propositionem habent

siomniē salsam: Omnia rubra menses prouocare, tamen multa rubra inueniuntur, quæ uim adstrictiuam habent: Scitoq; quod à Dioscoride dicitur, Cuius grana lenticulæ adhærent, non esse intelligendum grana lenticulæ figuram habere, sed quod more lenticulæ inhærent.

SEN. Igitur non est nostra, quæ tingunt in chermese?

BRA. Non ut uidetur. SEN. Igitur nostram granam

edoceas, & quid illud sit, quo nunc in Chermesinum

tingunt. BRA. Nostra grana est coccus baphice, id est

granum infectorium Dioscoridis, & Plinij, & chermes

Serapionis, ac Mauritanorum. Quid autem sit apud

antiquos chermes nostrum, quo floridus color, quem

chermesinum uocamus, sit, dubium est. Tamen bene

Plinium considerans uijus sum expiscatus esse grana

nostra in Cypro, & Creta, & pluribus alijs locis nasci-

tur, Venetiasq; assertur ex pusillo frutice folia habente,

ilicis aquifoliae similia, ut Plinius libro decimosexto,

capite octauo docet: tamen hæc folia parua sunt, & spi-

nosæ. Tamen & in roboræ coccus nascitur, præsertim in

ilice, ut Plinius capite quarto lib. xxi. testatur. &

Theophrastus tertio de plantarum historia, inquit: gra-

num puniceum facit. de his loquitur, quæ in arboribus

fiunt, tamen fructus non sunt, ut nux auellana, quæ ui-

lum callo compactili facit. Idem in eodem lib. repetit,

cum omnia enumerat, quæ in ilice nascuntur. SEN. Ea

igitur quæ in ilice nascitur nostra grana est. BRA. Non

est, sed à Pli. cap. l. lib. xxi. coccus, ilicis ap-

pellatur. Est aliud granum à cocco, sed & ipsum tingit.

Si autem apud antiquos nostrum chermes reperiatur, est

id

id de quo Pli. præcitato loco inquit : est autem genus ex eo ( scilicet cocco ) in Attica ferè, & Asia nascens, ce-  
 lerrimè in uermiculum se mutàs, quod ideo scolecion uo- Scolecion.  
 cant, improbantq; si apud Antiquos nostrum chermes  
 sit, est coccus scolecion : nam chermes nostrum ocysimè  
 in uermiculum transit. Vnde tria cocci genera apud an- Cocci tria ge-  
nera apud an-  
tiquos.  
 tiquiores scripta inueniuntur: Coccus infestiorius absolu-  
 tè, qui nostra grana est ex arbuscula pusilla nascens, fo-  
 lia circinata spinosa habens parua, & coccus scolecion,  
 qui fortè est nostrum chermes, nisi intelligas esse genus  
 aliquod cocci ilicis, quod in uermiculū cito transeat sco-  
 lecion dictum, aut dicas non habuissè rationem tingendi  
 ex scolecio, qualem nos habemus, ideo ab ipsis scolecion  
 despiciebatur, nobis autem facit colorem magis floridū,  
 quàm coccus baphice faciat. Tertium est, coccus ilicis, ut  
 ex his omnibus colligere possis quid sit chermes apud  
 recentes, & nunquid apud antiquos reperiatur. An uerò  
 cor roboret chermes, nec antiqui nec recentes prodidere:  
 non antiqui, quia apud ipsos quid sit non reperitur. Ara-  
 bum enim chermes est coccus baphice, quem granum uo-  
 camus. Recentes etiā nihil prodidere, quia ipsi de cher-  
 mes loquentes, de eo uerba habent, de quo Arabes scri-  
 psere: propterea in hoc syrupo chermes dimitterem, ue-  
 luti unum, de quo experimenta sumpta non sunt. quod an  
 calidæ naturæ sit, an frigilæ, si scire cupias, calidæ natu-  
 ræ esse illud ostēdit, quod celerrimè in uermiculū transit:  
 ea enim cita generatio caliditatē notat. S E N. Mibi uide-  
 tur mirū antiquos adeò modicè de nostro chermes esse lo-  
 cutos. B R A. Ne admiratione afficiaris, quoniā forte nihil

locuti, nisi id sit, quod coccus scolecion à Plinio nuncupatur, quamvis plerunq; dubitauerim quod esset coccus, de quo Plin. capi. x l i. i x. lib. ubi de tingendo Amethystino tractat, & inquit coccum Galatiæ rubens granum. postea addit, ut dicemus in terrestribus. Putabam hanc particulam à Plinio positam esse, ut sub terra nasci animaduertèret. Nostrum autem chermes uel ouum sit, uel semen sub terra nascitur: est enim granum illis radicibus inherens, quod potest ratione coccus appellari. Idè enim est apud Græcos κόκκος, quod apud Latinos granum. S E N. Si autem reperiretur qui & setam, & chermes in hunc syrupum imponere uoluerit, quomodo agere debet? B R A. Aut seorsum setam, & chermes ponat, aut hoc modo præparet: Accipiat libram chermes, quod in puluerem redigat, sintq; igni suspensæ in æneo lebeate quinq; aquæ libræ, quæ cum calida est antequam feruere incipiat, in eam chermes puluerizatum iniiciat: deinde una ebullitione bullire faciat, & ab igne depouatur: postea setam, quam crudam uocant, (eo quod nullum colorem suscepit) in prædictam aquam ponat: & donec optimè imbibatur relinquat: deinde eam statim exprimat, factaq; mediocri expressione, in succum pomorum dulcium, & aquam rosaceam infundat. S E N. Igitur exiccari non debet? B R A. Non debet exiccari, sed debet statim in prædictum succum & aquam infundi, & statim pharmacopola cum extrahit suo usui accommodare debet, quia solum eo tempore præparanda est, quando syrupum hunc conficit. S E N. Quæ proportio setæ esse debet ad chermes? B R A. Pro libra setæ, libra chermes

chermes sumatur, ad imbuendum. Vnum tamen est, in quo de uobis pharmacopolis miror, qui ferè semper hūc syrupum candum habetis, id est quo zucharum concretum. SEN. Aliter fieri non potest. BRA. Quia arte caretis, qua fiat. Multi sunt modi, sed unus hic præcipuus est, addere parum mellis zucharo: hoc enim prohibet, ne zucharum in duritiem illam (quam uulgus candū uocat) concreascit. Mel tamen prohibere non potest quin dureascit in processu temporis, sed bene prohibet ne candeascit (ut hoc uocabulo utar) tamen non durescit nisi longo tempore transacto. Sed interim à Pharmacopola ueniditur. At unum aliud apud pharmacopolas obseruauī, hunc syrupum mucidum fieri. SEN. In hoc non sinam te mentiri, sed causam ignoro. BRA. Facile reddam: & si nostro modo parabis, nunquam aut hic, aut alter syrupus mucidus fiet. SEN. Dic obsecro. BRA. Mucor, & muciditas ex superflua humiditate fiunt: hoc manifestè deprehenditur in dolijs uinarijs, quando guttæ delambendo uas exeunt, mucor fit ob eam humiditatem, & quanto magis uinum aquosum est, tanto magis mucore abundat. Eodem modo, quando è naribus humiditas exit, mucor fit, & ideo pueri ob ingentem capitis humiditatem continuò nares mucore plenas habent, & in humidis locis semper situs & mucor generatur. SEN. Fortè piscantium nares semper mucidæ sunt, & persillantes, quia intrinseca humiditas ab extrinseca allicitur. BRA. Ridicula, sed non præter rem ratio. Idem in uestris syrupis accidit, quando syrupum usq; ad aquæ & humiditatis resolutionem non decoquitis, mucidus

fit. Igitur si ad unguem decoquatis, mucidum non fieri animaduertetis. S E N. Mucor etiam ex caliditate fieri uidetur: nam æstiuo tēpore, & sæuiente cane, panis potissimum mucidus fit. B R A. Idem ex humiditate causatur: tūc enim calor aëris, intrinsecam panis humiditatem ad extrinsecas partes allicit, unde intrinsecus exiccatur panis, extrinsecus humescit, & mucidus fit: quod ut enitetur, iubeo mulieres meas panariam capsam tota æstate in cella umaria seruare, quoniam loci frigiditas panem mucidum fieri non finit. Sed hæc alio commodiori loco tractanda sunt. S E N. De hoc syrupo satis dictum erit, si quæ in ipso omittenda sint, breuibus repetas. B R A. Setam, & chermes omitterem, quæ ad rem nihil faciunt, imò seta in chermes tincta ob præparationem obest. S E N. Prosequar'ne alios syropos? B R A. Tibi ipsi cantare poteris: mihi enim fabulam surdo cantabis, nempe coenare decreui, quoniam fame plus quàm Saguntina premor, coenans autem obaudio, præsertim in prima mensa, ubi dentes solam strident. S E N. Igitur canina fame premeris? B R A. Imò humana: heus puer sterne nappam, uosq; ancillæ dapes in mensam portate, tuq; manibus lymphas præbe. Obaudio nūc senex, quoniam eā uulgata sententia uera est, ieiunus uenter, non audit uerba libenter: licet ineptiori carmine dicta sit. Et Catonis uetus sententia est: Venter aures non habet. Mecum in cœna eris: postea syropos alios, & cætera cōposita medicamēta prosequeris. Interim dum hæc pedisse quæ in refrigerandis dapibus retardant, hæc sibilata in spiram uersa, famem sedare incipiet. B R A S A V O.

Quid

**Q**uid impedit nūc Syrupos iam cōptos prosequi?  
 Postquā exēpta fames, & amor cōpressus edēdi,  
 & omnes inuicē loqui incipiūt, quia prope  
 finē sunt, in quo rumor gentiū fieri solet. SEN. Tu uis  
 uenis properē comedisti, imō tubercinatus es: Ego eden  
 tulus nōdū huius comēdiæ actum primū exegi. BRA.  
 Vno uerbo sequētem syrupū nomina, qui in tua scheda  
 scriptus est. SEN. Ego prius huius clupeæ geniturā, et  
 hos fluuiatiles cācros comedā, bisq; hūc cyathū exhaustū  
 quā de syrupis uerba facturū sim. BRA. Et ego iterim  
 bellaria depromā. SE. Sū bellariorū satur. Syrupus, q se  
 qtur is est q de acetositate citri appellatur. BR. Ego po  
 tius de succo citri nūcuparē, qā itrinseca citri ps tota suc  
 cus est, qbusdā pelliculis dēptis. Hūc aut syrupū secundū  
 Mesuē sentētiam parāt pharmacopola, cuius cōpositio  
 hæc est p Mesuæ uerba descripta, ut simul et cōpositio  
 nē, & Mesuæ uerba, ut ab ipso authore dicūtur habeas:  
 Recipe succi acetositatis citri, libras duodecim: decoque  
 in uase uitriato super prunas cū facilitate usq; dū con  
 sumatur tertia pars ipsius: deinde coletur, & dimittatur  
 donec clarificetur: & accipe ex eo quod clarū est, libras  
 septē, & funde super ipsum ex Iuleb claro & depurato  
 libras quinq; et coquatur donec inspissetur. Si aut æstas  
 fuerit, dimittatur in sole donec eius aquositas consuma  
 tur. Hæc est secundū Mesuen huius syrupi cōpositio.  
 Addit deinde eius iuuamentum magnum esse in extin  
 guendo inflāmationes cholerae rubæ, & febres inflam  
 matiuas uehemētes, & febres pestilētiae, & propriē quæ  
 fiūt in æstate uenēnosa, & cōfert ebrietati, uertigini, et

Syrupus de  
 acetositate citri.



siti uehementi. SEN. Posses'ne uno uerbo ad quid ualeat exprimere? BRA. Possum. Ad omnes ægrotudines biliosas ex pura bile ualet, & pestilentes, uel quæ ueneri naturam sapiant, & ad sitim extinguendam. SEN. Est'ne hic parandi modus apud antiquos? BRA. Antiqui de zucharo nihil unquam prodidere, & hunc syrupum nunquam fecere, tamen in omnibus frè ægrotudinibus præcitatis acido citri succo utebantur. En Galenus lib. VII. de simplicium medicamentorum facultatibus, inquit esse tertij ordinis resiccantium, in frigidantiumq;, & de acida citri parte loquitur, quam partem in II. de alimentorum facultatibus lib. etiam frigidam facit, sed gradum non determinat. Et Paulus Aegineta lib. VII. & Aëtius lib. I. acidam citri partem in tertio ordine frigidam & siccam esse arbitrati sunt: sed Paulus primo lib. capite LXXXI. dicit abundè infrigidare, gradum uerò non determinat. Plinius Secundus quarto de re medica lib. (si is Plinij liber sit, qui de re medica circumscribitur) huic frigidam naturam inesse fatetur: imò & experientia ipsa hoc comprobat. Quis igitur negare poterit uehementibus inflammationibus & æstibus succurrere? Imò Aëtius capite XXXI. li. XII. ad inflammationes utitur hoc succo pani aut pollini admixto, & modo cataplasmatis apposito. Nam antiqui, citri succum per os non sumebant, sed cortice tantum, & carne uescebantur, ut apud Galenum, Paulum, & Aëtium uidere licet, qui inquirunt corticem, uentriculum roborare, quauis difficilioris cōcoctionis sit, & carnem pituitosam materiam gignere. Nec immeritò hic syrupus contra pestilentem morbum

morbum ualere à Mesue dicitur, quoniam & antiqui ci-  
 trum ueneno aduersari fatebantur, quod potius semini  
 attribuunt, quam pomo. Quāuis Dioscorides anceps sit,  
 quum dicit, *δύναμις δὲ ἔχει πρὸς τὸ ἐν οἴνῳ, ἀντιπερὶ γὰρ βα-  
 νκοῖται*, id est, uim autē habet quod in uino potum uene-  
 nis aduersatur. Hoc autem ita ad pomum, sicut ad semen  
 referri potest, quāuis de semine propinquius sermonem  
 habuisset. Tamen præter rem non est, si & de semine, et  
 de pomo id intelligamus, quia Plini. lib. xxi. capi.  
 vii. inquit: Citria contra uenenum in uino bibuntur,  
 uel ipsa uel semen. Nec obstat quod Theophrastus vi.  
 lib. istud pomo attribuat, & Paulus, & Aëtius, quoniā  
 & semini hoc dotis inest, quod Auicenna cortici, & se-  
 mini attribuit. Serapio etiam Dioscoridem referens, ita  
 refert ac si pomo hanc dotem elargiatur. Quicquid sit,  
 totum pomum ueneno resistit. Vnum autem est, in quo  
 recentiorum quorundam error deprehenditur, qui hunc  
 syrupum ualere inquit contra prænantium fastidia  
 quando edere non possunt, & extranea appetūt, ut car-  
 bones, terram, pilos, & similia: quam affectionem Græ-  
 ci *κίσχυς* & *κίτχυς*, id est picam uocant. Plin. lib. xxi. *κίτχυς*.  
 capite vi. malatiam prænantium interpretatur. Inest *κίσχυς*.  
 autē hoc genus fastidij prænantibus usq; ad tertiū men- *Malatia præ-*  
 sem, ut Paulus Aegineta capite primo primi libri do- *gnantium.*  
 cet. Causa autem est, quia foetus paruus & imbecillis ea  
 quæ ad locos mittuntur consumere nō potest. Nos autem  
 mulieres uidimus quæ usq; ad quartū, quintū & sextum  
 mensem hac affectione uexabantur, sed cōmune est tem-  
 pus, cum foetus moueri incipit. Dicitur autem cissa, id est

pica: quoniam hoc animal, quia uorax, in cibi fastidium sepe uenit. Sed ne præsentem occasionem omittamus, illustriſſima RENATA Galla Ferrariæ Ducissa, nunc cissa uexatur, tamē in quarto mense à conceptu est. Nec opus est putes cissam solum esse cum extranea appetunt, sed cissa etiam appellatur, cum adeo perturbatus est uentriculus, ut cōuenientia edere nō possit, quamuis extranea nō appetant. Propterea Plinius præcitato loco prægnantium malatiā meritō appellauit. Constat autem prægnantium uentriculo (nisi æstuaus fuerit) potius obesse, quā prodesse. Illorum autē error ex hoc prouenit, quia authores non considerarunt, qui non dicūt citri succum ad hunc morbū ualere, sed semen. Quāuis in Dioscoride indifferens uideatur, tamen Plinius capite v l i. lib. x x i i i. de semine id dicit, & Paulus Ægineta lib. i. Ad rem autem nostram redeunt, hic est optimus syrupus in æstuantibus morbis, quo frequenter iubeo ægros pro instinctu uti: ut nuper magnificæ Dianæ Estensi contrariæ in æstuantis uentriculi morbo: fit autem ex succo citri, tamen citri nomine limones, Adam poma, & arantia ueniunt. Ego potius ex limonibus pararem, quoniam succum frigidiorē habent: hic autem potissimū frigiditas expetitur, & limones sapore habent citro maxime cōuenientē. Nam ut Plinius dicit capite x x v i i i. lib. x v. citris odor acerrimus, sapor asperrimus. Inter hæc autē limones omnium asperrimū habent, ideo potissimū citra sunt limones. Tamen si ex citro etiam habere placeat, ubi tāta frigiditas nō expetitur, parato. Illos autē pharmacopolas damno, qui Venetijs succū citri emūt: sed po-

tius uoluerim ut citra emerēt, & seorsum succū & corticē in syrupū redigerent, carnē uero condirent. Succus enim quē Venetijs afferūt, plerūq; aqua mixtus est. Zucharum, præsente syrupū ingrediens, clarificatum (ut dicitur) esse debet: propterea à Mesue Iuleb nuncupatur. Multi sunt, qui nimis coquunt, tūc facillē cādescit, & cōcrescit, & in durioris mellis formā trāsit. Quod est oppositū acetosi succi, qui suapte natura nec durescit, nec cōcrescit, sed potius quæ gelascūt liquidiora reddit: ex nimia autē coctura, & succi extrema resolutione cōcrescit. Propterea tu (ne erres) sume citri succum, & paulatim per linteum præcolato sine aliqua expressione, ut quod subtile est, paulatim transeat: qui enim uehementē linteū exprimūt succū nimis spissum colligunt. Vnde id solū sumere oportet, quod ex se descendit. Duobus autē modis syrupus fieri potest, Sole, & igne. Si Sole fiat, id est per morā in sole, magis clārus cōtinuō permanet: Si igne, nisi bene animaduertatur, nimis crassescit: qui enim nimis coquūt, in duritiē enogari, id est uocatæ gelatinæ ducunt. SEN. Igitur ex limonibus etiā parabo? BRA. Imō parabis, quia uehementius in frigidat, & penetrat. Postquam hic puer mappam sustulit, & denti scalpia præbuit, syrupos alios prosequaris. SENEX.

**S**yrupus de stœchade tertio loco habetur. BRA. Igitur his syrupis disponendis nullum ordinem seruas? *Syrupus de stœchade.* SEN. Nullum, ut iam præfatus sum. BRA. Gaudeo tamen hoc ordine disponi, quoniam eos primò enumerare uisus es, quibus illustrius patronus meus Hercules Ferrariæ Dux utitur. Est compositio apud Mesue

reperta in hunc ferè modum ab eodem authore, & sequentibus uerbis descripta:

Recipe, florum stichados 3. xxx.

Hæsc, id est Thymi )

Calamenti ) añ. 3. x.

Origani )

Anisi ) añ. 3. vij.

Pyrethri )

Piperis longi 3. iij.

Zinziberis 3. ij.

Passularum enucleatarum uncias iiij.

Mellis libras v.

Hunc syrupum (cum hæc solum recipit) appellat de stichados sine speciebus, uel de stichados incompletum. Tu autem potius de stœchade dicito. Si autem pulueres consequentes recipiat, syrupus de stichados cum speciebus, uel completus nuncupatur.

Pulueres autem sunt hi qui sequuntur:

Recipe Cinamomi

Calami aromatici

Spicæ, id est Nardi

Croci añ. 3. j. 6.

Zinziberis

Piperis nigri

Longi

Ligentur in panno raro, & suspendantur in syrupo. Dosis eius est, uncia una cum decoctione spicæ, & alchili. Hic syrupus expertus est ad omnes ægritudines nervorum frigidas, ut est paralysis, epilepsia, spasmus, tremor,

tremor, & tortura. Valet etiam ad catarrhum frigidum, à capite ad pectus, & uentriculum ipsum roborat. Hæc Mesue. SEN. Reperitur ne apud antiquos hic syrupus? BRA. In primis eius uires audias: Obstructiones aperit, crassa attenuat, extergit, totumq; animalis habitum roborat extaq; confirmat. Quod semper à causa frigida male affecta intelligendum est, & præsertim pectori anhelantibus, & destillationes habentibus opitulatur. SEN. Est igitur ualde utilis hic syrupus? BRA. Vtilissimus. Cum uero multo calore nõ indigemus, incompletum sumimus, id est eum, quem uos sine speciebus appellatis (quamuis non desuerint qui dixerint, eum qui incompletus est, solum recipere stochada & passulas.) In intensiori uero frigiditate, eum sumendum iubemus, qui species, id est pulueres aromatum enumeratas recipit. De hoc syrupo nihil apud antiquiores reperitur, tamen dicunt ad omnia prænumerata stochada ualere. Sed unum est in quo ambigere possemus, quomodo scilicet componi oporteat: quoniam à Mesue simplicia solum enumerantur, sed modum componendi, & an coqui debeat, prætermittit. SEN. Subintelligitur decoctionem fieri secundum artem. BRA. Quæ est, & qualis hæc ars ad decoctiones parandas? SEN. Nos instinctu quodã, sine pondere, sine determinatione aquam sumimus, ut oculis præsentatur & ingenio nostro uidetur: postea ad libitum bullire sinimus: deinde simplicibus expressis, quæ prius decocta sunt, mel in hanc decoctionem ponimus, quod tamen prius expumatum sit: itaq; ad syrupi formam altera ebullitione reducimus. BRA. Miror admodum in his

condiendis uos statuta aliqua pondera nō habere. SEN. Omnino non habemus. BRA. Viam igitur inueniamus, & certam normam, per statutas mensuras componendi syropos. SEN. Id libenter addiscam. BRA. Et ego lubentius edocebo, si aures præstabis. SEN. Et aures & caput, & uniuersum corpus habebis. BRA. Noli autem uniuersalem regulā in omnibus syrupis expectare, quia in aliquibus solum conueniet, in quibus cum crimus te admonebimus: In alijs uerò suas particulares regulas edocebimus. Quum syrupum de stoechade parare opus est, omnia quæ ipsum ingrediuntur, para, & crassiusculè contunde, & in uitriatum catinum omnia pone, deinde octo aquæ libras superinfunde, si omnia syrupi simplicia sicca fuerint. Si ita egeris, optimè infundi experieris: post uiginti quatuor horas exprime, & inuenies duas aquæ libras à simplicibus imbibitas esse: Tūc & aqua, & simplicia simul igni suspendas, ut bulliant igne claro ad consumptionē tertiæ partis, uel supra ignitos carbonēs fiat: Relinquētur quatuor libræ decoctionis plus minus, in quas libras quinq; puri mellis imponito, & iterū bulliant expumando, quoad fuerit cōsumpta decoctio, & ad formam syrupi redactū sit: in quā formam tunc redactum esse deprehendes, cum gutta summo pollice capta inheret, nō tamen coit, & si indice guttā quæ in pollice est tetigeris, prætenuia fila mittat, & nō statim abrum-patur. Nec guttæ resiliunt, in hoc præsertim syrupo qui mel recipit: nam mel optimū ut Plin. lib. x. cap. xv. docet, reglutinosum est. Si autē herbæ recentes sint, septem libræ aquæ in infusione satis sunt, quia una tantū imbi-bitur.

bitur. Sunt uerò Recentēs qui generalē quandā regulam tribuunt, quoties ab authoribus scriptū reperiunt, quòd aliquid in sufficienti quantitate aquæ bulliat, ipsi hæc sufficientem quantitatem ita exponūt: Si res sint quæ multā ebullitionem sustineant, in omni manipulo ponantur (ut eorū uerbis utar) boccalia quatuor aquæ: Si uerò mediocrem ebullitionē sustineant, dimidiū aquæ accipiant: Si uerò paruam ebullitionē sustineant, unū boccale sumere oportet: uolentesq; hanc regulā ad pōdus reducere, res, quæ plurimam decoctionē sustinent, hoc modo recipiunt aquā, ut una libra ipsarū in sex aquæ bulliat: quæ uerò mediocrem, in tres: quæ paruam, in unam et semis. Sed hæc non est cōgrua, conueniensq; regula, quoniam in hoc syrupo sunt res quæ multam decoctionē sustinēt, ut zinziber, pyrethron: et quæ mediocrē, et quæ paruam, ut cætera alia. Nunc autē ponamus omnia hæc mediocrem ebullitionem pati, tunc oportebit, hanc simplicium quantitatem in tres ferè aquæ libras ebullire. Quod apparet si quis computet, unicuiq; libræ simplicium tres aquæ libras dando. Sunt enim simplicia quæ hūc syrupū ingrediuntur, ferè quatuordecim uncia, speciebus dēptis: sed nimis absurdū esset in tam paruā aquæ quantitatem ebullire, nempe ad sextā partem cōsumere satis est: ideo nihil ferè relinqueretur, in quod quinq; mellis libræ injici deberent, et ad syrupi spissitudinē ebullirent: quia partim per ebullitionē, partim per breuē cocturā consumptū esset, et ferè mel exhauriretur. SEN. Certè, hanc esse nimis paucā aquæ quantitatem semper iudicauim. BRA. Omnino pauca est. Idco tu pro tota huius syrupi quantitate



*si herbe aride sint, octo aquæ libras sume : Si autem vi-*  
*rides, septem, & adeò bullire sinas, ut expressione facta*  
*quatuor libræ decoctionis relinquantur: nam duabus li-*  
*bris imbibitis in herbas, sex relictæ erant. Si deinde has*  
*sex ad consumptionem tertiæ partis resolveris, quatuor*  
*libræ solum relinquentur. Ego hunc syrupum ex zucha-*  
*ro pro Illustris, imò Hercule Duce Ferrariæ parari facio,*  
*ut iocundior sit. SEN. Qua hora species illæ in syru-*  
*pum coniici debent? BRA. Recentes pharmacopole*  
*cùm syrupus ferè coctus est, imponunt. Nos autem secun-*  
*dum hunc ordinem incodendum esse iubemus: Si multo*  
*calore indigemus, etiam diu hi pulueres in syrupo bul-*  
*liunt: si non, tanto minus. Imò iubendum est ut prædicti*  
*pulueres suspensi in syrupo maneant: quod & ipse*  
*Mesue innuere uidetur. quamvis multi hoc solum intel-*  
*ligant cùm decoctio fit. SEN. Hoc mihi summè qua-*  
*drat: quia si multa caliditate indigemus, magis ebullire*  
*oportet: si autem pauciori caliditate opus sit, tantum his*  
*pulueribus condiatur. Quod opus nos pharmacopole*  
*dicere solemus aromatizare. BRA. Sed hi pulueres ma-*  
*gis agunt, quàm aromatizare: nam aromatizare est odo-*  
*rem aromatum, rei, quam condimus præstare. Hi autem*  
*pulueres sunt potius syrupo calcaria. Cùm uerò ad for-*  
*mam syrupi decoctus erit, si ponderabis, inuenies quinq;*  
*libras esse, & semis plus minus. Vnum tamen aduer-*  
*tas, quòd maiori coctura indiget æstate, quàm hyeme.*  
*Quippe hyeme sex libræ, aut paulò amplius esse debet:*  
*æstate solum quinq;, & semis sint, uel circa. Aliter in ua-*  
*se, in quo seruatur, sponte ebulliret, & spumam faceret,*  
atq;

atq; mucorem. SEN. Loquuntur ne de hac re antiquiores? BRA. Imò, nam Paulus Ægineta capite xv. septimi libri, in his, quæ ex uino fiunt, dicit: Mellis despumati sextarium unū ad uini sextarios quatuor accipiunt, & componuntur incocta: In his uerò quæ ex succo & aqua fiunt (hæc autem ad nostrorum syruporum naturam ferè accedunt) si quidem coquantur, unam mellis partem ad treis accipito, liquore in coctione ad duas ferè partes cōsumpto. Re tamen uera nostri syrupi æstiuo tempore seruari non possent, si succi aut decoctiones ad duas partes solum consumerentur: propterea hi rectè agunt qui ad mellis ferè, aut zuchari pondus, uel circà arctant. Inuentus autem est syruporū seruandorū usus, tū ut compositiones præsto sint, quando eis indigemus, tum quia radices & herbæ omni tempore non sunt, tum quia compositiones ex mora quodammodo fermentantur. Deniq; in uitro circunlitum uas serua. In hoc syrupo nulla simplicia examinare oportet, quia omnia in examine simplicium medicamentorum exposita sunt. Id solum animaduertere iubeo, ut pro calamento, calamintha montana sumatur, & montanum origanum, uel quod ex Creta ad nos nuper per Illustrissimi Ducis nostri naues comportatum est. Quod autem dicit passulas enucleatas, tu corinthiacam uuam à pediculis mundam intellige. Quæ re etiam uerum calamum aromaticum, & ueram spicam, id est nardum. Inquit eius dosim esse unciam unam. Nos duas etiam exhibemus magno egrorum cōmodo. Quod autem addit sumi cū aqua decoctionis spicæ, & alchilil, spica nostra quæ pseudo spica est, & non uera, grauius

mum odorem, & ægros ledentem in decoctione facit: ideo dimittenda, quousq; ueram nardum nacti erimus. Alchihil uerò est libanotis, quam nos rosmarinum uocamus, cuius flores potius sumendi sunt, quàm herba, uel cacumina illa, quibus flores insident: nos cum alijs aquis igne eliquatis exhibemus, præsertim cum Illustrissimus Princeps sumit, ne displiceat. SEN. Si absq; infusione ebullire uoluerim, debeo'ne omnia simplicia una uice simul in aquam conijcere? BRA. Non, sed prius ea ponantur quæ multam decoctionem patiuntur, deinde quæ mediocrem, tertio quæ modicam: uel hunc ordinem serues: Primò pyrethrum in decoctionem ponere oportet, deinde passulas, mox anisi semen, inde calamentum & origanum, postea stocchada, quam sequatur hasce, & pulueres, quas species nuncupatis, piper longum scilicet & nigrum, & zinziber. SEN. Nunc in mentem uenit syrupus alter de stocchade à Mesue in capite de ægritudinibus neruorum descriptus. BRA. Est in principio capitis, ubi Iudæum quendam adducit, tamen in isto sine speciebus, & illo Iudæi paruam differentiam uideo, nam præcipua simplicia in hoc sunt. Illius autem syrupi permixtio (ne forte quæras) hæc est:

Recipe florum sticados vnc. iij.

Halæ )

Ziniam id est ibigæ ) añ. vnc. j.

Piperis ) añ. 3. iij.

Pyrethri )

Passularum sine interioribus vnc. j.

Coquantur in libras quatuor aquæ usq; ad duas, & sæpe

per libram semis, fiat syrupus. Dosis eum est ab uncia 1. usq; ad duas cum aqua alchilil. Vides hæc sola catamentum, origanum, anisum, & gingiber deesse: una tamen met intentio est, & ad unum met finem tendunt: forte ille Iudæus imperfectè scriptum reliquit. Ex hoc etiam syrupo quantitas aquæ sumendæ pro decoctione imperfectè habetur. SEN. De hoc syrupo satis dictum est.

BRA. Alios igitur prosequaris.

SENE.

**S**yrupus rosatus simplex quartus in ordine est. Syrupus rosatus simplex.

BRA. Gaudeo plurimum, te in hoc tuo ordine, sy-  
rupos primo loco posuisse, quibus Illustrissimus Prin-

ceps & patronus meus Hercules Ferrariæ Dux utitur.

SEN. Ego hoc ordine digessi, quia in pennæ apicem

uenere. BRA. Quicquid sit, ego apud vos pharmacopo-

las, nomine syrupi rosati simplicis tres syropos inuenio.

Vnum, ex infusione rosarum recentium. Alium, ex infu-

sione rosarum siccarum. Tertium, ex succo rosarum.

SEN. Ita est. Sed & quartum habemus, qui rosatus so-

lutiùs appellatur. BRA. Hoc noui, sed tres solùm esse

intelligo, qui sub nomen rosati simplicis ueniunt. Ille au-

tem solutiùs appellatur, non quia simplex non sit, sed

quia soluit, quod alij non faciunt. Ad id autem, quod

erat nobis propositum redeunt, dicimus, inter phar-

macopolas maximam confusionem esse, imò & inter

medicos maximam ignorantiam, & animæ suæ maxi-

num dispendium, qui pharmacopolarum compositio-

nes ignorant, nec discere curant, sed tanquam cæci sinūt

se duci ab ignaris quandoq; pharmacopolis: nam cum

pro ægris suis syrupum rosatum simplicem indicunt,

eundem syrupum semper non exhibent, quia uarij pharmacopole uarios parant. Sunt enim, qui pro simplici rosato, eum qui de rosis siccis fit, parant, & exhibent magno errore, quia forte restringere non est opus, hic autem restringit. Alij pharmacopole eum pro simplici faciunt qui de succo rosarum est, alio etiam errore: nam hic soluit, cum forte tunc solutione non indigeamus. Alij pro simplici illum parant, qui ex infusione rosarum fit. S E N.

Qui nam pro syrupo rosato simplici sumendus est?

B R A . Is, qui ex infusione rosarum fit, de quo Nicolaus in Antidotario sub nomine syrupi rosati, qui siccitati & calori febrium succurrit, sitim reprimat, recreat, & consipiat: fit autem in hunc modum:

Syrupus rosatus simplex de succo rosarum.

**R** Ecipe rosas recentes, & pone in uas, & super asperge aqua feruente, & cooperi uas, ne fumus inde exeat, & cum aqua refrigerit exprime rosas & eijce, deinde eandem aquam feruentem super alias feruentes rosas iterum projice, & supradicto modo facies, tam diu mutando rosas, quoad aqua fiat rubea, deinde in lib. quatuor zuchari pone, & cum bullire inceperit, albumen oui in aqua frigidam iniice, & aquam simul, atq; albumen adeo concuties quoad spumescat, & eam spumam in syrupum bullientem impone, & cum spuma nigrescere coeperit, suauiter cum spatula remoueas, & iterum aliam spumam infunde, & supradicto modo fac quousq; syrupus clarior fiat, & cum coepit quasi filum facere, uel supra marmor positum, uel supra unguentum non diffunditur, coctus est. Hæc Nicolaus. S E N. Hic est syrupus rosatus simplex, quem semper parauimus, & exhibui,

quum

quum medici syrupū rosatū simplicem ordiant. BRA.  
 Et hic est, quo uti debent qui præscribunt, & in febribus  
 sitim sedare cupiunt, uentriculum roborare, & calorem  
 extinguere: nam ille qui ex succo rosarum fit, cōprimen-  
 do soluit: qui autem ex rosis siccis, nimis adstringit. In  
 uno autem de Nicolao miror, qui huius syrupi descri-  
 ptionem posuerit, tamen quantitatis rosarum, & aque  
 normā omiserit: propterea ego potius Mesuē sequerer,  
 qui & rosarū, & aque pondera docet, & quot uicibus  
 infusio fieri debeat, assignat. Hæc enim imperfecta regu-  
 la est, quod toties infundatur, quoties aqua rubra fiat:  
 quia aliquibus citius rubra uidebitur, alijs tardius. Et in-  
 fusionū multiplicatio (ut apparebit) hunc syrupum solu-  
 tiuū facit. Ideo Mesuen imitandum suadeo, qui ter tan-  
 tum infundit, imò cum his tribus infusionibus aqua adeo  
 rubra fit ut uinum uideatur, & odorem seruat. Ideo ne  
 feceris hunc syrupum sine ordine, ut triuales pharmaco-  
 polæ faciunt, sed Mesuen imiteris ita dicentem:

**R** Ecipe foliorum rosarum recentium libras sex, po= Syrupus rosas  
 nantur in uas uitriatum terreum stricli orificij, & tus simplex de  
 fundantur super eas aque calidæ libræ quindecim, & infusione rosas  
 stringatur orificium uasis & dimittatur per horas octo, rum recentium.  
 tunc denuò coletur, & in uas tantundem foliorum ro-  
 sarum recentium mittatur, & demum eadem aqua cale-  
 facta, super ea emittatur, & stringatur orificium simili-  
 ter per octo horas, & deinde coletur. Et si conseruare  
 uolueris, ponatur in uas uitriatum stricli orificij, & de-  
 stilletur oleum in orificio eius & stringatur caput eius,  
 & exponatur soli per dies quadraginta, & hoc appel-

*Mucharus rosarum.* *Mucharus rosarum.* Hæc Mesue. Vt ex his colligere possis, Mesuen bis solum infundere, quod satis est. Tamē si alicui ob perfectiores uires tertiam infusionem facere placebit, tertiam faciat. Tamen duæ satis sunt: aliter in solutuum transiret: nam quinta infusio hunc syrupum soluentem facit. Potius igitur hunc modum infusionis Mesuæ eligit per conueniens pondus factum, quàm illum Nicolai, in quo non est ponderis determinatio: semper enim illi mihi difflicuere, qui sine mensura et ordine agunt. Infusionem habes: nunc opus est modum componendi syrupum edocere. Idem Mesue inquit loco prædicto: Si sumantur infusionis rosarum lib. quinque, zuchari lib. quatuor, deinde bulliant leniter ad spissitudinem syrupi, qualem Nicolaus in suo edocuerat, ipse autem Nicolaus æqualem quantitatem zuchari, et infusionis sumit, et tunc minori ebullitione indiget, quia citius ad spissitudinem uenit. SEN. Quare mucharus appellatur? BRA. Quia mucharus apud Arabes, idem est quod infusio apud Latinos. Ideo dicitur mucharus rosarum, id est infusio rosarum. SEN. Reperitur ne apud antiquos hic syrupus? BRA. Quomodo reperiri potest si zucharium ignorabant? habebant autem ferè similem ex melle factum ut apparet, si quis Paulum Æginetam legerit libro VII. capite XV. ubi Hydrorosatū. compositionem parat, inquit, Hydrorosatū ē rosarum detractis unguibus libris quatuor confici, aquæ sextarijs quinque, mellis sextarijs duobus: an ebullire debeat, an non, prætermittit, supponens (ut arbitrator) ab eo qui talia parare scit, intelligi. Si aliquid igitur sit apud antiquiores

quiores quod nostro rosato simplici comparari possit, est hoc hydrososatum, quod aquam recipit: nos autem ex infusione rosarum iam dicta, mel rosatum etiam conficimus: inò uos pharmacopole infusionem illam per totum annum ad hunc usum more Mesue seruatis. SEN. Ita est. BRA. Suaderem igitur omnibus pharmacopolis, ut tres syropos ex rosis seruarent: Eum, de quo nunc per egimus ex infusione recentium rosarum, quem uoluerim simpliciter, syrupum rosatum simplicem appellandum: & eum, qui ex rosis siccis fit, & eodem modo ut prædictus componitur. In hoc tantum differt, quòd rosæ siccæ sunt, ita enim magis cōstringit, & uentriculum roborat: quem syrupum de rosis siccis nuncupare debemus. Est autem recentiorum inuentum, quia infusiones rosarum potius soluant, præsertim cum transeunt secundam aut tertiam infusionem. Tertius syrupus est ex succo rosarum factus. Sumitur enim succi rosarum rubrarum quantum lubet, & tantundem sacchari, & simul clarificentur, uel utrunq; prius quam misceatur, ex albumine oui clarificatum sit, ut supra edocuimus: deinde ad spissitudinem syrupi bulliant. Sunt aliqui qui minus sacchari ponunt, sed hoc nihil refert, quia deinde magis bullit. Hic autem syrupus, de succo rosarum appellandus est, qui si in quantitate sufficiente exhibeatur, soluit: ut si tres uncie sumantur. Itaq; fit Mel rosatum ex succo rosarum & ex infusione rosarum, quam (ut supra <sup>succo rosarum.</sup> diximus) pharmacopole seruant. SEN. Quum de sy- <sup>Mel rosatum</sup> rupis rosaceis sermo interciderit, non ab re fortè erit, & <sup>ex infusione ro-</sup> de solutiuo tractare. BRA & AVOLVS. Imò conue-



nientissimam erit: nam & ipse simplex est, sed ad aliorum differentiam solutius nuncupatur. Est idem cum syrupo rosato simplici: hoc dempto, quod plures infusiones habet. Si quintam infusionem habuerit, soluit, sed in nona exquisitissime. A uobis ex communibus rosis paratur, cum potius ex ualde rubris fieri deberet. Sed & ex uocatis damascenis plerumque ab aliquibus fit, & magis soluit quam ex alijs. Tres uncie exquisitè solunt, quatuor autem exquisitissime. Si cum aqua endiuie, aut alterius herbe secundum intentionem ægritudinis miscatur, adeo ut bibi possit, subtiles materias & aquosas potissimum trahit, & a uenis & ab omni parte corporis: quamuis nonnulli, ex uijs solum ducere putant. Experientia autem rerum magistra ab omni membro ducere suadet: status autem per uentrem excitat, nisi aniso, cimanomo, fœniculo uel corrigatur. Nouus est syrupus, id est qui non multo antè tempore in usum uenerit, quam tamen sine molestia æstiuo tempore educat. Ego etiam ex melle parari iubeo, ut hyeme sumi possit. Nihil aliud additur illi, quem Mesue parat, nisi quod infusiones multiplicantiur. Scito autem alium syrupum solutiuum ro-

Syrupus rosarum faciem apud Auicennam inueniri lib. 111. canonis, seu solutiuus. xxii. tracta. 11. capi. xx. Sed ipsum facit ex succo, non ex infusione. Recipit autem succi rosarum libras duas, mellis lib. quatuor, scamoniq. assati vnc. j. decoquantur, quousque inspissetur: & eius dosis est à duobus usque ad quinque. Ego autem intelligo à duabus drachmis usque ad quinque. SEN. Electuariū rosatum Mesue, idem fere est nonnullis additis. BRA. De electuarijs nihil in præ-

fenti

senti curæ sit, sed tantum syropos tractemus. SEN. Mi-  
rum est antiquos suum hydrososatum non ebullisse. BRA.  
Imò ebulliebant. SEN. Tamen Paulum supra adduxi-  
sti, qui de ebullitione nihil locutus est. BRA. Subintel-  
ligenda erat in Paulo tanquam res præneccessaria: nam si  
Aëtii legeris lib. v. capi. CXXXVIII. uidebis ebul-  
litionem edocere, & quod ad consumptionem tertie par-  
tis fieri debeat, ut est etiam apud recentiores in decoctio-  
nibus mos. Inquit enim rosarum recentium resectis un-  
guibus, & in umbra integro die cum sua nocte flaccida-  
rum, libram unam, mellis sextarii unum, pluuiæ aque  
ad tertias decoctæ sextarios tres: ut nouem inquam sex-  
taria, ad tria tantum seruescendo perueniant. In serue-  
scentem adhuc protinus ab igne remotam, rosas lingue-  
factas conijcito, atq; in uase exquisitissime obturato ser-  
uabis: postridie aque excolatæ, expressis abiectisq; ro-  
sis, mel admiscebis, totumq; in fictile utriatum excipies,  
& aliquot diebus insolabis: postremò in uinaria cella re-  
condes: quod longè magis infrigidat, quàm mel rosatum.  
Ex quo uides ebullitionem fieri, non autem ut nos: quip-  
pe nos post mellis miscellam ebullitionem facimus, illi an-  
te. Nos etiam experti sumus hydrososatum antiquorum  
parare: sed citò corrumpitur, nisi in frigidissimo loco ser-  
uetur. Ideo nos & commodius, & felicius nostros syru-  
pos rosaceos aut ex melle aut saccharo paramus, qui per  
totum annum seruantur: quod antiqui æquè leuiter fa-  
cere nō possunt, nisi frigidum locum sibi elegerint. Ideo  
Aëtius dicit in uinaria cella seruari. Eodem autem mo-  
do, quo syrupus rosatus solutius sit, iubeo syrupum so-

**Syrupus solutium ex floribus persicorum fieri, qui biliosas materias ex floribus educit & subtiles, odoratus multum, & qui sex morbis persicorum.**

fusionibus perfectus est, perfectissimus si septem fiant, & qui optimi gustus est, & in ardentibus febribus refrigerat. **SEN.** De syrupis ex rosis satis dictum esset, si mel rosatum explicuisses. **BRA.** Ea quæ dicta sunt, satis esse potuerunt, nisi ad abundantiores doctrinam ad-

**Mel rosatum dere uoluerimus, triplex, imò quadruplex mel rosatum quadruplex.**

fieri debere: Vnum, quod rosas integras recipit, potius inter eclegmata numerandum, sicut & zucharium rosatum. Intellige autem ex integris rosis, non quia conterere non debeant & contundi: sed ex integris, id est non ex succo; sed ex folijs, detractis unguibus. Preparatur autem hoc modo apud omnes pharmacopolas: sed antiqua preparatio non est, pro quacunque libra mellis uncias quatuor foliorum rosarum accipiunt. Eodem etiam modo zucharium rosatum conficiunt, uncias quatuor rosarum, libram unam zuchari exhibentes, & in feruentem solem ponunt. Sed de his alias. Ad mel rosatum colatum ueniamus, in quo omnes pharmacopole maxime errant.

**SEN.** Quomodo in hac re tam facili, tamque uulgata errare possumus? **BRA.** Errorem manifestè ostendam.

**SEN.** Nunquam crediderim, nisi his oculis uiderim.

**BRA.** Si quietè audies, quod dixi uerum esse percipies.

**SEN.** Citò expedias. **BRA.** Nonne pharmacopole errabunt si nec antiquos, nec recentes authores sequentur, in re tamen, quæ antiqui, & recentes parare docent: imò & ipsi pharmacopole recentes se imitari fatentur.

**SEN.** Si hoc ostendes, deinceps silebo, & uerū sequar:

sed

sed per recentes quos intelligis? B R A. Nicolaum uestrum, qui Antidotarium scripsit, sed ignarus quid significet nomen Antidotus, si ipsum legeris, differentiam inter nostrum mel rosatum, & illud Nicolai manifeste percipies. Dic (ni refugis) quomodo uos mel rosatum paratis? S E N. Duo mellis rosati genera habemus: Alterum colatum, alterum non colatum. Non colatum fit unicuique libræ mellis uncias quatuor foliorum, unguibus remotis exhibendo. B R A. De hoc in eclegmatibus loquemur, de colato nunc sermo fiat. S E N. Colatum ex infusione rosarum secundum Nicolaum aut Mesuen facta paramus, tantumdem mellis, quantum infusionis sumentes: & ad formam syrupi ebullire facientes, quæ est quoties sumpta gutta supra unguem non diffluit, aut si digitis compressa cum aperiuntur in sese resiliat. B R A. Quis edocuit uos mel rosatum ita parare? S E N. Ego à præceptoribus laudatissimis pharmacopolis didici, tamen in nullo libro legi: puto alios ita fecisse, propterea in usum cesserit. B R A. Non possum negare hoc mel rosatum ex infusione aliquid conferre, & uim rosarum seruare: tamen cum antiquiores & recentes de aliqua re optime sentientes habeamus, eos potius imitari debemus, quam usum aliquem sine ratione factum. S E N. Ita est. B R A. Lege in primis uestrum Nicolaum, quomodo mel rosatum paret, uentriculum roborans & abstergens. & frigidas materias concoquens. En Nicolai liber, eius compositionem lege. S E N E X. In decem libras albisimi & purissimi mellis despumati succi recentium rosarum libram unam, ponantur in cacabo ad ignem, & cum

Mel rosatum  
colatum & nō  
colatum.

bullire inceperit, uiridium rosarum cum forficibus uel cul-  
tello incisarum libras quatuor addas, & tam diu bulliāt,  
quod ad succi consumptionē ueniat, & cum bullerit sem-  
per agitetur & in fictili uase posito, quandiu magis te-  
nebitur, tanto melius erit. Hæc Nicolaus. B R A. Cur al-  
bißimum mel accipi iubet? S E N. Quoniam album mel  
alijs perfectius est. B R A. Nescio unde hoc inuenerit  
Nicolaus, & tu affirmare possis, quod mel album alia  
excedat. S E N. Ita semper audiui. B R A. Si Dioscori-  
dem legisses, didicisses, mel optimum subrutilum esse,  
non album, & ut Plinius inquit cap. x v. undecimi li-  
bri, auri coloris, quod sit è thymo. Ideo mel album su-  
mi non debet quando optimum mel quærimus, sed sub-  
rutilum, uel aureum colore. Quod autem addit, dispu-  
mandum esse, multum conuenit, ut flatuosæ partes dea-  
mantur, & sine noxa mel rosatum fiat. S E N. Mesue  
habuit ne sermonem de ipso? B R A. In melle rosato  
ipsum quodammodo adumbravit, ubi dicit, aliquos ex  
succo, folijs, & melle fecisse, tamen eadem mensura non  
est, nec idem pondus, quoniam uult foliorum rosarum  
partem unam & semis, succi partem unam & semis,  
mellis partes tres sumi. Quicquid autem sit, Nicolaum  
potius, quam Mesuen, aut alium recentem in hoc sequi  
debemus. S E N. Qua ordine mel rosatum antiquiores  
Rhodomel. fecere? B R A. Dioscorides de rhodomelle tractat lib.  
v. sed quomodo fiat non docet. Id tantum dicit, quos-  
dam ex succo rosarum, & melle conficere, quod rhodo-  
meli appellant, arteriæ asperitatibus utile. Sed Aëtius  
lib. v. capi. c x x x v i i. mellis rosati confectionem

in hunc modum fieri docet: Succirofarum exedlis unguibus, partes tres, mellis partem unam, calido soli pluribus diebus exponitur. Si uerò aër sit nubilus, & non appareat sol, mel rosatum cribro setaceo rariori excolabis, mitioribus carbonibus decoques. SEN. Refert'ne eius uires Aëtius? BRA. Imò refert. Inquit enim: Leniter adstringit, refrigerandiq; potestate pollet, ac nonnihil, mellis ratione abstergit. Habet & quid subamari, & molliter acris: ideo ori conserit, quòd calida inflammatione obferuentis destillationis defluxum laboret, & uentriculo, ad quem humores acres, & biliosi defluant, post uomitum medetur, ad stomachum etiam absq; materia aestuantem, & ad febricitantes in totius morbi, atq; in particularis quoq; accessionis uigore constitutos utiliter exhibetur. Sæpenumero enim in febribus una tantum largior potio congruo tempore exhibita, ad integram morbi solutionem sufficit procurato sudore, ac citata aluo: nam præ cæteris cunctis potionibus, mel rosaceum potentissimum est ad acutos humores per aluum ducendos. Hactenus Aëtius. SEN. Pretiosissima res est mel rosatum, sed eodem modo non fit ab Aëtio, & Nicolao. BRA. Non equidem. Nam apud Nicolaum copia mellis maior est, quàm apud Aëtium: nec Aëtius folia ponit, quæ Nicolaus addebat. SEN. Tu autem quod mel rosatum magis laudas? BRA. Quod ab Aëtio describitur, quoniam succirofarum magis sumit, quàm mellis. In succo autem uires sunt. Adde, mel rosatum Nicolai ad potum ineptum esse, nisi alicui aquæ misceatur. Quod autem ab Aëtio fit, per se potabile est: & quod est apud Nicolaum, cale-

facit, nec illud in acutis febribus exhiberem. Quod autem apud Aëtium est, ad temperiem uergit, et potius in frigiditatem transit. Ideo in acutis febribus Aëtius suum potius dat. SEN. Seruant ne perpetuo Græci modum conficiendi Aëtij? BR A. Seruant multi. Tamen Hermodolus putat idem esse Aëtij Rhodomel, quod Pauli Rhodostacte. Rhodostacti, quum tamen non sit: licet Rhodostacti succum rosarum, et mel recipiat. Differentia autem est in pondere, nam Aëtij rhodomel tres partes succi rosarum recipit, et unam mellis. Sed Pauli rhodostacti duas partes succi rosarum sumit, et unam mellis. Quippe compositio rhodostacti Pauli, quæ habetur lib. VII. capite x v. ita habet: Succi rosarum, unguibus detractis, sextarios duos, mellis sextarium unum, decoquito usque despumando, donec pars quarta coctura euanescat. Habet præ  
 Rhxi. terea compositionem quandam Paulus, quam Rhæti appellat, præcitato loco, inquiens: Decoquito ad tertias succi rosarum sextarios treis, mellis sextarios quinq;. Quæ compositio cum præscriptis affinis est. SEN. Hec plus recipit mellis, ideo melli rosato Nicolai magis propinqua uidetur. Dic autem tu quara compositionem magis sequeris? BR A. Voluerim pharmacopolas succum rosarum seruare, postea modo unum, modo aliud (ut ex petit morbus) componere. In acutis febribus Aëtij rhodomel parato. Cum uentriculum roborare uolueris, et pituitam excerni, melle rosato Nicolai utaris. Pauli rhodostacte uehementius est, quam Aëtij rhodomel, quoniam mellis maiorem copiam recipit. Adhuc uehementius ad incidendum rhæti eiusdem Pauli est. SEN.  
 Nicolai

Nicolai mel rosatum tantum rosarum tempore fieri potest. BRASA. Ita est: sed Pauli, & Aëtij compositiones omni tempore parantur: quia toto anno rosarum succum integrè seruatis. Ab uno autem abstinere non possum, aliquos esse, qui mel rosatum colatum faciunt ex mellerosato cum folijs exprimendo: propterea dicunt colatum appellari, non animaduertentes, ubi succus ingreditur, necessarium esse percolari. SEN. Vnum in syrupo rosato solutiuo considerandum omisimus. *Syrupus rosatus solutiuus.* BRASAVOLVS. Quid est hoc? SEN. An æquales partes infusionis, & zuchari, an minorem, an maiorem sumere debeat. BRASA. Si hæc obseruabis, quæ tibi aperiemus uera esse deprehendes. Pro omni libra sacchari, libram unam & semis infusionis accipito, & ad mellis spissitudinem ebullire sinas: tunc mirè soluit, & quandam utilem amaritudinem enanciscitur. Sunt autè qui æquè sacchari librâ, & infusionis miscet, & minus soluit. Ineptissimè autem soluit, si octo unciæ infusionis & libra una zuchari sumantur: quod faciunt plures pharmacopole Ferrariæ. SENEX. Ita certe est. BRASAVOLVS. Hac re multum perturbor, quoniam plerunq; quatuor uncias syrupi rosati solutiui exhibeo: & nihil penitus soluunt: alias duæ, aut tres uncie mirè educunt. Breui autem futurum speramus, quod omnes pharmacopole (in nostra præsertim urbe) omnes compositiones eodem modo parabunt: & ab Illustrissimo principe nostro publico proclamate iubebitur: nam ut iustissimus est princeps, ita, ne populi sui ex pharmacopolarum & medicorū ignauia pereant, procurabit.



SEN. *Æquissimi principis munus hoc erit. Sed arbitror, circa maiora occupatissimarum harum rerum non recordari.* BRA. Imò nihil est, quod eius profundissimam memoriam effugiat: nempe omnia etiam minutula, tanquam præsentia sint, intuetur, et consecratur. Neminem adhuc reperi, qui Illustrissimum Herculem memoria nō quidem superaret, sed æquaret: et qui his duobus sensibus impensius uigeret, auditu, et usu, qui sunt discipline sensus. Tempus autem est ad alios syropos transire.

SENEX.

Syrupus violatus  
latus compositus.

**S**yrupus uiolatus accedit. BRA. Et hoc etiam illustrissimus princeps noster utitur, cum destillationes sub cane ad pectora fluunt, dum apros sub ardenti sole et feras uoraces infectatur. Tamen apud authores syriaci ex uiolis, aut uiolati diuersi reperiuntur: nempe unus est de succo uiolarum: alius ex uiolarum infusione factus: alius ex decoctione, quem Mesue scribit. Vos quo utimini? SEN. Nos Mesuen imitamur, qui in hunc modum syrupum de uiolis parari iubet, et his uerbis:

Recipe uiolarum

vnc. ij.

Seminum cydoniorum )

Seminum malue )

añ. 3. viij.

Iuiubarum )

Sebeste )

añ. nu. xx.

Coquantur in libras sex aquæ cucurbitæ, ad cōsumptionem tertie partis: deinde addas zuchari libram unam et semis, et syrupum facias secundum artem. Hic est syrupus, quo in publicis officinis utimur. BRA. Cum igitur syrupum uiolatū præscribo, hunc exhibetis? SEN. Hunc.

BRA.

BRA. At ego quoties absolute syrupum uiolarum prescribebam, eum sumendum intelligebam qui ex uiolarum infusione fit. SEN. A quo ponitur is, quem intelligis? BRA. A Mesue ipso, & Nicolao: Mesue enim in principio tractatus de syrupis simul ac semel infusionis rosarum & uiolarum operationem docet. Sumi enim debent foliorum recentium uiolarum libræ sex, & in uitreatum uas terreum stricti orificij poni: deinde supra ipsa, aqua calidæ libræ quindecim impone, & orificiū uasis bene obturato: itaq; per octo horas dimittito, postea colato, & iterum in uas alias sex lib. uiolarum, id est foliorum ex floribus uiolarum ponito, & eandem aquam calidā per octo horas superingerito, deinde percolato & in uitreatum uas stricti oris seruetur, deinde superponendo, & obturando, Soliq; per quadraginta dies exponatur: Tuncq; Mucharus uiolarum nuncupatur. Hæc est apud Mucharus uiolarum infusions præparatio, qua utitur ad larum. præparandum syrupum uiolarum ex infusione uiolarum. Tamen non ita præparatur apud omnes, quia Nicolaus excedit numerum duarum infusionum. SEN. Debemus ne eo uti, antequā sit per quadraginta dies insolatus? BRA. Si eo indigemus, protinus fit sine aliqua mora in sole: sed cum seruare uoluerimus, ne corrumpatur, per quadraginta dies insolatur. SEN. Aliquos uidi, qui Iuleb uiolarum ex infusione ita parabant. BRA. Et ita fieri nihil impedit. Tamen communis mos est ut ex aqua ui ignis eliquata & zucharo fiat. Non desuere tamen, qui cum uiolarum succo pararent, & qui cum infusione uiolarum aridarum, cum recentes desunt. Sed minus efficax est.

De eo, qui ex uioiarum succo fit à Mesue tractatur, qui uult sumendas esse succi uioiarum libras tres, zuchari libras duas, & decoquatur. S E N. Nos semper ex aqua Iuleb uioiarum in ignis eliquata Iuleb nostrum facimus. B R A. Tamen ex aqua in ignis eliquata, de hac aqua per ignis uim eliquata, apud hos authores sermo non fit. Nam Mesue, cui hoc iuleb attribuitur, tantum uel ex infusione, uel ex succo uioiarum fieri iubet: ex aqua autem igne eliquata fieri nunquam meminit, quamuis & hoc iuleb suauis sit, & non aspernandum. Unde in his iuleb hunc ordinem ponimus, ut id ex aqua igne eliquata facilius primum locum habeat, quia ceteris debilius, tamen suauius. Ideo autem an potentius sit, quod ex succo uioiarum paratur, an quod ex infusione, in dubio est. Id quod ex succo est, uiole substantiam recipit: quod autem ex infusione fit, superficiales partes sinit, quae magis lenientes sunt. Ideo secundum locum habet quod ex infusione fit. Tertium, quod ex succo. S E N. Nos id tantum paramus, quod ex aqua in ignis eliquata fit, tamen & alia iuleb genera parare conueniret, sed omitti possunt, quia syrupos eodem fere modo confectos habere oportebit: alterum de infusione uioiarum: alterum de succo uioiarum, quibus loco iuleb uti poterimus. S E N. Fient ne eodem modo syrupi? B R A. Omnis non ex solo succo & zucharo, uel sola infusione & zucharo fiunt, sed apud nostros pharmacopolas in his conediendis syrupis uariis est mos. S E N. Nos non utimur. B R A. Aliqui sunt qui fecere, sed inter se non conueniunt: quippe in syrupo de succo uioiarum quidam sex uncias succi, & libram zuchari accipiunt: alij octo uncias succi

succi & libram zuchari: alij æquales partes zuchari, & succi: alij quatuor uncias succi, & libram zuchari, eundem morem in syrupo isto de succo uiolarum seruari uolentes, qui in zucharo rosato, & uiolato ex integris rosis, & uiolis seruatur. Sicut enim in illo pro qualibet zuchari libra, uncie quatuor rosarum ponuntur, ita hic pro qualibet zuchari libra quatuor uncias succi rosarum ponunt. SEN. Res adeo inconstans est, ut quem sequi debeam ignorem. BRA. Ego autem te edocebo, ut errare non possis. SEN. Tibi plurimum debebo. BRA. Nonne hoc factum putabis, si in Mesue conficiendi modum ostendam? SEN. Certè, sed nusquam locum animaduerti.

BRA. Lege modum faciendi iuleb de succo uiolarum Iuleb uiolatum apud Mesuen, ubi accipit succi uiolarum libras tres, & ex succo uiolarum libras duas, & iubet cum facilitate coqui: hinc ratio sumitur condiendi syrupum de succo uiolarum. SEN.

Est modus parandi iuleb, non syrupum. BRA. Quam differentiam facis inter iuleb & syrupum? nam & iuleb syrupus est: Græci recentes zulapon uocant, quod recentes iuleb quasi succum uel ex succo. Imò, & Iu apud barbaras quasdam nationes succum signat: & cur non Iulebum eo quod in eum uiola infundatur: ἰὺρ uiola est, & ἔω infundo: unde fieri potuit ἰολεβόν. Quamuis hanc uocem barbaris quam Græcis magis esse consuetam, & Reuerendissimus COELIVS Calcagninus iudicet. SEN. Putabam iuleb à syrupo differre, quia suauior & limpidior esset. BRA. Hæc non est differentia, sed quia syrupus magis decoquitur, quam iuleb, & in multis syrups pluram ponuntur, in iuleb simpliciter unam. Propterea si syrupum de

*succo uiolarum parabis, eandem mensuram seruare debes quam Mesue in iuleb seruat: sed tu postea decoctionem augeas.* S E N. Hoc non displicet. Verum & in illo syrupo, qui ex infusione uiolarum fit, pharmacopolas distinctos uideo: ut aliqui plus, aliqui minus decoctionis pro zuchari portione sumant. B R A. Habet tamen apud Mesuen generalem regulam conficiendi. Statim in principio tractatus de syrups, ubi operationis iuleb ex infusione modum ponit, uidelicet quinq; infusionis libras sumendas esse, & quatuor zuchari, & paulatim coquatur, itaq; iuleb fit: si uero parum plus ebullire feceris, syrupus erit. Vnde tres syrups uiolati inueniuntur, & in officinis seruari debent, ex succo uiolarum, ex infusione uiolarum, & uiolatus compositus. Cum autem simpliciter syrupus uiolatus ordinatur, cum intelligere opus est, qui ex succo uiolarum fit, & simplex est. Is uero qui fit ex succo, cum additione indici debet, syrupus ex succo uiolarum. Tertius, qui his fortior est, & qui plura recipit, debet cum hac additione indici, syrupus uiolatus compositus. Itaq; nullus error fiet. Imò etiam tot syrups per gradus distinctos habere cõuenit, quoniã ægritudines per gradus distinctæ sunt: Vnus enim syrupus uni ægritudinì, & alter alteri magis cõuenit. S E N. Demceps omnes parabo. Sed in condiendo syrupo de succo uiolarum nõnulli æquas partes succi, & zuchari accipiunt, regulam huius rei à syrupo de fumo terræ maiori sumentes, in quo æquales partes succi, & sumi terræ ponit. B R A. At is syrupus non potest esse conueniens regula ad hunc, quia illum multa alia ingrediuntur præter succum sumi terræ,

in hoc solus uiolearum succus ponitur. Ideo non mirum si copia zuchari in eo de fumo terre sit maior. Ideo potius laudo, ut à Iuleb de succo uiolearum modo iam dicto uorram sumas. De his autem syrupis, & si à Mesue dicantur leniendo soluere, copiam notabilem exhibui ad uncias sex perueniendo, tamen nihil penitus eduxere: in aliquibus parum. SEN. Igitur tres syrupos uiolaceos parabo. BRA. Nec aliquem prætermittere debes, sed quando compositum syrupum facies, prima quæ decoctionem ingredientur, sint iuiubæ & sebestem: deinde semina maluæ & cydoniorum, deniq; uiolæ: quoniam minimam decoctionem patiuntur, ut uiolearum capite Mesue docuerat. Deniq; ut de hoc syrupo finiam, scito, alias mihi fuisse suspectos syrupos & potiones, quæ iuiubæ reciperent: quoniam ab antiquis dānantur. Quippe Galenus secundo de alimentorum facultatibus, serica dāmnat. Sunt autē apud Græcos serica, quæ apud Latīnos Sericæ zizapha appellantur. Inquit autem Galenus, solum appeti ab insolentibus, & effrænatis pueris, ac mulieribus, nam imbecillissima sunt, & difficillimè concoquuntur, cumq; hoc stomacho inutilia sunt. Damnantur præterea ab Oribasio, Paulo, Aëtio, quæ & ab aliquibus syrica nuncupantur: tamen dulcedinem quandam habent emollientē, quæ pectoribus conuenit: propterea non dubito tussē ex materia calida factæ & his pectorum interiectionibus ualere, ubi materiam crassiusculam reddere opus sit. SEN. Reperiuntur ne apud antiquos zuchari ad succos proportionēs? BRA. Ex Paulo Ægineta elici possunt, capite xv. septimi lib. ubi compositionem,

quam appellat Rhodostacti, docet: in qua sumit succi rosarum sextarios duos, mellis sextarium unum, decoquitur usq; despumando, donec pars quarta coctura evanescat. SEN. Ex hoc loco zuchari proportionem ad succum facile elicio, quamvis ipsi mel zuchari loco ponerent, quia ipsis zucharum ignotum erat. BRA. Propterea Mesue non ab re maiorem portionem succi, minorem zuchari ponit, quamvis dimidium præcise non ponat. SEN. Reperitur ne syrupus violatus compositus aliter descriptus? BRA. Equidem reperitur, & Mesue in capite de pleuresi, in sermone in aqua cicerum duas descriptiones assignat: Alteram Ioan. iiij, alteram Hamech, quæ ab hac differunt, licet non multum. SEN. Adducas ni piget. BRASAVOLVS. En Ioan. iiij syrupus in primis:

Recipe uiolearum recentium	)	
Seminum cydoniorum	)	añ. 3. x.
Seminum citruli	)	
Seminum malue		3. xij.
Gummi arabici		3. viij.
Dragaganti		3. iij.

Super hæc libras septem aquæ calidæ fundas, & per diem ac noctem permittuntur: postea ad consumptionem medietatis bulliant: deinde cum duabus libris & semis penidiarum fiat syrupus. SEN. Hic syrupus nostrum multum excedere uidetur. BRASAVOLVS. Certè multum excedit, nec dandus esset, nisi maiori attenuatione indigeremus. Nunc illum Hamech au-

Recipe

Recipe uiolarum	vnc.	ij.
Semnum cydoniorum	)	
Malue	) añ.	vnc. j.
Iuiubarum	) añ.	nu. xxx.
Sebestem	)	

In septem aquæ cucurbitæ libras ad consumptionem  
 tertiæ partis decoque, & cum duabus zuchari libris fiat  
 syrupus. SEN. Hic à nostro, quem paramus, non mul-  
 tum differt. BRA. Imò eum esse arbitror, quo utimur:  
 & ubi differunt, librariorū error fuit: quippe Mesue ab  
 Hamech sumpsit. Addeq; tibi alium syrupū de uiolis à  
 Serapione edoceri, Tractatu VII. capi. XXIII. quem  
 si legere uolueris, simplicem esse ex infusione uiolarum  
 percipies. Sed de hoc iam satis. SEN. Nondū satis erit,  
 nisi in primis admonueris, an ex siccis uiolis fieri possit.  
 BRA. Fieri quidem potest, sed inefficax est: propterea  
 & succum, & infusionem serua, & magnam syrupi uio-  
 lati compositi copiam, cum uiolæ florescunt, ad totius an-  
 ni usum para: ne ex siccis uiolis parare cogaris, quæ mi-  
 nus frigida, & minus humida sunt, quam recentes, nec  
 leniunt: quod præcipue in hoc syrupo exigitur.

SENEX.

**S**yrupus iuiubinus in ordinem uenit. BRA. In hoc Syrupus iuiubinus.  
 etiam uos composito, & non simplici utimini. Est  
 autem iuiubinus simplex is quem Mesue Iuleb iuibia-  
 num appellat: & re uera conueniret hunc syrupum per  
 se distinctum fieri: nam ubi non magna peioris asperita-  
 tas adest, & sputum tenue ac subtile sit, ut mcrassatio-  
 ne indigeamus, sed non magna, tunc simplici syrupo



iuuibino uti oportebit. Cum autem intensa materierum  
incrassatione indiguerimus, cōposito iuibino utemur.  
In simplici autem centum iuibae in quatuor aquae libris  
ad medietatem resolutionis aquae coquuntur, et cū una  
zuchari libra syrupus fit. SEN. Quam aquam sumere  
debemus? BRA. Alias de aquis disputatum fuit à recen-

*Aqua pluuias* tibus, et conclusum, pluuialem aquam in syrupis pector-  
*lis in syrupis* talibus sumendam esse, quoniam tenuior sit, et magis  
*pectoribus su* penetrans, quàm aliæ: quia ex uaporibus facta, hinc ut  
*menda.* ad pectoris partes penetret, magis efficacem esse, et a-  
ptam existimarunt. Nos autem non ita simpliciter hanc  
rem inferendam censemus: sed Galeni sententiae inhae-  
rentes primo de simplicium medicamentorum facultati-  
bus, capite quarto, dicimus: Quanto aqua est magis sim-  
plex, tanto frigidior est: propterea ubi refrigeratione  
indigemus et incrassatione, ut in hoc syrupo iuibino,

*Aqua fontis,* pluuialem aquam sumendam iudicarem: ubi autem infri-  
*in quibus su,* gigatione, aut incrassatione non indigemus, aquam fons-  
*menda.* tis sumerem. Verùm hæc non sunt hoc loco discutienda:  
sed satis sit apud antiquos talem differentiam aquarum  
non fieri, sed eam tantum quæ sit pura, quam Galenus  
lib. supra citato capi. v. ex tribus sensibus iudicat, gu-  
stu, uisu, et odoratu, et sit expers qualitatis, et nihil in-  
gustum imprimat, ut sit planè perlucida, ac sincera, ut  
in odore nullam habeat qualitatem, tunc iudica aqua esse  
puram, et illam esse quæ syrupos et medicamenta ingre-  
di debeat. Quod autem à recentibus creditur pluuiiales  
aquas magis penetrare, ab Aëtio non creditur, qui cap.  
C. lxxv. libri tertij, aquam pluuialem fontana com-  
parans,

parans, inquit: Plus enim habet cōstipationis quā fons tana. Ideo neq; abstergit facili, neq; coquit, neq; madefacit. & excretiones impedit: quod si alicubi moram traxerit, magis adhuc constipat, tardiorisq; transitus fit, egestionem detinet, tardius concoquitur, distribuiturq; ac destillationes gignit. Hæc Aëtius de pluuiali aqua. & Pli. lib. xxxi. cap. iiii. eorum opinionem grauius redarguit, qui aquas pluuias probat: imò inquit, horum sententiā refellere interesse uitæ. SEN. Nō uidetur quod pectorales decoctiones probe ingredi possit: tamē Paulus eā laudat cap. L. primi libri, inquit: Cœlestis præterea aqua, teste Hippocrate, nullo pōdere grauis, dulciore abundāti, limpiditate neutiq; uulgari, tenuitate deniq; cēsetur, eo quod à sote leuissimū trahatur, & tenuissimū. BRA. Id ex Hippocratis sententiā dicit Paulus, qui tenuissimā aquā laudauit. Sed aqua duobus modis cōsideratur: Vno modo ratione quæ elemētū est. Altero, ut nostrū corpus ingreditur. Ratione quæ elemētum, & frigida, ac tenuis est ab Hippocrate, & Paulo pluuialis summè laudatur. At hæc eadē pluuias ab Aëtio, ut nostrū corpus ingreditur, dānatur. Propterea & Paulus præcitato loco inquit omnium aquarū pluuialem maximè putrescere (quāuis Auiēna in syrupo de papauere primo oppositū dicat) quia ex qualitatibus diuersis cōstat. Ex marina enim aqua & alijs eleuatur: tamen (inquit Paulus) & si facillimè putrescat, ob hoc nō est existimāda deterrima, nam alterationis procliuas uirtuti magis quā uitio adscribēda est. Quapropter quæ inculpatae aquæ indicij prædita, facillè putrescit, saluberrima cen-

senda est. Hoc intelligo ratione qua aqua. Et hæc uerba Pauli, & Hippocratis de perfectione aquæ ut aqua loquētū, nō aut ut à nostro corpore sumēda, in causa fuerit, ut recētes putarint, in omnibus affectibus pectoris pluralē sumēdā. Sed hæc aliās disputāda sunt: Nūc syrupū de iuibis Mesue prosequamur: Hic autem est, ut passim in omnibus ferè scriptum authoribus reperitur:

Recipe iuibarian		lib.	x.
Violarian	)	añ.	vnc. v.
Seminum maluæ	)		
Capillorian Veneris		vnc.	j.
Seminis cydoniorum	)		
Papaueris	)		
Melonis	)	añ.	3. iij.
Lactuca	)		
Dragaganti	)		
Liquiritie	)	añ.	3. viij.
Ordei mundi	)		

Decoque in libras quatuor aquæ fontium, et cū libris duabus zuchari fiat syrupus. SEN. Hic est re uera iuibinus apud Mesuen syrupus, tanē ipsum hoc modo nunquā parare potui, sed opus fuit semper, uel aquā augere uel zizipha diminuere. BRA. Nō possum nō credere descriptiones has mēdosas esse: nēpe zizipha aquā longē superāt, unde si decē libræ ziziphorū in quatuor aquæ libras bulliant, potius eclegma fiet quā syrupus: imō uel nō posset, uel ægre bulliret. Propterea arbitror errorē potius esse in ziziphis, quā in aqua: hūc enim Syrupum puto proportionē habere ad iuleb iuibinū, in qua

quo etiam quatuor aquæ libræ ingrediuntur: sed quia hic centū iuiubas accipit, & nihil aliud ingreditur, hic sexaginta iuiubas sumēdas puto, uel cētū, nō aut cētū quinquaginta, ut nōnulli acceperē. Verū sexaginta sumēdas potius laudo, quoniā & antiquū Mesue habeo ita incipiente: Accipe iuiubas sexaginta: & potius enumerandæ sunt, quā pōdere describēdæ, quia si pōdere tradātur, opus est semina extrahere. SEN. Propter qd? BRA. Quoniā hæc est, & esse debet uniuersalis regula apud pharmacopolas, ubi inueneris apud authores sebestem, pruna, iuiubas, tamarindos, per pōdus in suis receptio- nibus descripta, semina abstrahēda sunt, & proijciēda: ubi autē per numerum ponūtur, semina extrahere nō est opus, ut in hoc loco. Quare legendū puto ut meus antiquus Mesue habet, iuiubas sexaginta. In alia etiam re error est, ubi enim legitur uiolarū, seminū maluæ vnc. v. legi debet drach. v. ut ille antiquus Mesue citatus habet, qui in multis multo emendatior est: & ubi recentes uiolæ haberi possunt, recētes semper accipias, quoniā siccæ uires mutant. SEN. Quid de iuiubis? Sūt ne recētes, an siccæ sumendæ? BRA. Recētes potius, sed bene maturæ. Sūt autē bene maturæ cū rugosæ sūt, & dulciores: acquirūt autē & perfectā maturitatē ab arbore remotæ, quia humiditas qdā, crassa resoluitur, & rugosæ ac dulciores sūt, dulcedine quadā emolliēte. Propterea & si à Galeno & antiquioribus reprobetur, tamē ad incrasandā materiā probè ualēt, & maximè prosunt. Sumuntur recentes bene maturæ: cū uerò recētes desint, siccas accipito, non quidem siccitate extrema: sed tali ut

intus sit mollities illa suæ carnis sub corio prædulcis:  
 quales sunt eæ, quas Ferrarienses mulieres filo cõsuunt &  
 fenestris suspensas seruant, priusquam sextum mensem  
 trãsierint. Pro semine papaueris, de albi papaueris se-  
 mine intelligito: pro ordeo mûdo, intellige à suis cortici-  
 bus, ut uis abster sua abeat, & lenitiua remaneat. Cum  
 aut hũc syrupũ facis, primò iuibæ ingrediatur, postea  
 semina, & glycyrrhiza, deinde tragacanthum, deniq;  
 niola, & capilli Veneris. SEN. Qua de re? BRA.  
 Quoniã prius ea ponere oportet, quæ maiore decoctio-  
 nẽ sustinet, deinde quæ minorem, tertio quæ minimam:  
 quippe tres gradus in decoctionibus sunt. Primus, eare  
 cipit quæ multã decoctionem sustinet. Secundus, ea quæ  
 mediocrẽ. Tertius ea quæ paruum. In unũ te admonco,  
 quòd zucharũ hũc syrupũ ingrediẽs libra una esse de-  
 bet, nõ duæ: quia in simplici syrupo iuibino, quẽ Iuleb  
 de iuibis appellat, unã zuchari librã solũ ponit, in qua  
 nihil aliud est qd' inspissare possit, quàm iuibæ. In hoc  
 autẽ syrupo cõposito multa alia sunt, quæ decoctionem  
 inspissant. Adde quòd syrupi magis coqui debent quàm  
 Iuleb: ideo nimis spissaretur, si duas zuchari libras reci-  
 peret. nec opus est dicere quòd decoctio ad dimidiũ nõ  
 fiat: nã & si Mesue pòdus decoctionis nõ ponat, quan-  
 tum solui debeat, tamen regula sequentis syrupi seruan-  
 da est, & Iuleb iuibini, & aliorum multorũ, ubi qua-  
 tuor aquæ libras decoquendo ad duas reducit. Si etiam  
 experiaris, inuenies pulchrius fieri cũ una libra zucha-  
 ri, quàm cũ duabus et in sequenti syrupo de papauere, in  
 quo Mesue quatuor aquæ libras tantum ponit, satis esse  
 uolui

uoluit octo uncias zuchari, & octo penidiarum. Tamen quia zucharum (ut fertur) nullum ferculum perturbat, si duas libras ponere uolueris in tuo arbitrio sit, sed una sola satis est, & syrupus aptius ducitur. Hoc autem nunc omisso, ad syropos alios transcamus. SENEX.

**S**yrupus de papauere sequitur. BRA. In nulla re Syrupus de Smagis confusi sunt pharmacopolæ, quam in hoc syrupo. SEN. Qua de re? BRA. Quia multæ sunt descriptiones, & aliqui pharmacopolæ unam, alij aliam sequuntur.

O miseros egros, quibus præter intentionem unus syrupus contingit ex his de papauere, qui suæ egritudinis ita non quadrat: à Medico autem putatur conueniens exhiberi. SEN. Credebam ego omnes pharmacopolas compositum Mesue de papauere parare. BRA. Quem appellas tu compositum? nam omnes compositi sunt. SEN. Ego illum compositum appello, cuius descriptio apud Mesuen hæc est: Recipe papaueris albi )

Rubri )	añ.	3.	50.
Capillorum ueneris		3.	xv.
Liquiritiæ		3.	v.
Iuiubæ		nu.	xxx.
Seminum lactucæ		3.	xl.
Seminum maluæ )			
Cydoniorum )	añ.	3.	vj.

Coquantur in libras quatuor aquæ ad consumptionem medietatis, & cum zuchari & penidiarum añ. 3. viij. fiat syrupus. BRA. Tu hoc uteris? & paratum seruas? SEN. Et nunc seruo, & continuè seruauim. BRA. Multi tamen in hac urbe sunt, qui sequentem à Mesue positum

ante Syrupum Dinari faciunt.

Recipe Papaueris albi )

Nigri ) id est eorū capita añ. 3. lx.

Et decoquātur in libras quatuor aque pluuialis quousq; redeant ad lib. un. i et semis, et cū zuchari albi, et penidiarū añ. 3. iij. fiat Syrupus. S E N. Est simplex de papauere. B R A. Ita appellari potest, quia nihil aliud de coctione præter papauerū capita recipit. Alios etiā notaui, qui primū Syrupū de papauere Auicēne faciunt, qui et ipse simplex est, sed uix succū recipit, aut sapa. Propterea nonnulli in cōposito Mesue à te citato sapa addunt: nam semi libram sapa cū Syrupo ad bulliendū ponunt: quod tamen nec ab authore dicitur, nec cōuenit, cū in frigidare intendamus, et sapa calida sit. S E N. In tanta confusione quos sequi debemus? B R A. Opus est duos Syrupos Mesue de papauere paratos habere. Primum simplicem, Alterum compositū: nam ambo ad somnū inducendū, ad sitim extinguentiam, ad prohibendam destillationem ad pectus, et ad leniendam ualent. Sed ille simplex minus frigidus est, et solum intentionē simplicem habet ad prædicta, ad somnū scilicet prouocandum, et leniter in frigidandū: Compositus autem ad in frigidandū et leniendū intensius. Ideo à Mesue ad tussim siccā, et phthisin ualere dicitur. S E N. Cirabo ut in mea officina ambo sint. B R A. Si utrosq; habere neglexeris, saltem cōpositū habeas: Ego autē pharmacopolā laudabo, qui utrosq; seruabit. S E N. Nunquā mihi deerūt. Dic autem (ni piget) debent ne eo modo fieri, ut descripti sunt? B R A. Nonnullis erroribus demptis, aut emendatis.

eo modo fiant. s e n. Illos libenter audirem, ne deinceps incantus errare. b r a. En in simplici de papauere, papauerū capita in quatuor aquæ libras ebullit, quousq; libra una cū dimidia relinquatur: Sed papauer ex his est, quæ mediocrē decoctionē patiūtur: propterea si tam diu bullierit, uires amittere puto, præsertim si papauerū capita recentia sint. Si enim antiqua essent, maiorē ebullitionē exigerēt. s e n. In recentibus ad quantū aqua ebulliendo resolui debet? b r a. Satis est, si pars tertia resoluitur, uel libra una, & semis. Ideo Mesue ita legas: & decoquatur in libras quatuor aquæ, usq; dū desit libra una & semis, ut à quatuor libris aquæ libra una & semis bulliēdo euanescat: unde libræ duæ & semis decoctionis relinquūtur. s e n. Cōueniētius uidetur qd' minus restet, propter minimā quātitatē zuchari, quæ ingreditur: sunt enim quatuor zuchari, & quatuor penidiarū drachmæ. b r a. O bone uir, mēdosus est Mesue cōtextus, & legi debet: uncias quatuor, nō drachmas. Idē error in cōposito de papauere est, ubi enim legitur: zuchari & penidiarū añ. 3. viij. legi debet, uncias octo: nec ualet qd' aq̃ quātitas respectu zuchari multū exuperet in simplici de papauere, q̃a penidia uice zuchari fungūtur. Nō debēt aut̃ tā tū papauera ebullire tū ob causā dictā, tū q̃a humiditas & frigiditas maximē expetūtur, q̃ ob multā decoctionē euanescent. Nō laudo etiā qd' pluuialis aqua sumatur, ob rationes dictas: quā tanē Mesue sumēdā iudicat. s e n. Sūt ne in cōposito de papauere aliqua errata? b r a. Et maxima. s e. Quō maxima in re tā uulgata? b r. Audies. Nā calida p̃ frigidis recipit. s e. Quæ sunt hæc? b r. Dicit

Locus Mesue  
restituendus.



papaueris albi & rubri, est autem rubrum papauer antiqua anemone, quæ calida est. In hoc autem syrupo frigida solum recipienda: propterea legendum est potius, papaueris albi & nigri, non rubri, aliter præter intentionem rubrum papauer poneretur. Adde, in nostro antiquo Mesue legi, papaueris albi, & nigri: & quod nigri, & non rubri legi debeat, testimonium sumi potest ex simplici de papauere, in quo papauer album & nigrum ponuntur, cuius intentio est in frigidare, & somnum prouocare. Cum autem eadem intentio in hoc sit, rationabile est albi & nigri legi, non autem rubri. SEN. Hic esset magnus error. BRA. Imò est, & non animaduertitur. SEN. Deinceps igitur nigrum, non rubrum accipiam, BRA. Itaq; non errabis. SEN. Vidi alios syropos de papauere, quibus medici in alui profluuijs utebantur. BRA. Multæ aliæ sunt descriptiones syroporum de papauere, a multis alijs authoribus scriptæ, quas persequi non est opus. Auicenna duas ponit, quarum secundam ad profluuium alui ualere certum habeo. Prima autem ad somnum conciliandum: & à nonnullis fit, quem appellant syrupum de papauere centum capitum, estq; simplex syrupus. Nicolaus etiam syrupum de papauere ad profluuium ualere scribit. imò & antiquiores in profluuijs alui papauere usi sunt, extantq; apud Aëtium, Paulum, & Oribasium multa ad profluvia, quæ papauera recipiunt. Hæc autem de hoc syrupo satis.

Syrupus de  
quinque radici-  
bus.

SENEX.

**S**yrupus de quinque radicibus in ordinem uenit.  
BRA. In quem ordinem, si ordinem non seruas.

SEN.

SEN. In ordinem meæ inordinatæ schedæ. BRA SA. Equidem inordinatæ, nam simplices syropos seorsum à compositis scribere poteras, & calidos à frigidis, aut saltem ordinem secundum humores habere, aut secundū corporis partes, aut secundum ægitudines. SEN. Nihil consideravi, sed ordinaui ut in mentem uenere, & ut in officina præsentabatur. BRA. Quum hoc ad rem ipsam nihil referat, syrupum de quinque radicibus examinemus. Quod magis commodè fiet, si unā & syrupum de duabus radicibus, & syrupum bisantium sine aceto & cum aceto, & syrupum acetosum simplicem discutiamus. Omnes pharmacopola & hic & per totam Italiam eundem syrupum acetosum simplicem parant, cum scilicet qui à Mesue describitur, & simpliciter syrupus acetosus nuncupatur, qui & ab Auicenna ponitur prima quarti canonis, in libro autem quinto plures syropos acetosos describit, & Serapio in suo Antidotario, & Hali in x. lib. suæ practicæ, hunc præsentem syrupum acetosum simplicem conformari docent. SEN. Nonne antiquiores de ipso tractarunt? BRA. Nusquam. SEN. Quomodo hoc dicis? nam Mesue ipse de hoc syrupo Galenum adducit. BRA. Quomodo autem Mesue Galenum adducere potuit, si Galenus zucharum ignorauit? SEN. Istud igitur mirum est, præsertim cum à recentibus Galenus x. 1. de arte curatiua adducatur. BRA. Certus sis, nusquam de eo locutum esse Galenum, imò grauius errant, qui librum secretorum Galeni adducunt, in quo hunc syrupum inueniri dicunt. SEN. Vnde igitur hic error emanauit? BRA. Quia Hippocrates, Galenus,

Et antiquiores de oxymelite tractarunt, quod ab hoc dif-  
ferre non uidetur, nisi quia mel zuchari loco sumit. Zu-  
charum uero antiquiores ignorarūt: propterea acetosum  
simplicem Mesue parare non poterant, sed bene oxyme-  
litem, de quo suo loco differemus. Est autem simplicis  
acetosi uel sine aliquo addito acetosi descriptio, hæc que  
sequitur, per Mesue uerba expressa:

*Syrupus aceto-  
sus simplex.*

**R** Ecipe zuchari boni albi partes quinque, et in uase  
lapideo pone, et super infunde aquæ fontis dulcis  
et clare libras quatuor, et decoquatur, semper eius spu-  
mam abijciendo, et sit ignis, in quo coquitur prunorum,  
aut tenuis flammæ sine fumo, et decoque hoc modo, do-  
nec clarificetur, et diminuta sit aqua, sicut medietas  
eius: deinde infunde super ipsum aceti uini albi clari  
partes duas in leui, et in forti partes quatuor, et in me-  
diocri partes tres, et da ei post illud decoctionem in co-  
ctura: sit autem hæc coctura, coctura syrupi. Hæc Mesue  
ad uerbum. **S E N.** In hoc syrupo plura mihi præsentan-  
tur ambigua, incipiam autem ab ultima parte, ubi inquit:  
In leui partes duas, in forti quatuor, in mediocri tres: per  
hæc uerba quid intelligendum sit dubito. Nam illos aber-  
rare puto, quod leue ad acetum applicat, et forte, et medio-  
cre, in aciditate. **B R A.** Imo maxime errat, quia potius de  
leui aceto partes quatuor ponendæ essent, et de forti partes  
duæ. Sed uerus intellectus est, quod leue, mediocre, forte,  
ad syrupum referatur, uel ad morbum: ut sensus sit: In syru-  
po leui, quod non multum aperiat, duæ aceti partes sint: in forti  
multum aperiet, sint partes quatuor: in mediocri quod mediocri-  
ter aperiat, sint partes tres. Aut ad morbum referamus: In leui  
morbo

morbo sint duæ aceti partes in syrupo: in forti sint quatuor aceti partes: in mediocri morbo sint tres partes aceti. Dic autē paratis ne hos tres simplices syropos in leui, forti, mediocri? SEN. Vnus solū paratur. BRA. Qui nā est ille? SEN. Differunt pharmacopolæ. Sunt qui tres partes aceti ponant, & qui duas, rari qui quatuor, tamen & reperiuntur qui addant. BRA. Tu quem facis? SEN. Semper eum paro, in quo tres partes aceti sunt, nam potius medium sequi elegi, quā extrema. BRA. Ego autem unum extremū potius sequerer. SEN. Quod? BRA. Ut duæ partes aceti solum ponantur, quia medico semper licet, quando uoluerit, acetum addere. Sed quando plus aceti receperit, quā medico placeat, ita facile subtrahi non potest. SEN. Imo potest alia addendo. BRA. Sed non ita facile, nec deinde syrupus acetosus erit. SEN. Tuaratio non mihi displicet, propterea eum deinceps parabo in quem duæ partes aceti ingrediuntur. BRA. At opus erit, unum semper agas. SEN. Quid est hoc? BRA. Ut medicum admoneas qui hoc syrupo utitur, te eum solum fecisse, qui leuis est: & in leui morbo ualet, in quo duæ partes aceti tantum sunt: ut si acetum addere uoluerit, addat: tamen conuenientius esset tres syropos habere. Verū nostri temporis medici nō solum hoc non curant: sed inter hos syropos differentiam nesciunt, nec an fiant, sed cū indicunt ægro satisfecisse putant: rem uerō quam ordinant, & an bene paretur, ignorant. Hæc autem aliās, quia nobis institutum non est de medicis maledicere. SEN. Aliud etiā est, quod in hoc syrupo me addubitare fecit, quia Me sue inquit ad materias

calidas ualere, & ad frigidas & ad subtiles, & ad crassas uiscosas: hæc autem opposita uidentur, & simul incompa-  
 tibilis esse. B R A. Opus est scias, quod hæc eadem quantitate non agit, sed diuersa: nam hic syrupus ratione aceti incidit, & frigidus est: propter frigiditatem ad materias subtiles & calidas ualet, sed ob incidendi uim, quam habet, ad crassas materias & glutinosas ualet, eas attenuando: unde non inconuenit unam ratione diuersarum partium, & qualitatum ad duo cōtraria ualere. Nota autem quæ sequuntur, quia in materiis frigidis & crassis, non ualet ratione frigiditatis, tamen ualet ratione incisionis. Ideo addit Mesue, posse uirtutem in frigidationis tolli, non remota eius penetratione. Istud autem fit, illi nonnihil calidi addendo, ut cinamomum, aut radices calidas aperientes, quæ non solum frigiditatem remouent: sed ad penetrationem & resolutionem addunt. S E N. Miror quomodo Galenum adducat, si nusquam Galenus de eo loquatur. B R A. Galenus de oxymelite tractat, quod ex melle & aceto fit, de quo suo loco differemus: puto illum esse locum, quem Mesue citat. Sed unum est in quo magis ambigo, quam in prædictis. S E N. Quid est illud? B R A. Hunc syrupum ad atram bilem ualere, tamen Hippocratis, & Galeni sententia est, acetum eos iuuare, in quibus amara: eos autem si inuopere ledere in quibus atra bilis dominatur, sed magis mulieribus imitatur, quam uiris, nam uterum ledit. Non uidetur ergo in melancholica materia conuenire. S E N. Quid igitur ad Mesuen dicere oportebit? B R A. Fortè non intelligit ratione sue qualitatis ad atram bilem

bilem ualere, sed tantum ratione penetrationis: quia alia  
 medicamenta atræ bili propria ad statuta loca penetra-  
 re facit, & uim dissoluendi ac diffecādi illis tribuit. Ideo  
 acetum atræ bili conueniens non est, nisi ratione penetra-  
 tionis. SEN. Hoc igitur per accidens prouenit, & non  
 ex natura huius syrupi ob suā qualitatem. BRA. Quic-  
 quid sit, hic syrupus acetosus, ratione qualitatis aceti ad  
 humorem melancholicum non ualet: sed tantum penetra-  
 re facit, & resoluit: propterea ad syrupū acetosum com-  
 positum ueniamus. SEN. In Mesue post hūc syrupum  
 simplicem acetosum, quem ipse syrupum acetosum abso-  
 luto uocabulo appellat, syrupus acetosus cum radicibus *Syrupus ace-*  
 sequitur, quem recentes de duabus radicibus uocant, & *tosus cum ra-*  
 acetosum compositum. Fit autem cum aceto, & sine ace- *dicibus.*  
 to: cum aceto est acetosus compositus: sine aceto absolu-  
 tē est de duabus radicibus: licet qui ordinant, cum ace-  
 to, aut sine aceto addere soleant. SEN. Ita est, & nos  
 utrosq; paratos seruamus. Et hunc qui acetum suscipit  
 de duabus radicibus cum aceto nuncupamus, uel aceto-  
 sum compositum, uel acetosum cum radicibus: qui autem  
 acetum non habet, de radicibus absolutē dicitur, uel de  
 duabus radicibus sine aceto. BRA. Vbiq; per totam  
 Italiam ita paratur, & Mesue compositionem sequun-  
 tur omnes medici, quæ hæc est:

**R** Ecipe aquæ fontis claræ libr. x. & proijce super  
 ipsam radicis fœniculi, apij, endiuie, ana. vnc. iij.  
 anisi, seminis fœniculi, apij, ana. 3. viij. seminis endiuie,  
 vnc. 5. Coquatur cum facilitate quousq; ueniat ad lib. v.  
 tunc proijce super ipsam zuchari boni lib. tres, & clari-

ficetur sicut prius: deinde funde super ipsum aceti bonæ quantitatem sufficientem, iuxta modum superioris doctrine, & da ubi oportet. Hæc Mesue. SEN. Hic est ille syrupus, quem facimus. BRA. Avicenna hunc syrupum quinto libro docet, & eum syrupum acetosum communis appellat: sed non addit radices endiuæ, quæ fortè in Mesue abesse debent: nam & in meo antiquissimo Mesue non adsunt, unde vocatus est de duabus radicibus, quia duæ radices solæ ingrediuntur, & tunc non erit opus fugere, quod tantum duæ radices calide ingrediantur, endiuia autem sit radix frigida, ideo dictus sit de duabus radicibus scilicet calidis. SEN. Reperitur ne apud Antiquos hic syrupus? BRA. Non reperitur hoc modo compositus, sed apud Paulum, Aëtium & antiquiores proportionales decoctiones inveniuntur ex radicibus & apij, & fœniculi, & ex hyssopo, pulegio, origano, tragorigano in materiis crassis, ut liquidum est, si eorum volumina legeris, quæ ubi de febribus notis tractant, his plena sint. Hic autem syruporum modus inuentus est, ut omni tempore hæc in promptu habeantur, & magis delectent. Dicis autem, quando radices in syrupum ponis, sumis ne integras? SEN. Non, sed in frustra seco. BRA. Hoc non peto, sed an radices integras, non adempto medutillio, an corticem tantum circa medutillium accipias. SEN. Semper excoriamus, & medutillium abijcimus. BRA. Sed sine ratione factum videtur: nam vis radice in eo potissimum consistere videtur, quod est medium totius, & in quo potissimum vita plantæ est, hoc autem est medutillium: nam eo non modo  
tota

tota radix, sed & tota planta uiuit. SEN. Ratio id in-  
 ferre uidetur: tamen in hoc syrupo de radicibus apud  
 Auicennam v. lib. ita scriptum reperitur: Recipe corti-  
 cum radicis fœniculi, & corticium radicis apiij. Quod ar-  
 gumentum est, corticem sizaendum esse. BRA. Et ego  
 ex Mesue argumentum faciam, quia ipse in suo syrupo,  
 dicit radices accipiendas, non corticem radicis: ideo ra-  
 dices sumendæ, quæ integræ sint. Etenim Mesue corti-  
 ces harum radicum dicere sciuiſſet, & non radices, si cor-  
 tices, & non radices sumendas uoluiſſet. SEN. Quid  
 ergo sumendum? BRA. Vt hanc rem optimè enode-  
 mus, scito apud philosophos in uiuētibus ordinem per-  
 fectionis dari, & imperfectionis. Homines inter uiuen-  
 tia perfectissimi sunt, propterea ad hominis generatio-  
 nem multa instrumenta requiruntur: in brutis pauciora  
 quàm in hominibus: in insectis adhuc pauciora, adeò ut  
 in frustra etiam confecta per aliquod temporis spatium  
 partes uiuant. Arbores autem & herbæ tot instrumentis  
 non indigent, ideo non solum per semen, sed etiam per  
 furculorū transplātationē & insitionē. Eodē modo her-  
 bæ semine, & per ramusculorū plantationē uiuūt, & in  
 eadē specie indiuidua faciūt. Omnia aut quæ uiuunt, uno  
 organo indigent, in quo potissimum uita fundatur, ut in  
 animalibus cor, quod est caloris fons: insecta uero in fru-  
 sta concisa, habent aliquid cordi proportionale: pro-  
 pterea & incisa uiuunt, non tamen diu, quia intercisum  
 est cordi analogū, & corruptū. In plantis uerò per totū  
 est proportionale cordi. Ideo incisæ in partes, & plan-  
 tate uiuunt, & quælibet pars suum cor habere uidetur:



tamen in tota planta unum solum erat actu, plura autem potentia. Cum autem inciduntur rami & surculi à planta, actu efficiuntur illius speciei plantæ indiuidua, & actu habent cordi proportionale. Similiter in omni uiuente opus est unum esse, quod in toto continuationem faciat, & à quo nerui & totius ligamenta nascantur, sine quibus non consisteret, nec moueretur. Hoc in animalibus est cerebrum, & spinalis medulla: in plantis est meditullium illud. Sicut autem in animalibus illa pars frigida est secundum speciem animalis: ita hoc meditullium spinali medullæ proportionale, ratione herbæ, cuius est meditullium, est frigidius, uel minus calidum: propter hoc ita aperituum non erit, sicut cortex, quo integitur in radicibus calidis. In frigidis radicibus secus est, quia habent frigiditatem maiorem, quam habeat cortex, & hoc in multis. Sunt etiam aliquæ radices, quæ hanc differentiam non habent, quia usque in profundum eodem modo carosæ sunt, ut rapa, cuius cortex tenuissimus est, in medio tota caro est, & in rapa uis in medio est, non in cortice. Eadem forte ratio in rhabarbaro dicenda esset. Ad rem igitur redeuntes, in radicibus aperientibus cortex sumi debet, quando radices aliquas decoctiones ingrediuntur: & ratio in promptu habetur, quia cortex magis calidus est, & magis aperitiuus, quam meditullium. In frigidis autem radicibus & non aperientibus, meditullium simul addere oportet, ut cum cichoreum decoctiones ingreditur, meditullium adimi non debet, tum quia frigidum, tum quia egregius cichorei qualitatem seruat: nam in meditullio maiorem amaritudinem sentis, quam in cortice.

tice. SEN. Estne uerè cortex id quod meditullium integit. BRA. Respectu meditullij cortex appellari potest, tamè respectu radice nequaquam: quippe in radice tria sunt, Cortex, qui primò occurrit, & terræ propinquus est, qui ita se habet ad radicem, sicut himen, id est pellicula tenuis, quæ nos ambit: deinde caro, quæ est à cortice isto subtili usq; ad meditulliu: postea meditulliu, quod à mulieribus Ferrariensibus anima herbæ nuncupatur. Exterior cortex sumi non debet, sed is, qui est à summo cortice usq; ad meditullium, quod caro appellatur. Superior enim cortex & terream naturâ sapit, & à radijs solaribus exustus est: unde in calidis & aperientibus radicibus in decoctionibus, & in hoc syrupo, & alijs carneturaris: in frigidis aut radicibus, & carne, & meditullio, ut in endiuia, cichoreo, lactuca. Quod si dicas in cichoreo meditullium calidum uideri, quia amarû, nam (ut Galenus quarto lib. de simpliciu medicamentorum facultatibus testatur cap. xviii.) omne amarû est calidum. Respõdemus omnino aliquâ caliditatē habere, ppter ea aperit: his enim duobus insignitur cichoreu, quod aperit, & in frigidat. SEN. Ita igitur agendū erit quomodoq; radices sint. BRA. Si radices multū tenues essent, nihil moueri oporteret: si aut crassæ essent, meditulliu abijciendū est. SEN. Tu aut superius mihi uidebaris satis euidentē ratione probare meditullium efficacius esse, utpote in quo uis intērior sit, quia est tāquā anima plantæ. BRA. Tamè si carnē gustes, atq; meditulliu, in carne, & sapore, & odorē intensum herbæ persentis, sed in meditullio parū (aliquibus demptis præsertim frigi-

dis.) Gusta hunc apij corticē, & hunc fœniculi, nūc modo eorū meditullia gusta. SEN. Gustavi, & aliās sepe gustaueram, maior uis in carne sentitur, & nescio quid excellentius, quā in meditullio sentitur: tamē q̃a apij radices parue sunt, & caro tenuis, raro aut nūquā meditulliū remouentus. BRA. Sed Mesue in Secōniabm (ita ipse appellat) de radicibus, inquit: Recipe corticē radicis apij, fœniculi & reliqua, quæ sequuntur, quod indicū est ab apio etiā meditulliū remouēdū, & Auicēna in syrupo acetoso de radicibus cōmunitatis, iubet corticem radicis apij in syrupo recipiendū. SEN. Fortē hoc ab re nō esset, cū authores dicūt, Recipe corticē radicis, tūc sola caro sumatur: cū autē dicūt, Recipe radicē, tota radix integra, meditullio nō anoto accipiat. BRA. Hoc uideretur rationē aliquā habere, nisi authores de radice quādoq; loquētes carnē meditullio dempto intelligerēt: & quia maior uis in aperiētibus & calidis in carne est, quā in meditullio: & q̃a meditulliū minus crassum est & durum quod magna decoctione indigeret. SEN. In quibus casibus hoc syrupo uteris? BRA. In materiebus biliosis notis, quæ crassæ sunt: & etiā ualet ad materias pituitosas: nā obstructionū aperiuius est, nō modō hepatis, splenis, & renū, sed etiā uniuersi corporis, & materias crassas atq; glutinosas incidit & abstergit. SEN. Quō tēpore ægri tudinis exhiberi debet? solēt enim Recētes post septimā propinare. BRA. Nullū adest statutū exhibēdi tēpus per dies: sed semper exhiberi potest, quando oportet, etiā si in ægri tudinis initio sit. Tamen ægri tudines quæ nō sunt biliosæ puræ, sed notæ, ut plu

rimum hunc ordinem habet: ut in primis portio subtilioris materiae resoluitur: ideo raro ante primam hebdomadam eo indigemus. Quare dicere non oportet ante septimum diem uel post septimum diem sumendum esse: sed quando opus est. Opus autem est, quoties materia crassa est, lenta, glutinosa, & partes nostri corporis obstructae sint, tunc ab hoc syrupo etiam in principio aegritudinis incipere debes. Hic autem antequam ad aliam transire, de tempore colligendarum radicum uerba facere, nisi statuissem determinato libello, de tempore colligendarum herbarum tractare. Ab hoc autem non abstinere: cum multi sint, qui uoluerint radices colligendas esse, cum herbae folia amiserint, eo autem tempore in medullis nulla uis est quae ad temperaturam faciat, sed ad plantae uitam solum facit: quod argumentum est carnem & non medullam sumenda. Ad rem autem nostram redeuntes, dicere cum auctor inquit, tunc proijce super ipsum zuchari boni libras tres, & clarificetur sicut prius, quomodo hanc partem intelligis? SEN. Hoc modo, postquam ebullierit, percolamus omnia bene exprimentes. BRA. Hoc mihi summe placet, quod expressio fiat. SEN. Postea tres zuchari libras addo. In hac autem re inter se differunt pharmacopoeae, quoniam aliqui duobus, aut tribus ouorum albuminibus sumptis zucharum & totam decoctionem simul clarificant: alij zucharum per se clarificant, & deinde in decoctionem ponunt: alij nullo modo clarificant. BRA. Hi forte non inepte agunt, quoniam frustra albumen oui poni uidetur pro liquorum depuratione, in quibus acetum ingreditur. Tu autem quomodo agis? SEN. Ego in tota decoctione clarificare soleo, duobus, tribus, aut

pluribus ouorū albuminibus sumptis, pro quantitate sy-  
rupi, quā facio. B R A. Tu ergo maiore syrupi copiā fa-  
cis quā ab authore describatur. S E N. Equidē. B R A.  
Deinceps ne hoc feceris: nam in theriaca ostendimus ex  
mente Galeni, nec augendas, nec diminuendas medica-  
mentorū quantitates et cōpositiones, de quare aliās tra-  
ctabimus. S E N. Deinceps integrā cōpositionem para-  
bo. Dic autem tu, laudas præsentem syrupum clarificari  
an non? B R A. Id agendū est, quod ab authore dicitur.  
S E N. Qui nam modus est ille? B R A. Ipsum lege, qui  
inquit, clarificetur ut prius: Ideo opus est eo modo clari-  
ficare ut prius docuerat, quod in acetoso simplici fuit.  
S E N. Quomodo docuerat? B R A. Ebulliēdo et ex-  
pumando, semper spūmā abijciendo, et decoquatur hoc  
modo (inquit) donec clarificetur. Itaq; huius syrupi cla-  
rificatio fiet, spūmā demendo cū ebulliet cū zucchero,  
donec clarius euadat, ea scilicet claritate quam habere  
possit, quæ tamen erit integra claritas. S E N. Ouis igitur  
parcam. B R A. In hoc casu parces, nam et frustra  
cū aceto ponuntur. S E N. Debet ne diminui usq; ad  
dimidium? B R A. Non, sed usq; ad claritatē, quam ha-  
bere potest: hanc autē habebit, cū amplius spūmā non  
faciet. Dic autē quā aceti quātitatē in hūc syrupū ponis?  
S E N. Pro qualibet syrupi libra semilibra aceti. B R A.  
Sunt qui uncias quatuor, et qui quinque, et qui octo pro  
qualibet libra ponant. S E N. Quid in causa fuit, ut hac  
differentia nasceretur? B R A. Quoniam in hoc syrupo  
eodem modo ut in præcedenti acetum poni debet, in le-  
ui partes due, in forti partes quatuor, in mediocri partes  
tres:

tres: quia Mesue ad præcedentem syrupum seipsum re-  
fert. Ideo aliqui fortem, aliqui debilem, aliqui mediocrẽ,  
aliqui nullum, sed suo modo parant. SEN. Igitur tres sy-  
rupi compositi acetosi fieri deberent? BRA. Deberent  
quidem: sed satis est debilem, id est debili morbo conue-  
nientem uel in aceto debilem seruet: quia doctus medi-  
cus, acetum semper addere potest, si opus erit. Si autem  
uel fortis uel mediocris esset, & debiliori indigeret, ace-  
tum auferre non posset, ut in simplici acetoso etiam dixi-  
mus: semper autem bulliat expumando, post impositio-  
nem aceti quod syrupum clarũ reddit. Ideo ouis non in-  
digemus ubi acetum ingreditur, sed illis solum utimur in  
illo de radicibus sine aceto secundum uos pharmacopo-  
las: sed satis est secundum Mesue ebullitio: unumq; ani-  
maduertat, si absq; aceto syrupum feceris, ut sine aceto  
de radicibus appelletur, quando ipsum clarificas expu-  
mando, semper expumare debes quousq; perfectus sit,  
& ad syrupi cocturam peruenerit. Si autem acetum ad-  
dere uolueris, ut sit acetosus compositus, uel acetosus de  
radicibus, noli expectare quod coctus sit quando acetum  
addere uolueris, sed tunc ponas acetum, cum prope co-  
cturam syrupi peruenerit, semper expumando. SEN.  
De hoc satis dictum est, ad illum de quinque radicibus ue-  
niamus. BRA. Vt lubet: sed dic quem authorem sequi-  
mini in hoc syrupo? SEN. Ignoro, nos ipsum magistra-  
lem syrupum appellamus, & eo medici utuntur: unde  
autem uenerit, nunquam audiui. BRA. Et ego certe nus-  
quam inueni, nisi in quibusdam libellis Receptarijs nu-  
cupatis Petri Galli: possent dici libelli de componendis

Syrupus de  
quinque radici-  
bus.

medicamentis: sed communiter, & ἡγοῦνται γινῆναι, & ἴσμεν: id est & secundum genera, & secundum locos. Tu autem addidisti esse magistralem syrupum, quid intelligis per illam particulam magistralem? S E N. Nos receptas magistrales appellamus quæ in usu quotidiano sunt. B R A. Appellatis ut lubet. Quod mihi absurdum uidetur, est, apud diuersos pharmacopolas uario modo Ferrariæ fieri. Sunt enim qui sequentem compositionem sequuntur: sed unde hauserint, ignorant: nec eorum præceptores sciebant.

Recipe radices Apij )

Petroselini )

Fœniculi ) añ. vnc. ij.

Asparagi )

Brusci )

Misce, & bulliât in sex lib. aquæ fontis ad cõsumptionem tertiæ partis, deinde facta expressione addatur zuchari libræ tres, & in fine decoctionis, aut ppe finem, adde acetii optimi vnc. viij. S E N. Hic non est syrupus de quinque radicibus quæ paro, & quæ maior pharmacopolarum pars parat: in hoc enim à te citato semina desunt. B R A. Hoc non ignoro, tu modo tuum edoceas. S E N. Est hic qui sequitur:

Recipe radices Apij )

Petroselini )

Fœniculi ) añ. vnc. ij.

Asparagi )

Brusci )

Seminis Apij )

Petroselini ) añ. vnc. j.

Fœniculi )

Misce.

Misce, & omnia decoquantur in lib. x. aquæ, & libram unam aceti ad consumptionem medietatis: inde coletur, & cum melle quantum sufficit, fiat syrupus. B R A. Ponis'ne acetum, ut cum aqua bulliat? S E N. Pono. B R A. Id non conuenit, sed tunc poni debet, cum serè coctura facta est, aliter nihil serè aceti haberet: una etenim aceti libra in libris decem aquæ ebulliens non persentitur. S E N. Ob hoc ægrè persentitur acetum in hoc syrupo. B R A. Cùm autem apud aliquos pharmacopolas in suis syrupis huius speciei sentitur acetum, apud alios non sentitur, Causa est, quia diuersas compositiones sequuntur & diuersis modis agunt. Ego sentiri uoluerim, quia eius officium est aperire, attenuare, resoluerè. Quæ omnia excellentius fiunt, si acetum in compositionibus addatur quàm si desideretur. Dic autem facis'ne cum melle aut zucharo? S E N. Nullus melle utitur: sed zucharo. B R A. Tamen descriptio tua, quæ passim circumfertur mel recipit. S E N. Verum est: sed nos, ut suauiore faciamus, mel accipimus. B R A. Id dicis ac si mel suaues syru-  
pos non faciat: imò ex melle dulciores sunt, & in hoc, mel potius sumi uoluerim, quàm zucharum, quoniam hoc syrupo utimur ad uehementius aperiendum, quàm faciat syrupus de duabus radicibus. S E N. Noui ego pharmacopolas quosdam, qui syrupum de duabus radicibus exhibent, quoties syrupus de quinque radicibus præscribit. B R A. Hi uehementer errant: nam & si ad eandem intentionem ualeant, tamen hic est magis ualidus, quàm ille de duabus, præsertim quando additur quantitas aceti sufficiens. Nā quandoq; indigemus parum aperire,



quod facimus cū acetoso simplici: quandoq; magis, quod facimus cum illo de duabus radicibus: quandoq; adhuc magis, quod facimus cum syrupo de quinque radicibus, unde medicus hoc peculiare in se habere debet, ut ad unam intentionem debilia, fortiora, & fortissima per gradus habeat, & immutare sciat: nec vim naturæ faciat si uoluerit ab extremo ad extremum sine medio progredi. Cum autem per media conuenientia transit, naturæ satis facit, & nullus error fieri potest. Alij tamen pharmacopoeæ sunt qui alium syrupum faciunt ex quatuor radicibus, & illum pro syrupo de quinque radicibus parant. Ipsum autem in libro quodam suo inueniunt, qui Lumen apothecariorum appellatur sub nomine syrups de radicibus magistralis, cuius compositio hæc est:

Recipe radicem Apij	)	
Fœniculi	)	añ. m. j.
Petrosclini	)	
Endiuæ	)	
Seminum Apij	)	
Fœniculi	)	
Anisforum	)	añ. vnc. ꝑ.
Ameos	)	
Asparagi	)	
Aceti boni		libras duas.

Omnia præter acetum in lib. x x. aquæ bulliant usq; ad perfectam coctionem, deinde coletur, & colaturæ addantur mellis purificati lib. i i i i. & acetum prædictum, & ad perfectam coctionem decoquantur. S E N. Rari sunt qui hunc syrupum faciant. B R A. Aliqui tamen non desunt.

sunt. SEN. Quem debeo ego pro syrupo de quinq; radicibus paratum habere? BRA. Ego eum pararem, quem tu paras, sed cum melle potius, quàm cū zucharo. SEN.

Accipiendæ sunt integræ radices in isto, an sola caro? BRA. Caro sola, præterquam in apio, cuius radicem integram ut plurimum sumimus, tum quia parvæ, tum quia

meditullium tenellum est. BRA. Cum is à medicis syrupus de quinq; radicibus præscribit, eum facito qui in medio descriptus est, in quo radices, & semina ponuntur:

suaderemq; ut pro qualibet syrupi libra quatuor saltem acetii uncia ponerentur, si quis plures addere uoluerit.

Sed ad Bisantinū syrupum ueniamus, qui & ipse in ordine horum aperientium syruporum, & qui acetum recipiunt, existimatur. SEN. Est Mesue syrupus. BRA. <sup>to.</sup>

Nullum alium authorem legi ( præter Mesuen ) qui illū describeret. In frequentissimo usu est per totam Italiam, in materiebus crassis, glutinosis, & in magnis obstructionibus, & præsertim ubi materia atra biliosa est, ut in quartana febre. Sed tu eius descriptionem enarra.

SEN. Ita ad uerbum ex Mesue colligitur ut ego dicam.

Recipe succi Endiuia ) añ. lib. ij.

Apij )

Lupulorum )

Boraginis uel Buglossæ aut do- ) añ. lib. j.

mesticæ aut syluestris. )

Bulliant bullitione una, & despumantur, ac depurentur.

Tunc ex hoc depurato accipe lib. i i i i. zuchari Tabar-

zeth lib. i i. semis, & coquatur cum facilitate donec fiat

syrupus, hic est syrupus Bisantinus Mesue. BRA SA.

Nonne & acetum ingreditur? SEN. Non ingreditur  
in hoc qui sine aceto est. Si autem cum aceto facere vo-  
lueris, Mesue docet ad omnem partem depurati succi ad-  
dendum esse aceti boni clari, partem semis, & tunc bi-  
santinus cum aceto appellatur, sed hi ambo, & hic qui  
cum aceto est, & ille qui sine aceto dicuntur bisantini  
absq; additione. BRA. Additionem addas, ne quicquam  
omutatur, quod nostrum examen effugiat. SEN. Addi-  
tio hæc est, ut in prædictis succis bulliant

Foliorum rosarum vnc. ij.

Liquiritiæ vnc. ꝑ.

Spicæ 3. ij.

Anisi )

Fœniculi ) añ. 3. iij.

Seminis Apij )

Nihil aliud additur. BRA. Hæc ferè sunt alter syr-  
pus. Sed quomodo hæc ponis? SEN. In succis ebullire  
facio usq; ad ebullitionem illam, deinde percolo, & cla-  
rifico, deniq; acetum addo. BRA. Hoc autem mirum est,  
in hac urbe esse qui cum additione ista, & qui sine ad-  
ditione parent. Ego suaderem, ut cum additione fieret:  
nam hic syrupus in aperiendo cum excellere dicitur, qui  
de quinque radicibus est. SEN. Libenter abs te ordinem  
precedentium syruporum in aperiendo haberem. BRA.  
Talis erit ordo, ut inter omnes nuper enumeratos pri-  
mus in aperiendo sit,

Acetosus simplex.

Postea de duabus radicibus sine aceto.

Tertio, de duabus radicibus cum aceto.

Quarto

Quarto, de quinq; radicibus.

Quinto, bisantinus sine aceto.

Sexto, bisantinus cum aceto.

Bisantinus autem, uel cum aceto, uel sine aceto fit, cum additione semper fieri debet. Tamen de bisantino sine aceto dubium fieri posset, an illum de quinq; radicibus superet, in quo acetum ingreditur: acetum autem ad aperiendum plurimum facit: propterea absolute dicendum est, syrupum de quinq; radicibus, Bisantium sine aceto superare. Tamen Bisantinus sine aceto nunquam dari debet, nisi in eo casu, in quo acetum noceret, & reliqua quæ syrupum ingrediuntur, conuenirent. Sed & in hoc casu nec syrupus de quinq; radicibus, nec acetosus compositus conueniunt. S E N. Quo ægritudinis tempore exhiberi debet hic Bisantinus syrupus? nempe recentes post septimum diem propinare solent, B R A. Ut supra edocuimus, non adsunt statuta syruporum tempora: sed ægritudo & materia, & ægri affectio ea sunt quæ hunc uel illum syrupum uocant: unde quocunq; tempore eo indigemus, dandus est, etiam si ægritudo inciperet. Tamen raro accidit, quod in principijs eo indigeamus, propter hoc recentes, in principijs à Bisantino abstinendum esse dicunt, quod absolute dicere non licet. In magna etenim obstructione ab hoc incipere conueniet. Inquit accipicndum esse boraginem, uel buglossam syluestrem, uel domesticam. Hoc à Mesue positum non est, sed ab interprete additum. Mesue tantum boraginem scripsit, eius autem interpretes ignorabat boraginem esse uerum buglossum, sed de hac re in examine

simplicium locuti sumus. Illuc recurras, ne librum libro  
 misceamus. S E N. Dicitur à Mesue, Accipe eius depura-  
 ti libras quatuor, zuchari Tabarzeth libras duas & se-  
 mis. Qualis est horum uerborum sensus? B R A. Intellige  
 pro singulis quatuor libris succi depurati, duas libras  
 & semis zuchari accipiendas esse. Vnumq; addo, Me-  
 sue intentionem esse, ut nunquam maior copia huius sy-  
 rupi fiat, quam sint quatuor libræ succi, & duæ & se-  
 mis zuchari. Nempe Galenus in Theriaces composi-  
 tione docet, nunquam authorum compositiones augendas  
 esse, aut minuendas, quando per certam & statutam men-  
 suram & per certum pondus scriptæ sunt: ideo lauda-  
 rem ut singulas compositiones in sua quantitate par-  
 tes: neminem tamen in syrupis cogerem ut hæc regulam  
 seruaret, sed in aliquo antidoto, & maiori pharmaco,  
 non solum suadens, imò cogerem. Vnde Venetorum The-  
 riacam, & Mithridatū nihili facio, etiam si uera simpli-  
 cia haberent: quia secundum Andromachi quantitatem  
 & aliorum authorum non parant: sed adeò multiplicanti  
 ut lacus harum compositionum una uice parent. Ad rem  
 autem nostram redeunt, quid intelligis tu per unā ebul-  
 litionem? S E N. Quod cum bullire cœperit, ab igne de-  
 matur: unde ex hoc infertur parum ebullire debere.  
 B R A. Deciperis bone uir, & tecum multi: quia illa uer-  
 ba integram ebullitionem notant: sed illud semel fieri,  
 non autem quod ebullire facias, postea frigescat: & de-  
 inde iterum bulliat: sed continuo bullire oportet, quoad  
 spumam fecerit, & depuratum sit. Scitoq; zucharium Ta-  
 barzeth esse zucharū album: quippe Mauritanū album  
 Tabarzeth

Tabarzeth appellant. Est autem album Zucharum id quod bene expurgatū & excoctum est, non tamen quod uulgò sinum uocamus: sed quod alijs præcedentibus purgationibus adeò depuratum sit, ut arbum euaserit, nondum tamen extremam manum accepit & sinum effectum sit. Scito etiam, quod à Mesue dictum est ebullire cum facilitate, id in omni syrupo intelligendum esse, quia uehemens ebullitio spumam ingentē excitat, & perfecte confici non sinit. S E N. Vñ à te scire percipio, quare hic syrupus bisantinus, aut Dinari nuncupatus sit. B R A. Id est nomen eius syrupus Bisantinus, sed interpret parū bonus qui in nomine deceptus est, uertit Dinari, quia Bisantium genus monete est, ac si dicatur syrupus qui moneta dignus est. Re autem uera hæc inscriptio ita intellectu uana est: sed potius hoc coniectandum à loco appellatum esse syrupum bizantium, id est quo medici bizantini utebantur. Intelligo autem per Bizantium non Constantinopolim quæ in Asia est: sed Bizantiū in Aphrica: quāuis hoc Bizatium, non Byzantiū scribendum sit, & sic apud Plinium legitur in castigatis codicibus. Mesue enim Aphricanus fuit, & proprie Damascenus, uel fortè ab aliquo Græco Constantinopolitano hanc cōpositionē habuit, propterea Bizantiū, id est Cōstātinopolitano syrupū appellauit, utpote quem à Constantinopolitano authore habuit. Quicquid tamen sit, de nominibus multum sollicitos esse non est opus, modo rem ipsam cognoscamus. Dic autē tu, si intra annū hic syrupus deficeret, quomodo eū reparabis, quia succos non habebis? S E N. Nos magnā copiam facimus, & succos seruamus,

si forte fortuna deficeret. B R A . Quomodo succos ser-  
uare potestis? S E N . Facilis succis, eos percolari dimi-  
timus, quibus optime percolatis, facē abijcimus, postea  
per densum linteū descendere facimus, deinde in uitrea  
tion uas ponimus cum bene depurati sunt, & oleū supra  
ponentes seruamus. B R A . Miror, quod breui non cor-  
rumpantur. S E N . Imò corrumpuntur, sed non ita bre-  
ui. B R A . Quāto tempore durat? S E N . Per spatium  
sex aut octo mensium. B R A . Hoc nihil est, nam opus  
erat saltem per integrum annum seruare. Vidi ego non-  
nullos, qui ebullire faciunt, deinde seruant. S E N . Et  
hoc modo cito putrescere debet. B R A . Cito: propterea  
ea in hunc modum fieri suaderem, Expresso succo per  
flamen bene coletur, deinde per densum linteum, postea  
soli per xv. dies exponatur, deinde iterum percoletur,  
& in uitreum uas recondatur, oleo tamen supra posito,  
& uasis ore optime obturato. Itaq; per annū, & etiam  
diutius perdurabit. Omnesq; succi hoc modo parati colo-  
rem quendā subrubrū faciunt, colori granatorū similem  
& uiridem colorem quē in principio habebant, amittūt.  
Rosarū uero succus uini speciei refert. Scito tamē aliquos  
succos esse, qui citius corrumpuntur, ut succus apij, femi-  
culi: alios, qui tardius. S E N . Post annum, hi succi si ser-  
uātur, sunt ne boni? B R A . Eos nō laudo, sed ipsis abie-  
ctis novos para: nēpe traclū tēporis semper vires amit-  
tūt: imò si fieri posset, semper eis recentibus uti deberes.  
S E N . In hunc ordinē syruporū aperientiu, & acetu-  
cipietiu, syrupus acetosus Diarhodō esse uidetur. B R A .  
Nescim unde hic syrupus nomen Diarhodon sortitum.

Syrupus ac-  
etosus diabo-  
don.

S E N .

SEN. A rosis, quæ ipsum ingrediuntur. BRA. Eodem rosæ syrupum bisantinum cum additione ingrediuntur, tamen non appellatur Diarhodon. SEN. Verum est: sed rosæ non ingrediuntur Bisantinū sine additione. BRA. Quid ad rem? Nulla ratio est, cur potius de rosis, quā de endiuia uel fœniculo, uel apio nuncupetur, quæ in maiori copia hunc syrupum ingrediuntur. SEN. Quomodo igitur appellandus est? BRA. Vouerim potius, quod appellaretur syrupus acetosus Diachylon. SEN. Cur Syrupus acetosus Diachylon? Derideremur, quia Diachylon ceroti genus acetosus diachylon est, nō syrupus. BRA. Et tu hos ignaros deridebis, qui nesciunt chylon succum significare. Cum autē multi succi hunc syrupum ingredientur: conueniens est ipsum acetosum Diachylon, id est de succis appellare. SEN. Etiam Bisantinus succos recipit. BRA. Verū est: sed non tot, et ille suum nomen habet. Tamen Mesue consideras, sententiam muto: nam Mesue post hunc syrupū, aliū ex puris succis facit, quem acetosum de succis herbarū appellat. Ideo hunc potius diarhodon, quā diachylon appellato. SEN. Quomodo hoc fiet, si rosæ in minori copia ingrediuntur? BRA. Conueniens est de rosis appellari, quia nihil per se solum in maiori copia hunc syrupū ingreditur, quā rosæ. Si enim ipsum de endiuia nuncupabis, a te petam cur magis de apio non dicitur? quia tanta succi apij copia, quanta endiuie ingreditur: Eadem est ratio, si a fœniculo denominare uolueris: sed nihil est in tota compositione, quod per se solum in maiori copia sit, quā rosa, ideo a rosis denominatur, et ita etiam placuit auctori. Nūc uero eius compositionem



in medium afferas. SEN. Hæc est que sequitur:

Recipe succi endiuie

Apij ) añ. lib. ij. ꝑ.

Radicum fœniculi )

Apij ) añ. vnc. ij.

Endiuie )

Rosarum vnc. j.

Liquiritie vnc. ꝑ.

Spicæ 3. ij. ꝑ.

Anisi )

Fœniculi ) añ. 3. vij.

Semmis Apij )

Projice super hæc aquæ dulcis lib. vi. & decoque usq; ad consumptionem duarum partium, & cum tribus libris zuchari & duabus aceti fiat syrupus. Sed dicas ad quos affectus ualet? BRA. Ad ingentes obstructions, ad hydropem, ad antiquas febres & atrabilarias. SEN. Easde igitur uires cum Bisantino habebit. BRA. Non modo easde, sed multo maiores. Ideo in ordine aperientium Bisantium cum aceto etiam excedit. SEN. Reperitur ne alius syrupus, secundum hunc ordinem, qui hunc in aperiendo superet? BRA. De alijs suo loco dicemus, nunc autem id scito, illum de succis herbarum, quem Mesue describit, hunc excedere, quem in usum reduci uoluerim, quam nunc non sit, tamen optimus est. Sed quomodo hunc acrem Diarhodon paras? SEN. Omnia simul misceto cum aqua, ut bulliant, & usq; ad consumptionem duarum partium ebullire sino. BRA. Quomodo intelligis duarum partium, ex tribus, an ex quatuor?

quatuor? SEN. Ex tribus. BRA. Bene sentis, quia si dixisset ad consumptionem trium partium, opus esset intelligere ex quatuor: quia semper propinquior diuisio fieri debet, nisi expressa partium mentio et diuisionis facta sit. SEN. Post cocturam ex primo, et in expressione zucharum et acetum pono, ebullire faciens, quousque ad syrupi formam reductus sit. BRA. Ponis ne omnia simul eodem tempore ut bulliant? SEN. Pono. BRA. Hoc agendum non est, sed rosæ, et spica seruanda, quæ tam longam decoctionem non patiuntur quin vires amittant: et primo sunt rosæ, deinde spica in fine decoctionis addenda. SEN. Ita deinceps agam. BRA. Non ab re erit frigidiori uino labia abluere. SEN. Ut lubet fiat. BRA. Eia postquam os ablutum est, ad intermissionem negotium reuertamur. SENEX.

**S**yrupū de pomis post prædictos scripsimus. BRA. Syrupus de pomis. Quem de pomis? SEN. Et simplicem, et eum qui mis. inscribitur Sabor. BRA. Simplicem primo tractemus. SEN. A Mesue describitur, pro cordis tremore, et eius debilitate, ad confortandū, et quando syncopin patitur, et habet suspiria, et suspiria luctuosa. BRA. In omnibus ferè cordis affectibus ab atra bile pendentibus conuenit. SEN. In hunc modum fieri docet Mesue:

**R**ecipe pomorū dulcium et aceto sorū, ana. lib. v. Coquatur hic succus, usque ad cōsumptionē medietatis, et postea per duos dies dimittatur quousque clarescat, deinde coletur, et cum tribus libris zuchari fiat syrupus. Hic est simplex syrupus de pomis. Mesue deinde sequentia uerba addit: Sūt qui in succo setam tinclam in

chermes submergant, & hoc est ante depurationem succi,  
 & per tantū temporis ibi tenetur, quousq; rubeat, &  
 recipiat uirtutem tinduræ, tunc enim excellentior est, et  
 magis confortat. B R A. Addis'ne tu setam tindam; in  
 chermes? S E N. Addo, & ita faciunt omnes pharmaco=  
 polæ. B R A. Verum est, sed magno errore, nam seta in  
 Chermes tincta multum aluminis recipit, & aliarum re=  
 rum cordi aduersantium. Ideo hæc seta addenda nō est,  
 ut etiam superius in syrupo de corticibus citri docuimus.  
 Ideo non est addenda eiusmodi seta, præsertim quia à  
 Mesue non additur: sed aliquos addidisse refert. Si au=  
 tem hanc setam imponere cupis, illam ita para, ut in sy=  
 rupo de corticibus citri edocuimus. S E N. Potius dimit=  
 tam. B R A. Dimittas, quoniam modicam imò nullam  
 spem habeo in seta, & in Chermes. Dic autem quæ po=  
 ma sumis pro parando succo? S E N. Et dulcia & aci=  
 da. B R A. Quomodo uulgo appellantur hæc pomorum  
 genera, quæ tu sumis? S E N. Nomina ignoro: sed eo in  
 forū, & poma gusto, quæ illuc uendenda portantur: si  
 dulcia sint, pro dulcibus emo: si acia, p acribus. B R A.  
 Hoc minus malum est, quàm ea sumere quæ ab Arabum  
 imitatoribus sionuntur: ea enim sumunt quæ ipsi muza,  
 id est mediij saporis sua lingua appellant: sed Mesue ex  
 utroq; genere & acri & dulci sumenda censet: nec im=  
 merito, quia dulcia odorata sunt, & cor roborant: acia  
 putredini aduersantur. S E N. Quendam medicum au=  
 diui, qui hūc syrupum ex acidis pomis fieri debere pro=  
 fitebatur. B R A. Ego etiā audiui: sed longe decipieba=  
 tur hic uir: nam ex acidis pomis factus syrupus aliam in=  
 tentionem

tionem habet, ut ex Serapionis Antidotario sumi po-  
 test, ubi ipse hunc syrupum ex acidis malis factum de-  
 scribit: nec dicit passionibus cordis succurrere, sed uen-  
 triculum, atq; uentrem roborare, & uomitum ex bile rea-  
 mouere, & sitim auferre, & eam sedare, nihil autem de  
 corde ponit. Cordi uero odorata conueniunt, ut Galenus  
 in libro de simplicium medicamentorum facultatibus do-  
 cet. Imò Auicenna v. lib. sui canonis syrupum de pomis  
 muzis, id est medij saporis describens, non dicit ualere  
 cordi, sed ad debilitatem uentriculi, & pulsus oris uen-  
 triculi ex caliditate, & uomition cholericam abscindit, et  
 sitim. Nulla autem ratio est cur passionibus cordis non  
 succurrat, nisi quia dulcia poma odorifera nō sumit, que  
 enim inodora sunt, ut acria poma, cordi non succurrunt,  
 uel parum agunt, ut modicus est odor. Imò quia Mesue  
 deinceps de syrupo acetoso de pomis tractabit, quem di-  
 cet confortare stomachū & cor, & sitim sedare. Si quan-  
 doq; illum parare uolueris, poma dulcia & acria sumere  
 debes: quia ratione dulcium odoratorum cordi succurrit:  
 ratione acrium, uentriculo. Illi igitur aberrant, qui uel mu-  
 za poma, id est medij saporis, uel acria accipiunt: sed ob  
 cor odorata poma & dulcia sumenda sunt, & acria  
 per se. Imò suaderem ut maior copia dulcium, quàm  
 acidorum sumatur. Nam & Paulus Ægineta, hydro-  
 malum facit ex pomorum succis, & poma dulcia tan-  
 tum recipit. SENECA. Dic tu quæ poma sumenda sunt?  
 BRASAVOLVS. Multa genera dulcium pomor-  
 um sunt & acidorum: uoluerim ego ut ex dulci & odo-  
 rato fieret, qualia sunt ea poma, quæ nos piola quasi

appia uocamus: & illa etiam quæ Rosa ob colorem, &  
 fragrantiam nuncupamus: suaderemq; ut pro acidis po=  
 mis ea sumerentur, quæ Musona uulgo dicimus, in mam=  
 marum formam oblonga & magna. SEN. Sunt ne an=  
 tiqui de hoc syrupo locuti? BRA. De hoc præcise nun=  
 quam tractarunt, sed de factio ex pomorum succis. Nam  
 Hydromalum. Paulus Aegineta libr. VII. capi. XV. de hydromalo  
 loquens, ex succo cydoniorum facit: postea in fine illius  
 partis inquit esse nonnullos, qui hydromalon ex malis  
 dulcibus similiter composuere. Est autem compositio an=  
 tiqua talis: Malorum concisorum purorum libras quinq;  
 in aque fontis sextarijs decem tantundem elixato, do=  
 nec unum corpus reddatur, postea refrigerato, & cola=  
 to, & mala proijce expresso cremore: aquam uero me=  
 tiens mellis quantitate dimidiam admisceto, & rursus as=  
 sidue despumando donec octaua pars euanescat decoque.  
 SEN. Cur melle usus est Paulus? BRA. Quia anti=  
 quiores zucharo carebant. SEN. Nunc redit in mentem.  
 BRA. Erat & alter modus à prædicto, succi malorum  
 dulcium mundorum contusorum sextarios duos coquito  
 despumans usq; ad tertias, omniaq; una uice simul mixta  
 sint. SEN. Quæ compositio tibi magis apta uidetur,  
 hæc Pauli, an illa Mesue? BRA. Antiquas composi=  
 tiones nunquam despicere audeam: tamen ut ingenue  
 suas laudes unicuiq; tribuam, factio ambarum periculo,  
 Mesue compositio aptius succedit: sed & illa Pauli a=  
 ptior uenit, si loco mellis zucharum acceperit: Vnde si  
 hanc Pauli mensuram sequaris, & ex zucharo parabis,  
 aptiorem syrupum inuenies. Ob hæc autem suadeo ut in  
 syrupo

syrupo de pomis Mesue maior pars sit dulcium & odoratorum pomorum, minor acrium. Appellatur autem syrupus de pomis simplex ad illius differentiam, qui Sabor dicitur, est enim si compositus, tamen cum simpliciter syrupus de pomis ordinatur, absq; aliquo addito, hic intelligendus est: ille autem qui Sabor dicitur, nunquam nisi per eius nomen exprimaturn intelligitur. Verū quia differentiam uideo inter pharmacopolas in cōponendo hunc syrupum savor: propterea dic tu quem paras, ut eius cōpositionem iusto examine perpendere possimus. SEN. Illum paro qui a Mesue in cura manie & melancholie sanguineæ describitur, ubi inquit: Sabor rex Medorum Syrupus de pomis Sabor. syrupus conferens manie & melancholie ex adustione cholerae, cuius descriptio subsequens est:

Recipe succi Buglossæ domesticæ ) añ. lib. ij.

Sylvestris )

Succi pomorū dulciū redolentiū lib. iij.

Folluulorum senæ vnc. iij.

Croci 3. ij.

Zuchari tabarzeth lib. iij.

Fiat autem sic: Sena proijciatur in succos per diem & noctem, post cōtritionem eius: deinde bulliant ebullitione una, aut duabus: deinde cum zucharo fiat syrupus: Crocus autem confricetur in panno in eius decoctione. Hactenus Mesue. B R A. Hic est uerè syrupus Sabor: sed nōnulli pharmacopole Ferrarie pro hoc Sabor decepti alium faciunt, in quo & poma ingrediuntur. SEN. Eum edoceas ( nū tibi molestum sit. ) B R A. Ille est, quem Mesue in capitulo de Soda frigida ab humore melan-

cholico describit. Est autē syrupus Mesui Iuhe, qui multum ualeat in quartana & in omni ægritudine melancholica, & oppilatione splenis: unde non multum differt ab illo Sabor in intentione, sed bene in compositione. Decipiuntur autem putantes esse syrupum Sabor, quia principium illius capitis incipit, Sabor heben Gîrges. SEN. Quæ est huius syrupi descriptio? BRA. Si placet refexam. SEN. Placet. BRA. Hæc est quæ subsequitur:

Recipe capillorum Veneris	)	
Radicum Buglossæ domesticæ	)	
Syluestris	)	
Florum earundem	)	añ. vnc. j.
Polypodij	)	
Epithymi	)	
Foliorum Senæ	)	
Chamomille	)	añ. 3. vij.
Stichados	)	
Chamædryos	)	
Schœnanchi	)	añ. 3. iij.
Hellebori nigri	)	
Fumi terræ		3. vij.
Eupatorii		3. iij.
Succi pomorum dulcium. Contextus cōmuniter legūt		
3. viij. Sed legi debet		vnc. viij.

Itaq; legit contextus meus antiquus, omnia præter Epithymum, & succum pomorum. In libris tribus aquæ bulliant usq; ad duas: deinde epithymus in eo bulliat ebullitione una, & coletur, & cum succo pomorum, & duobus libris zuchari fiat syrupus. SEN. Hic syrupus certe laudabilis

Laudabilis est. B R A. Tamen præscriptum Sabor nuncupatum facere debes qui in roborando corde plurimum ualeat, præsertim cum atra bile afficitur. S E N. Quam zuchari quantitatem in syrupo de pomis sabor ponere oportet? B R A. Diuersæ descriptiones diuersa pondera habent, in summa autem zucharum sit libræ tres, ut superius annotasti, & crocus 3. ij. Ideo semper eodem modo facito, nam cõpositio exquisita euadet. Dic autem, quod à Mesue in fine additur, Crocus autem confricetur in pãno in eius decoctione, quomodo hoc intelligis? S E N. Nos crocum in lineum pannum ligamus rarum, & ebullire facimus. B R A. Optime agis, sed opus est lineum pannum, in quo est, fricare, ut crocus simul confricetur, & subtilior pars exeat, crassior autem abijciatur: imò si actu subtilissime puluerizatus esset, in decoctione ponere non uererer, ut non solum uires, sed & ipsemet actu ingrederetur. Nunc ad alios syrupos accedamus.

## S E N E X.

Syrupus de agresta accedit. B R A. Præstans est, atq; Syrupus de optimus in magnis æstibus ad leuandam sitim, & agresta, inflammationes tollendas, dandusq; est non solum ægris, imò & sitientibus sanis: inflammationi uentriculi plurimum ualeat, & quando bile plenus est, & in biliosis febribus, & in uomitu ex bile: ualeat etiã ad uomitum prægnantium, & ad earundem uentriculos, qui superfluitates facile recipiunt: ualeat & ad malitiam prægnantium, quam greci κίρην uel κίρα, nos picã dicimus. Venenis etiã obstat, ppter ea mirus syrupus est, qui etiã in crassiusculis materiis ob incisionem exhiberi potest: sed dic quomodo illũ parat.



SEN. Eodem modo quo syrupum de acetositate citri, nam accipio succi uuae omphacinae lib. xii. & in uitrea-  
to uase ad consumptionem tertiae partis super prunas,  
igne lento, & cū facilitate decoquo: postea percolo, &  
dimitto, quoad clarificetur, & ex eo quod clarum est lib.  
vii. accipio: & libras quinq; iuleb clarificati & depu-  
rati addo, id est zuchari clarificati libras quinq; & co-  
quatur donec inspissetur. Si uerò aestas fuerit, dimittatur  
in sole donec eius aquositas consumetur. BRA. Fieri nō  
potest nisi in aestate, quia hoc tempore solum & uinum  
omphacium, & uua omphacina habentur. SEN. Imò illo  
modo fiet. BRA. Eodem praecise modo parat, ut ille de  
acetositate citri paratur. SEN. Ita est, Sed miror, quod  
apud antiquos hic syrupus nō inueniatur. BRA. Imò in-  
uenitur, sed ( ut diximus ) zucharum non habebant, pro-  
pterea ex melle confecere. Paulus lib. vii. capi. xv. de  
Omphacomeli. omphacomeli tractat, est autem compositio ex uino om-  
phacio & melle confecta, secundum mensuram ferè à te-  
citatam. Quippe in mensura parum differunt. SEN.  
Quomodo facit suum omphacomeli Paulus? BRA. Au-  
dies, inquit, Accipe succi omphacinae, id est uuae immature  
sextarios tres, mellis sextarium unum, & per xl. dies so-  
li exponatur, aut igne decoquatur. SEN. Certe parua dif-  
ferentia est inter utrosq; nisi in positione mellis & zu-  
chari, in mensura autem rerum parua est. Numerat autē  
Paulus dies expositionis ad solem, qui à Me sue non nu-  
merantur & re uera numerari non possunt, quia in ali-  
qua aestate magis aestuans sol plus consumit, quàm in  
alia in qua sol non ita aestuabit, ideo aquositas citius una  
aestate

*æstate quam alia consumitur. SEN. Nos semper igne lento paramus. BRA. Ita etiam conuenit, sed solis calor magis uniformis est, ideo antiqui, ut plurimum soli expōnentes parabant, quamuis nōnunquam ad ignem coquerent, præsertim cum æstiuum tempus pluuiosum erat: quod tamen raro accidit. Ideo mihi magis placet quod tempus expositionis ad solem præfixum non sit, sed tam diu insoletur quandiu aquositas exicetur. Tria autem à te scire cupio. Primum est, quam uuam omphaciam accipias. Secundum, quo tempore colligas. Tertio, an illico exprimas. SEN. His tribus tibi satisfactum iri conabimur. De uua omphacia respondemus nos electionem non habere, sed eam agrestem sumere, quæ præsentatur, BRA. Hoc non conuenit, sed id omphaciū sumere oportet, cuius matura uua qualitates, quæ syrupo attribuitur, magis habet: Propterea sumendum est omphacium albæ uuæ, quam nos uulgo albanam uocamus. SEN. Ita deinceps faciam: colligimus autem in mense Iulij. BRA. In principio, an in fine? SEN. In fine. BRA. In Iulij mensis medio colligenda est, antequam sit initium maturitatis, & cum iam habet succum: in hoc enim medium seruare oportet, ne deflorescentiæ multum propinqua sit, uel maturitati. SEN. Hoc non obseruabamus. Omphaciam nam uuam uerò à uite demptam per duos dies seruamus, postea exprimimus. BRA. Et hoc agendum erat, ut sua persua quædam humiditas resolueretur. SEN. Nescio autem an cum gariophyllis condire debeam. BRA. Ego cum nulla re condirem. uidi & qui cum Myrobalanis cōdirent, tamen suaderem, ut simpliciter fieret, quamuis &*

Auicenna in v. lib. sui canonis duas Gariophyllorum drachmas simul misceat, & sine zucchero faciat : uel si tu dulcorare uolueris, zucchero addas. Quem syrupum etiã describit Serapio, sed nos Mesuen imitatur, ut pote cum qui syrupum paret omphacmeli antiquorum propinquissimum. Quomodo autem omphacina uua exprimi debeat, omnibus etiam mulierculis notum est.

## S E N E X.

Syrupus de fumo  
mo terra.

**D**E hoc satis dictum arbitror. Ad syrupum de fumo terre ueniamus. BRA. Cum duo sint de fumo terre syrupi, maior & minor, utrosq; ne paratis, an unum solum? SEN. Vnum, maiorem scilicet. BRASA. Nec immerito, quia is obstructions uentriculi, & hepatis magis aperit, & hæc membra magis roborat, & cutis morbos sanat, à falsis & adustis humoribus dependentes, quales scabies, impetigo, serpigo, lepra, morbus Gallicus ita nunc appellatus, quam ille qui de fiano terre minor est. Nunc eius descriptionem assigna.

SEN. Hæc est quæ sequitur, à Mesue ad uerbam accepta:

Recipe Myrobalanorũ Citrinorũ ) añ. nu. xx.

Chebulorum )

Florũ boraginis uel buglossæ Violarũ )

Absinthij ) añ. vnc. j.

Cuscutæ )

Liquiritiæ ) añ. vnc. ʒ.

Rosarum )

Epithymi ) añ. ʒ. vij.

Polypodij )

Prunorum

Prunorum	nu.	c.
Passularum enucleatarum	lib.	℥.
Tamarindorum )		
Cassiae fistulae )	añ.	vnc. ij.

Hæc omnia bulliant in lib. x. aquæ, quousq; perue-  
niant ad lib. tres, & cum succi summi terre cocti & depu-  
rati, & zuchari ana lib. iiii. Fiat syrupus decoquendo  
quousq; eius formam acquisuerit. B R A. In hoc syrupo  
preparando ordinem simplicium ingredientium potissi-  
mum considerare oportet, ratione ebullitionis, quoniam  
aliqua maiorem, aliqua minorem decoctionem patiun-  
tur. S E N. Nos omnia simul una vice miscemus, & ebul-  
lire facimus. B R A. Error grauiſſimus est. S E N. Tu er-  
go ordinem edoceas. B R A. Libenter id faciam. Primo  
polypodium ingredi debet: deinde pruna, passula, gly-  
cyrrhiza, absinthium, posica rosæ, cuscuta, flores bora-  
ginis, post hæc uiolæ, myrobalani, demde epithymus,  
deniq; cassia & tamarindi: Quæ secundum aliquos  
ebullire non debent, quoniam uim raram & debilem na-  
ta sunt. Mihi autem magis placet, quod in fine inijci-  
tur, & una uel altera ebullitione bulliant, ut cum alijs  
commodius uniantur, sicut Mesue in capite decoctionis  
docet. Et si dixeris lenitiua bulliendo humiditatem amit-  
tere: Respōdemus amittere quidē humiditatem acciden-  
talem, non tamen naturalem. Si igitur hunc syrupum  
parare uolueris, hunc ordinem serua, qui subsequitur,  
Facta decoctione, zucharium aqua fontis clarifica, quo  
decoctio & clarificato, summi terre succum adde cum ad  
cocturam syrupi peruenerit: prædicta autem decoctio

pluribus uicibus paulatim addatur, quoad perfectam coctionem habuerit, & hoc modo decoctionis uis non resoluitur: deniq; tamarindi, & cassia iniiciantur, & decoctio in finem ducatur. S E N. Deinceps ita agam: sed quosdam audiui, qui hunc syrupum rosas recipere negāt, & ubi legitur Ros, ipsi exponunt rasē, ut ita sequatur glycyrrhizę rasē. B R A. Hi lōge decipiuntur, tum quia in antiquis Mesuę codicibus legitur rosę, tum quia dicit ana unciam semis. Si autem hęc particula rosę abesset, legeretur liquiritię rasē, ana unciam semis, quod absurdum est: nam hęc particula ana de una re sola dici non potest. Deniq; rosę in hac compositione multum proficiunt, cum ob alia multa, tum ad roborandum, scitoq; boraginis flores sumēdos esse. Interpres addidit buglossę: sed de omnibus simplicibus hic positis in simplicium examine abundē egimus. Hic autem syrupus uim compressiui, solutiui & lenitiui habet, ratione diuersarum rerum ingredientium. S E N. Has res enarra, & statim alium syrupum in medium asseram. B R A. Libenter hoc faciam. Ob myrobalanos, tamarindos, & pruna comprimit. S E N. Quomodo ob pruna comprimit? B R A. Quia pruna sumuntur quę acidum saporem habent: tamen laudem potius ut dulcia pruna, qualia Damascena & Iberica, id est quę uulgo cathalaunica nuncupantur, acciperentur, quia illa atrę bili magis aduersantur, quā quę uulgo siumuntur, & a mense a quo maturantur, & colliguntur, auguslana appellantur. S E N. Debent ne sumi uiridia pruna, an arida? B R A. Si uiridia haberi possint, uiridia sumantur, quia magis leniunt: si autem uiridia

non

non habeantur, quando hoc syrupo indiges, sicca accipito, quia & exiccata leniunt. Ad rem nostram redeunt, ob epithymū, polypodiū, absinthiū, & terræ sumū soluit. Ob cassiā lenit, & tamarindos, & adde pruna, si dulcia sint. SEN. Quæ quantitas huius syrapi uentrem soluere apta est? BRA. Si recenter factus sit, quatuor unciae soluant, moderatè tamen: si non ita recens sit, & in duriori aluo, sex exiguntur. SENEX.

**Q**uid impedit nūc syrupum de absinthio cōfide? Syrupus de rare? BRA. Duæ descriptiones à Mesue fiunt: absynbio.

utram uos paratis? SEN. Primam. BRA.

Eius descriptionem propone. SEN. Hæc est ad uerbum serè quæ subsequitur:

Recipe absinthij Romani lib. ʒ.

Foliorum rosarum vnc. ij.

Spicæ 3. ij.

Vini albi antiqui boni & odoriferi, )

Succi Cotoneorum ) añ. lib. ij. ʒ.

Dimittatur per diē & noctē in uase lapideo, deinde coquatur cū facilitate usq; ad medietatē, & cum mellis lib. ii. fiat syrupus expertus & nobilis. Hæc Mesue. BRA. Syrupus est multis nominibus dignus, quippe uētriculū roborat, & prociduo appetitui cōuenit, uētriculo debiliori succurrit, & quādo intestina mollia sunt, ipsi prodest, hepatis debilitatē remouet, præsertim quādo hæc a causa frigida prouenerint: imo & in causis calidis cōuenit si nōnullus frigidis corrigatur: sed per uas lapideū quid intelligis? SEN. Nos utriatū uas accipimus ex argilla cocta confectū. BRA. Quāuis de hac re

multa cura non sit, tamen per lapideam uas marmorum  
potius accipere oportet, quàm lateritiū, aut figulino ope  
re factum: quippe nomine lapidis apud antiquiores figu  
lina non ueniūt: sed ea solum quæ in montibus prodeūt.

SEN. In hoc syrupo rosæ, spica, & ea quæ modicam  
decoctionē patiuntur, quo ordine poni debent, quia an  
te decoctionem omnia simul infusa sunt? BRA. Scito,  
& sit tibi alta mente repositum, quando infusio per ali  
quod temporis spatium decoctionē præcedit, tunc omnia  
simul infunduntur. Illa uero quæ modicam decoctionem  
patiuntur, suam uim exhibēt rebus infusis, & ita in de  
coctione uis horum seruat, quod non fieret si primo  
infusa non fuissent, sed ab ebullitione inceperent. Cum  
enim bulliunt & non præcedit infusio, tunc ordo seruan  
dus est, ut quæ maiorem decoctionem patiuntur, primo  
inijciātur: deinde quæ minorem: deniq; quæ minimam.

Dic uero, parās ne hunc syrupum ex melle, uel zucharo?

SEN. Ex zucharo quādoq; parau, sed nūc melle utor.

BRA. Non inficior ex zucharo fieri posse, sed & au  
thor ex melle facit, & res ipsa exigit: eo enim in mate  
riis frigidis solum utimur. Si autem materia calida sit,  
frigidis temperamus. Sed dicas cur alium syrupū de ab  
sinthio non paratis, qui à Mesue fit, & simplex est?

SEN. Quia in usu non est. BRA. Ego quādoq; eo  
uterer, quia in aliqua hepatis affectione solo absinthio  
indigeo, & non alijs rebus, tunc hoc syrupo uter.

SEN. Deinceps in tui gratiam parabo. BRA. Imò in  
egrorum gratiam, quibus conueniet, & ego ipsam sy  
rupum de absinthio simplicem appellabo.

SENEX.

SENEX.

**S**yrupus de mentha succedit. BRA. In syrupo de *Syrupus de*  
*absinthio* erant duo syropi, quorum primus erat in *menba.*  
 usu, secundus non est. Contrarium est in syrupo de men-  
 tha. Duo etiam à Mesue scribuntur: sed secundus in usu  
 est, primus autem non est. Et hoc merito, quia secundum  
 inuenit Mesue, & probauit, & primo excellentiorem  
 esse non modo ipse dicit, sed quotidiana experientia cõ-  
 probatur. Est autem optimus ad uentriculum, cum frigi-  
 ditate peccauerit, & uomitus ac nauseas sanat: singul-  
 tus remouet, atq; fluxus uentris à causa frigida. In cali-  
 da etiam uentriculum roborat: nam ad hoc agendum e-  
 gregius est, sed eius descriptionem asseras. SEN. Hæc  
 est quæ sequitur:

Recipe succi Cydoniorum muzorum )

Dulcium )

Succi granatorum acetosorum )

añ. lib. j. ʒ.

Dulcium )

Muzorum )

Supra hos succos iniice menthæ siccæ

lib. j. ʒ.

Foliorum rosarum

3. ij.

Et dimittantur per diem & noctem, deinde coqua-  
 tur cum facilitate usq; ad medium, & cum mellis uel zu-  
 chari lib. ii. fiat syrupus, & aromatizetur cum gallia.  
 Hæc Mesue. BRA. Cur mentham siccam accipitis?  
 SEN. Non accipimus siccam penitus: sed quæ passa  
 fuerit, utpote quæ humiditatem quandam superficia-  
 lem amiserit. BRA. Et eo modo sumenda est. In hoc  
 quoq; syrupo, in his quæ decoquuntur ordo non ponitur,



quia omnia simul per diem & noctem infunduntur. Scitoq; cum apud hunc authorem inuenies per diem & noctem, intellige uiginti quatuor horas: cum autem per diem, aut per noctem, intellige duodecim horas. Sed dic, ponis ne tu galliam ut redoleat? quod uos aromatizare nuncupatis? SEN. Ut ingenue uerum fatear, non pono. BRA. Multi pharmacopole, & Ferrarie, & in tota Italia te sequuntur. Sunt tamen & aliqui Ferrarie, qui redolere faciunt, & qui galliam muscatam Mesue, semper paratam habent. SEN. Ego deinceps parabo, ne quicquam uel necessarium mihi desit. BRA. Recte quidem ages. SEN. Raræ sunt compositiones quæ mentham recipiant, & sicca esse non debeat. BRA. Hoc non mirum quia uiridis flatus excitat, qui uentriculū con-  
 turbant & ledunt: sicca autem uim flatuosam amittit: sed exquisitè sicca non fit, ut superius tu ipse aduertisti. Vnum autem obiter annotare uolo. In aliquibus pharmacorum descriptionibus legi menthæ humidæ: tunc sola uiridis mentha intelligenda non est, sed & ea quæ in pingui & humido solo uiruerit. SEN. Hoc mihi sumè placet à te annotatum esse. BRA. Hoc tibi addā, quando absolute in aliqua compositione mentha ponitur sine aliqua additione siccæ, uel uiridis, siccam semper intelligere oportet. Idem iudicium est de hyssopo, & pluribus alijs, quæ suo loco dicemus. Sed unum est, quod in hoc syrupo perpendendum est, succos esse libras septem & semis, puluerem menthæ esse libram unam & semis, uel mentham ipsam quæ imbibet ferè totam succorum quantitatem. Ideo non poterit ebullire usq; ad medium, propterea

propterea uel succi augendi, uel mentha sicca esse non debet, ne succos imbibat.

SENEX.

**S**yrupus de epithymo, post illum de mētha scriptus Syrupus d. est. BRA. Ego hoc utor, magno etiam presidio in epithymo. scabie gallica, in cancris, in area, in scabie, in occultis uulneribus quæ cauernosa, sinuosa, & fistulosa sunt, in lepra, & in uniuersum in omni morbo ex atra bile adusta facto, & simplici atra bile, & bile adusta: qui si in copia sumeretur, egregie euacuaret. SEN. Quanta est hæc copia? BRA. Quatuor uncie usq; ad sex. SEN. Eodem modo soluit & syrupus de fumo terræ. BRA. Ille de fumo terræ minus soluit. SEN. Est igitur hic syrupus solutiuus? BRA. Solutiuus quidem, quia soluit, sed etiam digerit: propter hoc, quando opus est, ipsum libenter exhibeo, quia simul & soluit, & digerit: quod etiam infusionem senæ facere deprehendimus. SEN. Quæ differentia est, inter hunc syrupum, & illum de fumo terræ? BRA. Ille de fumo terræ minus calidus est, & hic de epithymo magis. Propterea in materiebus calidioribus eo de fumo terræ uti debemus: in minus calidis, illo de epithymo, qui tamen inter se plurimum conueniunt. Cum igitur adustos humores biliosos esse uideo, syrupo de fumo terræ utor. Si autem atrabilarij, aut pituitosi fuerint, syrupo de epithymo utor. Nunc autem eius descriptionem consideremus. SEN. Hæc est quæ subsequitur à Mesue ad uerbum accepta:

Recipe epithymi boni hortensis

3. xx.

Myrobalanorum citrinorum

i 3

Indorum	añ. 3. xv.
Cuscutæ	)
Fumiterræ	) añ. 3. x.
Thymi	)
Calamenti	)
Buglossæ	)
Emblici	) añ. 3. vj.
Bellirici	)
Liquiritiæ	)
Polypodij	)
Agarici	)
Stæchados	)
Rosarum	)
Seminis fœniculi	) añ. 3. ij. ʒ.
Anisi	)
Prunorum	nu. xx.
Passularum enucleatarum	vnc. iij.
Tamarindorum	vnc. ij. ʒ.
Zuchari	lib. iij.
Rob, id est sapæ	lib. ij.

Fiat syrupus. Hæc Mesue. BRA. In hoc syrupo am-  
biguitas non mediocris est de ebullitione simplicium, in  
quanta aquæ quantitate ebulliri debeant: equidem puta-  
re non oportet, Mesuen in duabus libris Rob ebullire  
uoluisse, quia fieri non posset. SEN. Primo in aqua e-  
bullimus, & exprimimus: deinde Rob addimus. BRA.  
Sed quantam aquæ quantitatem sumis? nam à Mesue  
non exprimitur. SEN. Sine pondere accipimus, ut no-  
bis uidetur, & omnia simplicia in tantam aquæ quanti-  
tatem

tatem infundimus, quanta sufficit : ut aqua simplicibus superemneatur itaq; per diem dimittimus, postea decoquimus, & exprimimus. BRA. Ergo prius infunditis tamen à Mesue non dicitur infundi debere. SEN. Ita semper facimus. BRA. Et ita semper erratis, quia sine ordine ponitis quæ maiorem decoctionem patiuntur, & quæ minorem, & quæ ferè nullam, ubi ordo seruandus est. SEN. Modum igitur, quo operari debeam in hoc syrupo edoceas, ne deinceps errem. BRA. Faciam si aures accommodabis. SEN. Iam accommodatas habes. BRA. Credendum est hic Mesuen, & aquam, & aquæ quantitatem omisisse, quia supponit sumendam esse, & posse sumi ex aliquo superiori syrupo. Inter prædictos autem syropos ille de fumo terræ maior huic magis affinis est, quàm aliquis alter, & hoc non solum uiribus, sed & compositione. Ideo ex illo per similitudinem aquæ quantitatem sumendam puto. Sint ergo libræ decem aquæ, in qua fiat decoctio, adeò ut tres libræ remaneant. Ordo autem rerum quæ ingrediuntur hic sit, ut primo polypodium & agaricum ponantur, deinde pruna, passule, glycyrrhizæ, feniculi, anisa, stoechas, fumus terræ ingrediantur : postea rosæ, cuscuta, buglossa. Inde Myrobalani absque nucleis : denique epithymus. In una autem decoctionis parte tamarindi dissoluantur, & zucharum cum Rob positum bulliat, & cum fuerit ad spissitudinem mellis decoctio paulatim addatur, & in fine injiciantur tamarindi in illa decoctionis parte dissoluti, & una uel duabus ebullitionibus bulliant ad spissitudinem syrupi : nempe

tamarindi parum bullire debent. SEN. Quid intelligis per unam uel per duas ebullitiones? BRA. Tibi nunc aperiam: puto autem te scire cur simplicia ebulliamus. SEN. Nec istud perfecte scio. BRA. Per ebullitionem, simplicium uires excitantur, & melius in liquorem in quo decoquuntur, suas uires imprimunt. Appellatur autem una ebullitio, cum ebullire incipit, quousque simplicia sursum & deorsum semel reuoluantur. Cum uero bis, due ebullitiones sunt. Vnde cum tamarindos iniicis, tali hora iniicito quod una uice agitādo, aut ad summum duabus syrupus decoctus sit. SEN. Mesue dicit hunc syrupum ualere ad Saphati, per hoc uocabulum quid intelligere oportet? BRA. Id quod Græci dicunt ἀχῶρας. Vides igitur eos qui dicunt quindecim libras aquæ, sumendas errare. SEN. Cur hortensum epithymum accipit? BRA. Quia syluestris & montanus nimis sicci sunt. Sed nō quærimus tantam siccitatem, quia materiabus adustis aduersari debet.

SENEX.

Syrupus de eupatorio.

**I**gitur syrupū de eupatorio examinare incipiemus. BRA. Si eius descriptionē propones, de illo statim loquemur. SEN. Mesue in hunc modum habet:

Recipe Radicum apij	)	
Fœniculi	)	añ. vnc. ij.
Endiuæ	)	
Liquiritiæ	)	
Squimanti	)	
Cuscutæ	)	añ. 3. vj.
Absinthij	)	

Rosarium

Rosarum	)		
Capillorum ueneris	)		
Bedeguar	)		
Suchaba	)		
Florū buglossæ, aut radicū eius	)	añ. 3. v.	
Anisorum	)		
Fœniculorum	)		
Eupatorij	)		
Raued	)		
Masticis	)	añ. 3. iij.	
Spicæ	)		
Assari	)	añ. 3. ij.	
Folij	)		

Coque in libras octo aquæ ad consumptionem tertie partis, & cum libris quatuor zuchari fiat syrupus, cum succi apij, & endiuæ quâtitate sufficienti. Hæc Mesue. BR A. Syrupum excellentem quidem proposuisti: sed talem, qualem nos facturos non credo, est enim optimus syrupus in longis febribus, præsertim cum uires concoctrices, & iecoris, & uentriculi corruptæ sunt, & ad hydropi præparantur. Valetq; ad καχέξις, id est malum habitum & ad cacoëthe. Si etiam in uêtriculo & iecore flatus sit, eo dissoluitur. Si hæc mēbra ualde frigida sint & ferè debilitate confecta, hoc syrupo reficiuntur. Ad tensionem hypochondriorum ualet, & ad dolorem eorundem, & ad confirmatum iam hydropem. Equidem dignus est multis nominibus syrupus, sed adeò difficilis factus ut an fieri possit plurimum dubitem, ob simplicium, quæ ingrediuntur difficultatem. SEN. Si omnia simpli-

cia haberentur, quo ordine incederes? B R A. Ordinem continuo seruandum fequerer, ut primo quæ maiorem decoctionem fufinent, inijciantur: deinde, quæ minorem: deniq; quæ minimam. S E N. Modum enarra. B R A. Primo radices apij, endiuie, bedeguar, & fuchaha ingradientur. Secundo anifi femen, & fœniculi. Tertio fquinantium. Quarto abfinthium & eupatorium. Quinto mafliche. Sexto affarum. Septimo fpica. Octauo cufcuta & flores bugloffæ, & capilli ueneris. Nono raued, & hoc fit in fine decoctionis, quoniam hoc per uiam infufionis potius, quàm per uiam decoctionis poni debet, ut magis operetur. S E N. Tuum ordinem iam accepi, fed mirum eſt cur hic ſyrupus de Eupatorio dicatur, cum minimam portionem Eupatorii recipiat. B R A. Verum dicis, tamen quia omnia alia ſimplicia alios ſyru-  
pos ingrediuntur, ab Eupatorio denominationem accepit, tanquam ab eo quod ſyruporum compoſitiones raro ingreditur. S E N. Quæ ſunt illa, quæ in hoc ſyrupo parando tibi difficultatem pariunt? B R A. Ab eo quod ſyrupo nomen dat, incipiam, Eupatorio inquam. Quid pro eupatorio ſumis? S E N. Eupatorium uulgare non accipio, ſed id accipio, quod uulgo agrimonium nuncupatur. B R A. Equidem in omnibus antiquorum compoſitionibus quas Eupatorium ingreditur, ſi ex antiquis ſumptæ ſint, agrimonium uulgare accipere conuenit, & tu id agens optimè facis: quia (ut in examine ſimplicium late patet) eupatorium antiquorum, eſt noſtrum uulgare agrimonium. Tamen ubi Meſue eupatorium ponit, dubito an agrimonium ſumere debeas, quia  
Meſue

Mesue eupatorium ab antiquorum eupatorio diuersum esse uidetur. In Mesue autem compositionibus, Mesue Eupatorium simplicibus utor : Sed eupatorium Mesue uulgare Eupatorium, & non agrimonium esse uidetur. SEN. Errabam igitur in hac compositione agrimonium sumens, sed cum uiris summis errabam. BRASA. Tuo arbitratu errare poteris, nam Agrimonium uulgare, quod est antiquorum, & Dioscoridis eupatorium, iocinerosis quidem ualet: sed illis passionibus ualere non uidetur, quibus Mesue Eupatorium succurrit. SEN. Ego igitur in hac re sum anceps. BRASAVOLVS. Et nos te hoc fasce leuabimus. Non desunt medici, qui Mesue eupatorium aliud esse ab antiquorum eupatorio iudicarent. Tibi autem dicimus, si pro eupatorio aut Mesue aut antiquorum uulgare Agrimonium sumes, nunquam errabis, quoniam & Mesue eupatorium est nostrum uulgare agrimonium, si eius descriptionem consideres. Illique decipiuntur qui Mesue eupatorium, uulgare eupatorium esse iudicarunt : nam Mesue cum Dioscoride in eupatorio conuenit. Constat autem Dioscoridis eupatorium, Mesue eupatorium esse: quippe Mesue dicit, est herba longitudinis cubiti : Dioscorides autem esse herbam cubitalem, & aliquando ampliorem scribit. Addit Mesue, multæ amaritudinis, quod non ponit Dioscorides. Addit etiam Mesue, cuius folia sunt sicut centaureæ minoris uiridia. Nec istud ponit Dioscorides, tamen uerum est. Quæ autem à Mesue dicuntur de eius folijs, quod sunt aspera, incisa, & stipes eius est subtilis, hæc à Dioscoride



annotantur: etenim dicit folio per interualla inciso, prius autem dixerat hirsuto : quod est esse asperum. Dixerat etiam tenuis scapi, ut non uideatur dubitandum, Mesuen Dioscoridis eupatorium, quod est agrimonium uulgare, uoluisse describere, sed id quàm barbare fecit. S E N. Igitur conueniens fuit agrimonium accipere. B R A. Et conueniens fuit, & erit, si illud semper accipies. S E N. Vehementer turbabar si alia herba erat, & nemini credere incipiebam. B R A. Esto igitur bono animo, & reliqua prosequamur. In fine syrupi dicitur, & cum succi apij, & endiuie quantitate sufficienti fiat syrupus, quantam succorum quantitatem accipis? S E N. Ego sine pondere accipio: potest autē esse cuiuslibet succi libra una. B R A. Ita etiam alij pharmacopolæ faciunt : sed ( ut ostendemus ) errant, nam tibi demonstrare potero determinatā quantitatem sumendam esse. S E N. Tibi plurimum debebo, nam omnes ferè sine ordine, & sine pondere succum iniiciunt. B R A. Audies igitur. Cum Mesue dicit succos ponendos esse quantitate sufficienti, credendum est, aliquo loco hanc quātitatē indicasse. Ideo locum querere oportet, ubi succorum quantitatem, quando in fine cum zucchero ponuntur edocuerit. Si autem considerabis syrupum de fumo terræ maiorem, inder regulam accipiendorum succorum accipi posse cognosces. Nam eo loco tantam quantitatem succi depurati accipit, quantam zuchari. Ideo & hoc loco tanta quantitas succorum depuratorum accipienda est, quanta zuchari. Ideo illi errant, qui uolunt hic accipi tres libras succorum, quia & ibi tres libræ succorum accipiuntur : nam illic tres libræ zuchari

chari sumuntur: ideo & tres libræ succorum accipiuntur. Verum cum hic quatuor libræ zuchari recipiantur, etiam quatuor libræ succorum recipi debent. Hi autem errant qui uolunt quatuor libras utrorumq; accipere, nā pro quolibet succo tantum duas libras sumere oportet, ut duæ libræ succi apij, & duæ libræ succi endiuæ sumantur: quatuor enim libræ uniuscuiusq; zucharum nimis superant: quod Mesue in suis compositionibus facere non consuevit. SEN. Certè hæc est conueniens regula. Accipiam igitur depuratum succum, & simul cum zucharo clarificato decoctionem paulatim addens ebullire faciam. BRA. Semper ita agendum est, præsertim ubi per decoctionem fiunt, & non præcedit infusio. Sed aliud quoq; me angit, solum hanc compositionem ingredi, tamen non habetur, uos autem, illius loco quid ponistis? SEN. Ego semper usus sum duplum spicæ pro folio ponere. BRA. Vtinam ueram nardum haberes, sed duo à Paulo Ægineta pro malabathro, id est folio in eius defectu sumi possunt. Vnum est, Indica nardus à uobis spica nuncupata: sed nardus nostra ex India non afferatur. Aliud est, cassia, quam nos canellam uocamus. In hac magis certi sumus: ideo pro malabathro canellā inijcias. Cum autem Venetij pro malabathro garyophyllorum folia uendant, non uereor folij loco garyophyllorum folia sumere, quoniam & hæc folia in hac compositione ad omnes intentiones ad quas ualet efficaciam habent. Nec etiam mihi displicet, quod eius loco macis ponatur, & hoc est Arabū inuentum. Nempe Auicenna secundo libro, capi. c c l i x. cum folium deficit, macis sumi iubet.

Folij loco quid  
sumendum sit.

Dicas autem pro Bedeguar & Suchaba quid accipis?  
 S E N. Tibi ingenue uerū fatebor, Pharmacopolas adeo  
 uarios uidemus, ut horum loco nihil injiciam. B R A.  
 Omittis igitur? S E N. Omitto uolens, ne aliquid acci-  
 piam quod compositionem peruertat, & ab eius uniuersa  
 intentione discedat. B R A. Res equidem est, quæ  
 diu pharmacopolas agitauit. Nam superioribus annis  
 fructum syluestris rosæ, id est echinum illum qui in roseis  
 concreuit, sumere consueuerunt, & nunc etiam alia  
 qui seruant. Alij carduum ipsum accipiunt, alij rubum.  
 Sed nunc carduum uulgò benedictum nuncupatum ma-  
 ior pars accipit. S E N. Tu autem quid sumendum iudi-  
 cas? B R A. Si in primis quid sit Bedeguar apud anti-  
 quos discutiamus, eius loco quid sumendum sit uidebis.  
 S E N. Hoc lubentissime audiam. B R A. Serapio x c i x.  
 capite libri de simplicium medicamentorum facultatibus,  
 de Bedeguar tractauit, Dioscoridemq; ita dicentem ad-  
 ducit: Nasitur in montibus Zagial, & habet folia simi-  
 lia chamæleontæ albæ, nisi quia sunt strictiora & albi-  
 ora, & super ea est simile horræ, & sunt spinosa, & ha-  
 bet stipitem longum duobus brachijs, in grossitudine di-  
 giti pollicis, uel plus: color eius est uergens ad albedi-  
 nem, & super summitates eius sunt capitella spinosa si-  
 milia ericio marino, nisi quia sunt minora & oblonga,  
 & flos eius est coloris purpurei, & semen eius est simi-  
 le grano chartami, nisi quia est rotundius. Hactenus Se-  
 rapio. Audias modo Dioscoridem de alba spina differen-  
 tiam, non dico autem de spina alba, ut recentes faciunt,  
 sed de Alba spina. Nam & Manardus deceptus  
 est,

est, λυκοκάνθαμ Dioscoridis esse putans, cum sit ἀκανθα  
 λυκή, cum enim dicimus λυκοκάνθαμ, fruticem intelligi-  
 mus aculeatum, cuius copiam in nostris sepibus, & fo-  
 ueis habemus, flores albos, odoratos parientem; aut ge-  
 nus cardui aculeatum & quadratum, quod non est Be-  
 deguar. Cum uerò de acantha leuce, id est spina alba lo-  
 quitur, est bedeguar Serapionis. Quod manifeste appa-  
 ret, si Dioscoridem Serapioni compares. Serapionis uer-  
 ba audiuiſti : nunc Dioscoridi eadem dicenti attendas.  
 Nascitur, inquit, in mōtibus, syluosisq; locis, folia habēs  
 chamæleontis albi similia, uerum angustiora candidio-  
 raq; subhirsuta, spinis infesta, caulem binos cubitos ex-  
 cedentem, pollicari crassitudine, uel ampliore, subalbi-  
 dum, & inanem : cacumini echinus insidet, a marmo  
 differens magnitudine, sed oblongus, flore purpurco  
 continente semen, quale cnici, rotundius. SEN. Nunc  
 idem præcise esse apud Serapionem Bedeguar, quod  
 apud Dioscoridem spina alba, facile deprehendi : quid  
 autem sit, ignoro. BRASAVOLVS. In Mutinen-  
 sibus montibus, Regiensibus, & Bononiensibus ui-  
 ret, & in aliquo loco Ferrariensis agri asperiore, ego  
 tibi oculis ostendam. SEN. Gaudebo plurimum &  
 tibi ingentes gratias habebo. Audiui in Hetruiria rusti-  
 cos ad coagulandum lac eius flore uti. BRASAVO.  
 Hoc quidem non uidi, quamuis per Hetruiriam equita-  
 uerim & multa obseruauerim, sed bene audiui, & eius  
 flores ad me mittentur hac æstate. Vidi tamen floribus  
 uerbasci idem effici in eadē Hetruiria. SEN. Ad suchaba  
 transcamus. BRA. Suchaba Serapionis spinā Arabicam

Dioscoridis esse putatur: plura tamen à Serapione de spina Arabica secundum Dioscoridem scribuntur, quàm ab ipso Dioscoride dicantur, fortè Serapio in suo Dioscoridis lib. tot habebat, quæ ab aliquo interprete scripta erant: quod autè à Serapione plura descripta sint, quàm à Dioscoride dicantur, manifestum fiet, si Serapionem audies secundum Dioscoridem ita scribentem: *Natura huius herbæ secundum quod existimo est prope naturam Bedeguar, & est stiptica, & semen eius est fortius satis, & confert relaxationi uulvæ, & fluxibilitati ani, & conglutinat ulcera, quoniam stipticitas eius est pauca sine superfluitate, & radix eius confert cursui humiditatum antiquarum matricis, & fluxui nimio menstruorum, & sputo sanguinis à pectore, & alijs fluxibus humiditatum corporis.* Hæc Serapio secundum Dioscoridem. Sed tu modo Dioscoridem audias ita dicentem, *Spinæ albæ natura uidetur esse: hoc est id quod Serapio dicit, est prope naturam Bedeguard.* Sequitur Dioscorides, nam & ipsa spissat, stringitq; guttantia, mensium abundantias, sanguinis excreatus, & alias fluxiones etiamnum radice ualens. Nasquitur in asperis. S E N. Idem re ipsa cum Serapione dicit, sed Serapio magis ampliat, uel sermo Arabicus non est ita breuis. Habes autem aliud testimonium quod hæc sit, si ea legas quæ idem Serapio secundum Galenū de suchaba scribit, Inquit enim: *Hæc herba est similis plantæ Bedeguard, nisi quia uirtus eius desiccet & stipticat plus eo, & fructus & radix eius est fortior res quæ sit in ea, & ideo radix eius confert nimio fluxui menstruorum, & confert in omnibus ægritudinibus, quibus*

bus confert Bedeguard, & fructus eius & radix confert apostemationi uulue et apostematibus ani, & radix eius incarnat ulcera, quia in ipsa est uirtus consolidatiua cum temperamento. Hæc Serapio de suchaha secundum Galenum. Nunc Galenum audies de *ἄκανθα* Ægyptia eadem tertio lib. de simplicium medicamentorum facultatibus præcise dicentem, in hunc modum exorsus: Acantha Ægyptia, quidam Arabicam uocant, similis autem est albæ spinæ nostrati, uerum facultate ualidior adstringente pariter, & desiccante. Itaq; profluuium muliebri radix eius iuuat, & alia quibus auxilio est, quæ apud nos nascitur spina: sed efficacius tamen omnia adiuuant, tum radix, tum fructus, sic uero & columellæ prodest, & ijs quæ in sede inflata sunt, tum ulcera ad cicatricem ducit, mediocrem habens, & non molestam adstrictionem. SEN. Idem præcise de suchaha dicit, quod Galenus de spina Arabica, uno dempto. BRA. Quale hoc est? SEN. Cum Galenus scripsit prodesse columellæ, Serapio refert prodesse uulue. BRA. Deprauatus est Serapionis contextus, à librario parum perito, nempe legi debet uulue, quia hi Barbari uululam appellant, quam Latini columellam dicunt. SEN. Ita certe legendum puto. BRA. Auderem ego infinitos Arabum errores emendare, & conciliare, Græcis authoribus confutando. SEN. Nunc scio Arabum suchaha esse Arabicam spinam antiquorū. Cuperem autē ut mihi illam ostenderes, & quid accipiendum sit edoceres. BRA. Multi decipiuntur, qui hanc spinam arbusculam in Arabia esse putant qua fiat Acatia, sed longe decipiuntur, quia her-

ba est, aspectu similis nostræ albæ spinæ, tantum uer<sup>o</sup> differt quia in Arabia nascitur, ut propter solum efficaciores uires habeat: sed quia haberi nō potest, uel saltem facile, propterea pro suchaha Bedeguar sumere collaudarem, quia has duas herbas idem esse arbitror, & tantum solo, quo nascuntur, differant: hoc enim apud nos, id apud Arabes nascitur. SEN. Igitur eam spinam albam accipiam pro suchaha, & bedeguar, quam mihi ostendes. BRA. Si ita feceris, non errabis. Sed unū est quod me uehementer angit, nam huius syrupi intentionem considerās, quæ est aperire, reserare, et potius soluere quàm stringere, & deinde uires harum herbarum perpendēs, quæ sunt prædictis oppositæ, nēpe adstringere, obstruere, & fluxiones remouere, statim suchaha, et Bedeguar in suspicionem mihi uenere, quod in hoc syrupo poni non debeant, qui est aperitiuus, & fluidum facere debet. SEN. Fortè ob uentriculum ponuntur, cui stiptica conueniunt, quando eius formam amiserit. BRA. Et in hoc opus est obstructions aperire. Ideo uaria Mesue uolumina euoluere cœpi, ut experirer an in omnibus ita scriptum inueniretur. Omnia quæ incidi, hæc duo habebant. Bedeguar, suchaha, quæ tamen in hac compositione mihi suspecta sunt. Ideo ne in hoc syrupo essent contra pugnancia absq; utilitate, uel illorum loco nihil ponerem, aut aperientia acciperem, nisi quis dicat poni ad roborandum, quod uanum est. Illosq; non arguo qui Cardium benedictum, uulgo appellatum pro his ponunt. SEN. Quid igitur in tanto discrimine facere oportet? BRA. Quod lubuerit facito: si autem pro me, id est pro meis

meis aegris parabis, loco horum duorum suchaba scilicet  
 & Bedeguar, sabinam & polypodium miscito. SEN.  
 In tui gratiam ita paratum habebo. BRA. Habeto. Alij  
 suo modo confectum uelint: scito etiam cum Raued ab=  
 solute scriptum inuenies, Rhabarbarum semper intelli=  
 gere oportet. SEN. Nunc pro hoc syrupo mihi in men=  
 tem uenit, quosdam esse, qui à syrupo bisantino succo=  
 rum proportionem accipiunt. BRA. Quantam acci=  
 piunt? SEN. Sicut in syrupo bisantino sunt quatuor li=  
 bræ succorum & zuchari libræ duæ & semis, ideo pro  
 omni zuchari libra, debent poni succi depurati unc. xix.  
 3. j. scrup. j. gra. xvj. BRA. Est nimia succorum quan=  
 titas: potius sume tu ex illo de fumo terræ, qui fit ex de=  
 coctione & succis, sicut etiam iste fit: syrupus autem bi=  
 santinus fit solum ex succis, ideo inter istum, & Bisan=  
 tinum nulla est proportio, sed magna est inter istum &  
 illum de fumo terræ. SEN. Hic discursus mihi summè  
 placuit. BRA. Imò hoc erat summè animaduertendum  
 quia in hoc adest decoctio & succus, ideo ab uno regu=  
 la sumenda est, qui decoctionem & succum recipiat, &  
 non ex uno, qui solū decoctionē recipiat, uel solos suc=  
 cos. Tu autē omnes syropos contempleris, cognosces nul=  
 lum esse huic magis proportionatum illo de fumo terræ.  
 Dic autē quis ille fuit, qui hanc proportionem ex syrupo  
 bisantino accepit? SEN. Vnus est ex nostris satrapis à  
 cuius nomine abstinere decreui. BRA. Viuit ne? SEN.  
 Diu est quod desideratur. BRA. Igitur neminē offen=  
 des, quia hominū uerbis, mortuorū manes non læduntur.  
 SEN. Est libellus Lumen Apothecariorum, inscriptus.



**BRA.** Certe uir ille uituperandus non est, quia sua etate in adiuuanda hac arte pro facultate laborauit, & ingenium suum (ut illa etas patiebatur) exercuit. Illos enim obtorta conscientia affectos puto, qui illos calumniatur, qui mortales adiuuare conati sunt, uel feliciter, uel infeliciter successerit: si quidem feliciter iuuerint, laude digni sunt: si infeliciter, corrigendi sunt, & errores detegendi, non tamen conuicijs iritandi. **SEN.** Et hoc semper probi uiri officium esse existimaui, neminem ledere. **BRA.** Hoc non solum uir probus agere debet, sed etiam eius animus ita inclinatus & affectus sit. Nunc syropos alios perpendamus.

**SENEK.**

*Syrupus de liquiritia.*

**Q**ui succedit, syrupus de liquiritia appellatur. **BRA.** Magnus est eius usus in pleuritide, in antiqua tussi, ad mundificandum pectus & pulmonem, sed eius conficiendi modum examinemus, enarra simplicia, & eorum quantitatem, ut ab authore scribuntur. **SEN.** Ita Mesue ad uerbum ferè dicit:

Recipe liquiritie	vnc. ij.
Capillorum ueneris	vnc. j.
Hyssopi sicce	vnc. ʒ.

Super hæc projice aquæ libras quatuor, & dimittatur per diem & noctem, id est uigintiquatuor horas, deinde coquantur usque ad mediâ partem, postea super hæc projice

Mellis	) añ. 3. viij.
Zuchari	
Penidiarum	
Aque rosate	vnc. vj.

**Fiat**

Fiat Syrupus, id est bulliant ad cocturam Syrupi, & quando opus est administretur. BRA. In huius Syrupi compositione nihil ambigui accidit, nisi cum dicit siccam hyssopum, noli intelligere extremè siccam, sed que in superficie humiditatem amiserit: nec opus est secundū maiorem & minorem decoctionem simplicia iniicere, quia prius infunduntur. SEN. In uno solum recentes ambiguitatem faciunt, cum hic Syrupus aperire, & dilatare debeat cur aquam rosaceam recipiat: unde & ego & multi alij pharmacopolæ, medicorum etiam suasu aquam rosaceā omittimus. BRA. Re uera omittenda non erat, quia partes pectoris relaxatas roborat, & uim expultricem fortiolem reddit: quod siccitate, & stipticitate quadam fit, que tamen modica sit ratione aliarum rerum ingredientium. Ideo aquam rosaceam semper iniicias: nec debet medicus uereri in morbis pectoris modicè adstringentibus uti, præsertim cū ab aperientibus superantur. Ideo & illi summè errāt, qui in morbis pectoris rhabbarum exhibere nolunt, & qui ob aquam rosaceam compositionem Manus christi appellatam prohibent, et plura similia, in quibus inspiciendum non est, quia potius prosunt, quam obesse possint. Imò, si omnia simplicia, & omnia composita consideremus, nihil est adeò perfectum, quin aliqua ex parte notari possit.

## S E N E X.

**H**is omiſſis ad Syrupum de hyssopo descendamus. Syrupus de BRA. In Mesue etiam hic sequitur, & non præ hyssopo. ter rationem: nam ad morbos pectoris, ad tussim, ad pleuritum, ad dolores corporis, ad asthmata efficacior est,

quàm is de glycyrrhiza prædictus. Tu autem eius compositionem edisseras. **S E N .** Hæc est apud Mesuen:

Recipe byssopi sicca	)	
Radicum apij	)	añ. 3. x.
Fœniculi	)	
Liquiritie	)	
Hordei mundi		vnc. 6.
Seminum Malue	)	
Dragaganti	)	añ. 3. iij.
Seminum cydoniorum	)	
Capillorum ueneris		3. vj.
Iuiuba	)	
Sebestem	)	añ. nu. xxx.
Passularum enucleatarum		3. xij.
Ficum siccatum	)	
Dactylorum pinguum	)	añ. nu. x.
Penidiarum albarum		lib. ij.
Fiat Syrupus.		

**B R A .** Simplicia quæ hunc syrupum ingrediuntur, in nostro simplicium examine perpenſa ſunt, & ſuperius diximus quid per ſiccam byſſopion intelligere oporteat: nec opus eſt dubitare, quid per alba penidia intelligendum ſit, nempe illa intelligimus, quæ ex ſacharo albo facta ſunt. Quod uero dubium ingerit eſt, quia ſi huius ſyrupi ſimplicia miſceantur, emplaſtrum fiet: nam Meſue non dicit uel in aqua bulliendo, uel in alio liquore. **S E N .** Subintelligere opus eſt, quia in pluribus alijs ſyrupis aquæ quantitatem poſuit, in qua fit decoctio: ideo non eſt opus ut ſemper ponat, ſed diligens le-

ſor, &

flor, & pharmacopola plerunq; ex alijs syrupis elicere  
 debet. BRA. Optime sentis, sed quantam aquæ quan-  
 titatem sumis, ut hæc simplicia ebulliant? SEN. Per  
 pondus certam mensuram non habeo, sed simplicia in  
 uas pono, & tantam aquæ quantitatem inijcio, quod sim-  
 plicia tegantur, & aqua pollicari quantitate superemi-  
 neat. Itaq; per aliquot horas relinquo, postea ad consum-  
 ptionem medietatis ebullire facio, deinde excolata de-  
 coctione penidia addo, & ad formam syrupi reduco.  
 BRA. Non modo tu, sed & cæteri pharmacopole ita  
 operantur, sed duplex error hic est: primo, quia non sem-  
 per idem syrupus erit, quia decoctio quandoq; maior,  
 quandoq; minor euadit: secundo, quia eodem tempore  
 omnia in decoctionem ponuntur, tamen sunt aliqua, quæ  
 maiorem decoctionem, aliqua minorem patiuntur. Nec  
 opus est fugias primo infundi, quia infundi non debent  
 quando ab authore non specificatur infusio. SEN. Ab  
 omnibus ita fieri uidimus. BRA. Et omnes sine regula  
 agunt. SEN. Hoc, est ne sufficiens causa ut syrupum im-  
 mutet? BRA. Tantum immutare potest, quod uires  
 æquæ perfectæ non sunt in uno qui magis decoctus sit,  
 & in uno qui minus. SENEX. Datur regulam in qua  
 nunquam errare possum. BRASAVOLVS. In  
 omnibus syrupis certa regula assignari non potest, sed  
 in unoquoque syrupo sua exhibetur: quoniam (ut in  
 syrupo de stoechade scriptum reliquimus) simpli-  
 cia, quæ ingrediuntur, ea sunt, quæ magis & minus aquæ  
 recipiunt: si arida uel uiridia sint, si muosa uel non,  
 si mollia uel dura. Ideo in omni syrupo sua aquæ

portio statuta esse debet. SEN. Quantam in hoc syrupo inijcies? BRA. Nunc tibi ostendam, si hanc compositionem consideres, in ea paucissima sunt, quæ multum aquæ imbibere possint: ideo multa aquæ quantitate non indiget: imò si experiaris, octo libras aquæ satis esse deprehendes, & decoqui quousq; tres libræ relinquantur, postea exprimantur, & cum penidijs ad formam syrupi iterum bulliant. SEN. Sed quem ordinem in decoquendo seruare oportet? BRA. Primo passulæ, ziziphæ, sebesten, ficus, dactyli, radices apij, & fœniculi ingradientur: deinde hordeū, semen maluæ, semina cydoniorum: deniq; tragacanthum, hyssopus, & capilli ueneris. SEN. Nullus est inter nos, qui hoc modo paret. BRA. Ideo nullus est qui recte operetur. Notaq; hunc syrupum dactylos, & cydoniorum semina ingredi, quæ aliquam adstrictionem illi præstant, sed leuissimā: propterea adstringente aliquo uti licet, ubi etiam a pertione indigemus ad confortandum & roborandum. SEN. Quir istud nunc iterum repetis? BRA. Quia in magnorum uirorum mentibus insertum est, ut nec compositio Manus Christi dicta, in dispositionibus pectoris ob aquam rosaceam, quæ ingreditur, exhibeatur. SEN. Tamen superius in syrupo de Eupatorio, qui plurimum aperit, iubebas suchabæ, & Bedeguar abijcienda, quia adstringentia sunt. BRA. Id faciebam, non quia adstringentia, sed quia nimis adstringentia: imò ad reprimendam uim fortium medicaminum adstringentia miscemus, sed non uehementer adstringentia: qualia illa sunt, quæ syrupum de Eupatorio ingrediuntur, in quo  
nihil

nihil est quod uehementem uim habeat. SEN. Hoc mihi  
 satis est. BRA. Scito præterea multos de hyssopo syru-  
 pos à Mesue poni, ubi de tussi pertractat, qui omnes ab  
 hoc distincti sunt. Tu solum isto uti debes, cuius per to-  
 tam Italiam publicus usus est.

## SENE X.

**R** Ari sunt, qui syrupum de prassio Ferrarie parēt: Syrupus de  
 tamen quia ab aliquibus fit, & in usu est apud il- prassio.  
 los, ideo ipsum adducere non grauabimur. BRA. Miror  
 quod omnes non parent: nam cum syrupus de hyssopo  
 non sanet, opus est ad syrupū de prassio deflectere: nam  
 antiquæ tussi, & ægitudinibus longioribus pectoris  
 plurimum succurrit, & materiam crassam & glutinosam  
 habentibus, & antiquis uiris asthma patientibus, præser-  
 tim à pituitoso humore, crasso, putrido, & difficulter so-  
 lubili. SEN. Ad eadem igitur ualeat ad quæ syrupum de  
 hyssopo ualere dicebas? BRA. Ad eadem omnino, sed  
 efficacius. SEN. Est ergo in pectoralibus syrupis ali-  
 quis ordo. BRA. Imò perfectissimo ordine incedunt:  
 quamuis plures (non quidem medicorum, sed qui me-  
 dentur: quippe differunt Medicus, & qui sine arte ar- Syruporum pe-  
 tem exerceat) id ignorent. Cum enim materia uel cali- etoraliū ordo.  
 da, uel ex calido & frigido mixta est, quia in principio  
 calida materia magis agit, propterea à syrupo uiolato  
 incipiendum est, Cum ægritudo procedit, ad syrupum de  
 capillis ueneris transco. SEN. Ego hunc syrupum nun-  
 quam uidi uel audiui. BRA. Nunc audiui, & dein: eps  
 uidebis. Syrupus est, quem parari facio, inter uiolatum,  
 & illum de glycyrrhiza medius, cuius descriptionē post

hunc de prassio prosequamur, à syrupo de capillis ueneris, ad syrupum de glycyrrhiza peruenio. Interim subtilis & calida materia euanesceit, frigida & crassa remanet, propterea ad syrupum de hyssopo defleto, qui nisi profuerit, ad illum de prassio tanquam ad sacram anchoram confugimus, qui nisi sanet, is qui ægrotat, ferè desperatus est, uel ad decocta, & trochiscos ueniendū. Nunc autem syrupi de prassio compositionem enarra. S E N. Hæc est quæ sequitur:

Recipe prassij		vnc.	ij.
Hyssopi	)		
Capillorum ueneris	)	añ.	3. vj.
Liquiritiæ		vnc.	j.
Calamenthi	)		
Anisi	)	añ.	3. v.
Radicum Apij	)		
Fœniculi	)		
Seminum ma'ue	)		
Fœni græci	)	añ.	3. iij.
Ireos	)		
Seminum lini	)		
Cydoniorum	)	añ.	3. ij.
Passularum enucleatarum		vnc.	v.
Ficus siccas pingues		nu.	xv.
Penidiarum	)		
Mellis boni despumati	)	añ.	lib. ij.

B R A. Hæc tantum ab auctore dicuntur, & nihil de componendi modo addidit S E N. Nihil, propterea & nos aque quantitatem accipimus, ut nobis uidebitur. B R A.

In hoc syrupo decem aquæ libræ sumi debent, quæ ad consumptionem medietatis bulliant, propter mel & penidia, quæ ingrediuntur, nempe maiorem decoctionis quantitatem exigunt, quam præcedens syrupus de hyssopo fecerit, quoniam in illo solum duæ penidiarum libræ erant: hic autem præter penidia, duæ mellis libræ ingrediuntur. Non desunt autem qui uelint hic hyssopum uiridem sumi: nos autem siccam sumendam putamus, non tamen extreme siccam, sed quæ in superficie humiditatem amiserit: & ita de alijs. Huncq; syrupum aliorum more composito, ut primo ea ingradientur quæ maiorem decoctionem patiuntur, ut passulæ, ficus, radices: postea quæ minorem, ut semina: deniq; quæ minimâ, ut capilli ueneris.

SEN. Hoc igitur semper obseruabo. BRA. Nisi errare uolueris, modo nõ sit opus simplicia prius infundere, quæ cū infusio decoctionem præcedit, tunc ordo ponendarum rerum non habetur. SEN. Cuprem nunc ut syrupum illum de capillis ueneris mihi referres, quo uteris tu, nam & ego deinceps illum parabo. BRA. Hic est subscriptus:

Recipe glycyrrhizæ munde vnc. ij.

Capillorum ueneris vnc. v.

Supra inq; eas aquæ fontis lib. iiij.

Syrupus de capillis ueneris.

Et dimittas per diem & noctem postea coquantur ad consumptionem medietatis, deinde percoletur, & huic decoctioni addantur

Zuchari clarificati )

Penidiarum ) añ. vnc. viij.

Aquæ capillorum ueneris )

Misce & ad formam syrupi decoque, ad usumq; seruetur.



S E N E X.

Syrupus de cala-  
lamenti.

**S**yrupus de calamētho sponte in mea scheda occur-  
rit. B R A. Cum duo sint apud Mesuen de calamen-  
to syrupi, quem in tua officina paratum seruas? S E N.  
Primum apud Mesuen, cuius descriptio hæc est, quæ  
subsequitur:

Recipe calamenti domestici )

Sylvestris ) añ. vnc. ij.

Chersim )

Dauci ) añ. 3. v.

Squinanti )

Passularum enucleatarum lib. 8.

Mellis lib. ij.

Fiat Syrupus

In hoc quoq; aquarum regulam non habemus, sed ut  
nobis uidetur, aquam ponimus. B R A. In hoc syrupo sex  
aquæ libræ recipiantur, quæ bulliant primo passulas, de  
inde alia secundum præscriptum ordinem ponendo, usq;  
ad consumptionem medietatis: deniq; addito melle fiat  
syrupus secundum artem: qui syrupus ad lienosos pluri-  
mum ualebit, quibus durus est lien & penè irresolubi-  
lis, & his qui frigida uiscera habent, & asthmate labo-  
rât, præsertim in senibus, & in habētibus antiquas tuf-  
ses: si quis enim uel pectus, uel uentriculū, uel intestina  
crassa, tenaci, & irresolubili materia plena habeat, hoc  
syrupo sanatur. Vñ tantū est, qd' te perturbare posset,  
scilicet quid sit domesticū calamentū. In examine sim-  
pliciū de calamētho disseruimus, per domesticū uerò, mē-  
thā intellige. S E N. Quā menthā? B R. Nostratē uulgare.

S E N E X.

SENEK.

**S**yrupus de Endiuiā nos uocat. B R A. In hoc syrupo Syrupus de pharmacopolæ plurimū differunt: aliquos enim Ferendiuiā. rariæ, & in omni ferè Italica urbe inuenio, qui syrupum de endiuiā Gentilis solum parant, & semper illum parant, à quocunq; & quandocūq; syrupus de endiuiā indicetur. Alij syrupum de endiuiā Nicoli paratū seruāt: alij syrupum de endiuiā ex solo succo & zucharo. Quē habes tu paratum? S E N. Ego consuetus sum (& ita præceptor meus utebatur) syrupum de endiuiā Gentilis parare, cuius descriptio hæc est quæ sequitur:

Recipe succi Endiuiæ )

Hepaticæ ) añ. lib. iij.

Clarificentur prædicti succi ad ignem, ut expedit.

Rosarum )

Violarum )

Lenticulæ aquæ ) añ. vnc. ʒ.

Florum nenufaris )

Polytrici )

Capillorum ueneris )

Hordei mundi ) añ. vnc. j.

Seminū cōmuniū maiorū frigidorū )

Fiat syrupus cum zucharo quantum sufficit, secundū artem, & aromatizetur, cum

Sandalis albis )

rubris )

Berberis )

Seminum cydoniorum ) añ. scrop. j.

Ligni Aloes )

Cinamomi )

Corticum citri )

Et usui reſeruetur. B R A. Mihi ſummè diſplicet quod hunc ſyrupum habcas, aut unquam paraueris. In eo enim nullum ordinem inuenio, imò confuſionem quandam, & ita ſyrupum de hepatica appellari poſſe, ſicuti de endiuia: quando autem apud te pro meis ægris ſyrupum de endiuia indicabam, ſimplicem ſyrupum quærebam, non tam amplam cõpoſitionem, in qua calida frigidis mixta ſunt. Nos Gentili ſuum ſyrupum dimittamus, qui eo utatur quando lubet, eo enim nunquam utemur. Alij etiam Ferrariæ ſunt qui aliam deſcriptionem ſequuntur. S E N. Quam? B R A. Subſequentem, quam faciunt, & neſciunt à quo at thore ſumatur:

Recipe ſucci endiuie lib. lx.

Purificetur, deinde in ipſo bulliant

Rofarum )

Sandalorum citrinorum ) añ. vnc. v.

Spodij )

Berberis ) añ. 3. xx.

Aſparagorum 3. x.

Zuchari lib. xx.

Aceti granatorum lib. iij. vnc. iij.

Miſce & fiat ſyrupus ſecundum artem. S E N. Dicunt ex Gentile ſumi. B R A. A quocunq; ſumatur, mihi non placet: nam cum indico ſyrupum de endiuia, ſimplicem ſemper intelligo. S E N. Tu ſpecifica. B R A. Non eſt opus cū aliquo addito indicare: ſed ſatis eſt ſimpliciter aut ſyrupū de endiuia, aut de ſucco endiuie prædicere:  
 & tūc

et tunc simplex intelligendus est, cuius descriptio hæc est:

Recipe succi endiuie depurati lib. viij.

Zuchari albi lib. v. ꝑ.

Syrupus de endiuia simplex.

Misce et bulliant ad formam syrupi, sed opus est zucharum prius clarificare, et cum decoquitur, succum addere. SEN. Hic est, quem præparari uis? BRA. Hic equidem: nam si in laterali morbo syrupum de endiuia indixero, hic conuenit, alij non: syrupo autem de endiuia medici in initio morbi lateralis plerumque utuntur. Cum uero indicunt, pharmacopole quos habent, exhibent. Vnde si compositos habent, illos propinandos dant: si simplicem, simplicem: sed hic conuenit, ille contrarius est.

SEN. Quos igitur ex his parabo? BRA. Simplicem ex solo succo, et zucharo parato: et compositum non quidem illū Gentilis, qui hepaticā recipit, sed aliū quem tu

Syrupus de endiuia compositus.

Gentili attribuisti: et cū medici syrupū de endiuia indicūt, simplicē istū exhibeto, nisi addiderint cōpositū. Cū uerò indicūt syrupū de endiuia cōpositū, aliū da: sed illic puenimus, qd' medici qd' indicēt parū curāt, et qd' à pharmacopolis fiat: sed tātū cōpositionū nomina sciūt, ex his uerò, quæ ingrediūtur, nihil nouere. SENEX.

Syrupus de cichorea expurgandus accedit. BRA. Syrupus de cichorea Nicolī Florentini, cuius descriptio hæc est, ex tertio libro huius authoris sumpta, in capite de oppilatione hepatis:

Recipe endiuie domesticæ )

Syluestris )

Cichoreæ )

Taraxacon )

añ. m. ij.

Cucurbitæ	)	
Hepaticæ	)	
Scariolæ	)	añ. m. j.
Fumiterræ	)	
Lupinorum	)	
Hordei non excoriati	)	
Alkakengi	)	añ. vnc. iij.
Liquiritiæ	)	
Capillorū ueneris	)	
Coterach	)	
Polytrici	)	añ. 3. vj.
Adianti	)	
Cuscutæ	)	
Radicum fœniculi	)	
Apij	)	añ. vnc. ij.
Asparagi	)	

Bulliant in sufficienti quantitate aquæ, & colentur, & cum zucharo albo solido fiat syrupus, & pro unaquaq; eius libra, ponantur ad coquendum 3. iij. rheubarbari electi, & scropo. iij. spicæ ligatæ in petiara, quæ sepe exprimatur, donec syrupus sit perfecte decoctus. Dosis est vnc. iij. cum aqua emulsionis seminum communium frigidorum. Hæc Nicolus. B R A. Certe hæc potius mihi uidetur confusio, quam compositio: nam compositiones ordinem aliquem habent, & per componendi regulas disponuntur: hæc autem non ita est. Ideo eam omitterem, uel pro illis medicis pararem, qui simplicia ignorantes, & regulas componendorum pharmacorum, ad has recentium compositiones tanquam ad sacram anchoram

anchoram confugiunt. Nunquam uidebis me tali compositione uti in hepate, quomodocunq; obstructo. SEN. In alijs Italiae urbibus syrupo de cichorea Gulielmi Placentini utuntur, quem magis probas tu? BRA. Nullum Syrupus de cichorea Gulielmi placetini. probō: nempe & hic confusio quædā est: imò de recentibus quibusdam miror, qui præmittunt syrupum de cichorea Gulielmi ob hanc causam, quia plura simplicia recipit: unde tota eorum ratio est multitudo simplicium, ac si plura simplicia recipere hos syropos magis egre- gios faciat. Nam si hoc uerum esset, possemus quatuor sy- ropos solum parare, qui omnia complecterentur: unum ex omnibus calidis, alium ex frigidis, tertium ex humi- dis, quartum ex omnibus siccis. Sed uanum est sine ra- tione multa simplicia aggregare. SEN. Nisi pigeat, sy- rupum istum Placentini de cichorea enarra, quia à mul- tis Italiae populis fit. BRA. Hic est subscriptus:

Recipe foliorum cichoreæ

℥. j.

Foliorum boraginis

)

Lactucæ

)

Violarum

)

Sariolæ

)

Lingæ bouis, id est buglossæ

)

Acetosæ

)

Batisosæ

)

Rhabarbari

℥. ij.

Herbæ pisentur, & in libris tribus aquæ coquantur, donec tertia pars consumpta fuerit, & coletur & addan- tur in illa aqua libræ duæ zuchari, & cum dissolutū fue- rit zucharum ad ignem cum Rhabarbaro puluerizato



et ligato in una petia, et saepe exprimat manu petia rhabarbari, et tãdiu permittatur decoqui, quod in syru= pi formam transierit, tuncq; ab igne depone et reserua. Hæc Placentinus. SEN. Memini me quandoq; hunc syrupum parasse. BRA. Paraueris, et paraturus sis, quando libuerit: mihi hæ inordinatæ compositiones non placent, præsertim cum multa sint in illis affectibus, ad quæ ualent, multa simpliciora et perfectiora. Tu igitur pro alijs medicis paratos habeto, pro me autem nunquã.

*Taraxacon.* SEN. Saltem edoceas quid per Taraxacon intelligendum sit. BRA. In hac re tibi libenter satisficiam. Dioscorides de seri tractat, de qua abunde nos in examine simplicium egimus, Serapio de Dundube capi. CXLIII. scripsit, idem significante quod seris: dicitq; Taraxacon esse syluestrem Dundube, id est serum syluestrem: est autem apud Dioscoridem syluestris seris pteris, id est amara, quam cichoreum appellari dicit. Vnde illa herba, quam uulgò radechio syluatico nuncupamus, est seris syluestris, et cichoreum Dioscoridis, et Serapionis taraxacon, dicant quodcunq; recentes: nam in inueniẽda hac herba plurimum hallucinantur. Res igitur ita se habet, Radix syluestris amara, qua in acetarijs quantumq; utimur, est Serapionis, et Mauritanorum taraxacon, et seris syluestris, atq; cichoreum Dioscoridis. Sed ad alios syru= pos transeamus, ne in his recentium amussis compositionibus tempus amittatur.

SE NEX.

*Syrupus myrtinus.*

**E**rgo syrupum myrtinum huc uocemus. BRA. Nõ possiam non irasci, et non ualde excandescere, fecerit

cere & nostri pharmacopole in hoc syrupo partes. Sūt enim qui compositum quendam myrtinum parent, & qui simplicem Mesue ex succo granorum myrti faciant. Tu quem facis? SEN. Ego semper compositum feci, & ab alijs fieri uidi. BRA. Ediffere hunc tuum compositum, quem paras. SEN. Est hic qui subsequitur:

Recipe myrtilorum	3.	xx.
Rosarum rubearum	)	
Sandalorum rubeorum	)	
Alborum	)	añ. 3. xv.
Sumach	)	
Balaustiarum	)	
Berberis	)	
Messilorum	3.	l.
Aque fontium	lib.	vij.

Bulliant omnia ad consumptionem medietatis, postea coletur, & in colatura adde,

Vini granatorum	)	
Succi cydoniorum	)	ana vnc. vj.
Zuchari clarificati		lib. iij.

Misce & decoquas ad modū syrupi. BRA. A quo authore hunc syrupum accepisti? SEN. Est magistralis, à quo sumatur ignoro. BRA. Tamen non displicet hic syrupus, si omnes Ferrarienses pharmacopole hunc pararent: sed aliqui sunt qui huius loco, composito quodam utuntur, quem absolute syrupum myrtinum appellant: cum & ipse compositus sit, imò & si ab hoc differat, differentia modica est, & in eundem finem tendit. SEN. Ni pigeat, hunc, quem alij faciūt abs te scire



*percupio.* B R A . Non piget, illum audias:

Recipe granorum myrti	)	
Carnium cydoniorum	)	
Sumach	)	añ. vnc. j.
Acatie	)	
Rosarum	)	
Spodij	)	
Hypoquistidos	)	añ. vnc. ij.
Mastichis		3. ʒ.

Bulliant hæc omnia in libris tribus aquæ ad consumptionē tertiæ partis: deinde colētur, & colaturæ addantur zuchari clarificati libræ tres, & fiat syrupus. S E N . Eadē est in hoc, & in eo quē facio, intētio: sed mea cōpositio mihi magis placet. B R A . Nec mihi displicet, propterea loco syrupi myrtini cōpositi, tuū parato. Qui uero & hunc faciunt, perperā non agunt: nam & hic est magis cōstrictius quā tuus. Vellem ego ut simplicem myrtinum, qui hoc perfectior est, haberes, & quem Mesue parandum docet. S E N . Fieri non potest: nēpe myrtilorū succo caremus. B R A . Hūc succū haberi facilius est, quā Rhabarbarum, aut aliquod aliud ex his quæ extra Italiā petūtur: imō in propinquissima parte huius nostræ alme Ferrariæ, & myrtus, & myrti fructus haberi possunt. Ne igitur hanc excusationē habeas, sed illū parato, ut Mesue syrupū de acetositatē citri parare docuit. S E N . Quomodo? B R A . En succi myrtilorum lib. x i i . decoque in uase uitreato lento igne ad cōsumptionem tertiæ partis: deinde coletur, & dimittatur, donec clarificetur, & accipe ex eo quod clarū est lib. v i i .

¶

& funde super illud zuchari clarificati lib. v. & deco-  
 quatur donec inspissetur ad formam syrupi: uel si æstas  
 fuerit, in sole ponatur donec eius aquosa pars euane-  
 scat. Hic uere est simplex & perfectus myrtinus syru-  
 pus, quæ & Serapio describit: quâuis duas alias descri-  
 ptiones, præter hanc edocuerit, qui ad uētris fluxus tā re-  
 cētes quā antiquos plurimū ualēt: & in affectibus pe-  
 ctoris cōuenit ubi cōtra pugnātia fuerit, quia ad sit fra-  
 ctura uenæ in pectore, & etiā exitu materiæ putridæ in  
 uentriculo & in pectore existēte indigeat: tūc hic syru-  
 pus myrtinus simplex plurimū ualet, alij uerō cōpositi  
 nihil: imō ad antiquā tuſim cōuenit: compositi uerō ad  
 fluxus uentris magis proficiunt, quā hic simplex: uen-  
 triculū roborat & omnia intrinseca uiscera. Hunc igitur  
 omnino parabis, & potius compositos omittas. Tamen  
 si compositos habere uolueris præter simplicē, ab re non  
 erit. SEN. In hoc tibi obtemperabo, nam continuē in  
 mea officina & simplex & compositus seruabuntur, &  
 nisi medicus, cum indixerit specificabit, simplicē exhi-  
 bebo: si uero compositum addiderit, compositum dabi-  
 mus. Hunc syrupū antiquū appellasti, reperitur ne apud  
 Græcos? BRA. Imō apud Paulū Æginetam lib. VII.  
 capi. xv. reperitur, & Myrtetum appellat, sed ipse ex Myrtetum,  
 melle facit, quia zucharum nesciebat: sed ipsa compositio  
 parū differt. SEN. Ne pigeat Pauli cōpositionem  
 subscribere. BRA. Nō pigebit. Inquit Paulus: Myrte-  
 tum, hoc est ex myrtis cōpositionē facies, si succi myrto-  
 rum sextarios treis, mellis sextarium unum semper de-  
 spumando ad consumptionem tertiæ partis decoxeris.

SEN. Parua differentia est. Sed plurimū gaudeo, anti-  
quos hoc syrupo usos esse, & myrtetum appellasse.

BRA. Potissime in aluo fluente utebantur. SEN. Igi-  
tur & hunc deinceps paratum habebo, & doleo, quod  
in nostra hac urbe aliqui pararint, ego autem omiserim.

BRA. Satis est nunc uices rependere. SENEX.

Syrupus de  
matricaria.

Hoc igitur omisso syrupus de matricaria accedat.  
BRA. Nullum authorem fide dignum legi, qui  
hunc syrupum tractaret, sed compositiones quasdam in-  
ueni, & illas quidem uarias, quæ de matricaria compo-  
sitiones uocabantur. Nec nostri pharmacopolæ uno sy-  
rupo utuntur, sed quisq; ferè compositionem ab alio di-  
uersam habet. Vt autem à te incipiam, quam compo-  
sitionem sequeris? ut alijs comparando differentiam ui-  
deamus. SEN. Hæc est, quam subscribam:

Recipe matricariæ	)	
Betonicæ	)	
Mellisæ	)	
Radiciū apij	)	ana vnc. j.
Acori	)	
Petroselinæ	)	
Fœniculi	)	
Assari	)	
Rubæ tinctorum	)	
Cyperæ	)	ana vnc. f.
Calamenthi	)	
Sileris montani	)	
Passularum	)	
Anisorum	)	ana vnc. j.

Garyophyl

Garyophyllorum )  
 Spinæ albæ ) ana vnc. ꝑ.

Bulliant in sufficienti quantitate aquæ ad consum-  
 ptionem medietatis: postea coletur, & colaturæ addan-  
 tur zuchari libræ tres, & fiat syrupus secundum artem.

BRA. Cur spinam albam ponis, quæ constrictiua est?  
 SEN. Nescio, sed in mea cōpositione ita scriptū reperi.

BRA. Melius parāt, qui loco spinæ albæ calamū aro-  
 maticū legūt, nisi pro spina alba cardū benedictū acce-  
 perint. SEN. Illū semp accipio. BRA. Alij pharma-  
 copolæ cōpositiones alias sequūtur. SEN. Quas? Abs-  
 te audire cupio. BRA. Prædicā libēter, & eo libētius,  
 ut pharmacopolarū unius tātū urbis diuersitatē uideas,  
 quā tamē diuersitatē in omni ferè Italiæ urbe inuenies.  
 Sūt enim pharmacopolæ, qui subsequenter cōpositionē  
 sequuntur, & eā in suis officinis paratā seruāt: & sem-  
 per cum syrupus de matricaria indicitur, hanc exhibent:

Recipe artemisiæ m. ij.  
 Calamenthi )  
 Folij )  
 Saturegiæ )  
 Origani ) ana m. j.  
 Thymi )  
 Tamarisci )  
 Stœchados )  
 Chamomillæ )  
 Meliloti )  
 Sampsoci ) ana vnc. j.  
 Anthos )

Blattæ bizantiæ	)	
Calami aromatici	)	añ. 3. üj.
Spicæ celticæ	)	3. j.
Chamædryos	)	
Matricariæ minoris	)	
Betonicæ	)	añ. m. 6.
Abrotani	)	
Acori	)	
Prælij	)	
Foliorum rubææ maioris	)	añ. vnc. j.
Sileris montani	)	
Assari	)	
Squimanti	)	añ. 3. vj.
Anisi	)	
Marathri	)	
Ameos	)	añ. 3. vj.
Apij	)	

Bulliant in sufficienti quantitate aquæ secundum artem: postea addunt mellis quantum sufficit, et syrupum faciunt. SEN. Et ego hunc syrupum in mea officina seruo, sed est syrupus de Artemisia, non autem de Matricaria. BRA. Quid putas esse Matricaria? SEN. Herbam ab Artemisia distinctam. BRA. Deciperis, nam Matricaria Artemisiæ species est, ut in examine simplicium habuisti. Tua autem compositio, quam de Matricaria uocas, mihi suspecta est, cum ob simplicia, quæ sine regula ingrediuntur, tum quia pondera in diuersis simplicibus sub diuersis ana positis eadem sunt. Primoriam enim simplicium unciam unam ponis, Secundorum

Secundorum unciam semis, Tertiorum unciam unam, Quartorum unciam semis: quod mihi compositionem suspectam facit, ne in ipsa error sit. SEN. In illa etiam compositione, quam ego de Artemisia appellavi, posuisti assari, squinanti ana 3. vj. deinde anisi, marathri, ameos, apij ana 3. vj. BRASAVO. Omnia illa continuatim legenda sunt, tamen per hoc compositionem non excuso, quia ponit chamomillæ, meliloti, sampsiuci, anethos, ana vnc. j. deinde acori, prassij, foliorum rubæ, sileris montani ana vnc. j. In quibus locis legendum est ana 3. j. quia vncia nimia quantitas esset. Sed & spicam celticam per se ponit, quæ tamen una solum drachma est. SEN. Igitur & hanc compositionem suspectam habes? BRA. Habeo. nihil enim aliud est, quam multorum simplicium aperiensium sine ordine collectio. SEN. Illi igitur qui hunc syrupum pro syrupo de matricaria faciunt, si à medico syrupus de matricaria indicetur, hunc exhibent? Et si ille de artemisia indicetur, etiam eundem exhibent? BRA. Ita faciunt. SEN. Ego utrosq; distingo seruo. BRA. Tamen ad eundem finem valent, & nisi confusiones potius quam compositiones essent, non multum curarem, quando tibi indico, utrum horum acciperes. SEN. Sunt ne alij, qui syropos alios de matricaria faciant? BRA. Non ne superius dixi alias compositiones esse apud alios? Scruant & Ferrariæ aliam compositionem nonnulli. SEN. Quam? BRA. Est longissima quedam & confusa receptio, quam asserre piget. SEN. In gratiam meam adducito. BRA. Faciam, postquam adeo tibi gratum esse uideo. Ea hæc est:

Recipe Artemisiæ	)	
Capillorum ueneris	)	
Sabinæ	)	
Chamædryos	)	
Chamæpitios	)	
Origani	)	
Ozimi	)	
Sampfuci	)	
Calamenthi	)	
Scolopendriæ	)	añ. m̃. j.
Betonicæ	)	
Scabiosæ	)	
Hypericon	)	
Cyperì	)	
Squaranti	)	
Lupuli	)	
Polypodij	)	
Gentianæ	)	
Rubeæ tinctorum	)	
Spicæ	)	
Affari	)	
Thymì	)	
Epithymì	)	añ. vnc. j.
Chamomillæ	)	
Rosarum	)	
Violarum	)	
Sandalorum rubeorum	)	
Seminũ cõmunũ frigidorũ maiorũ	)	añ. vnc. f.
Seminus Afij	)	

Forniculi

Fœniculi	)	
Petroselini	)	
Ameos	)	
Carui	)	añ. 3. ij.
Iuniperi	)	
Milij solis	)	
Semenum Rutæ	)	

Hæc omnia bulliant in sufficienti quantitate aquæ ad consumptionem medietatis, sed prius in ea infusa hæc per decem horas maneant cinamomi 3. j. ꝑ. serapini, ammoniaci ana 3. ꝑ. dicta gumi ligentur in petia, & simul bulliant ad consumptionem medietatis: deinde co-  
lentur & colaturæ addantur mellis purificati lib. vj. & fiat syrupus, debito modo coquendo. SEN. Hic syrupus adhuc magis confusus uidetur, quam præscripti.

BRA. Confusissimus est, & simul calida frigidis miscet sine aliquo componendi ordine. SEN. Igitur parandus non est. BRA. Non modo non pararem, sed omnibus suaderem ut paratum non haberent: imò nec duos prædictos pararem. SEN. Ego parabo, quoad collegium medicorum congregatione facta composita omnia emendabunt. BRA. Hoc non ab re crit: nempe opus est omnibus Ferrariensibus medicis in concionem uocatis quasdam pharmacopolarum compositiones corrigere, alias immutare, alias penitus demere, & in eo potissimum conari, ne unus pharmacopola compositionem unam habeat, alter aliam: sed compositiones eadem esse debent, ne medici rerum ignari indicentes decipiantur. Hoc igitur de matricaria omisso syrupo, ad alios



utiliores accedamus : nihil enim in componendi ordine tractabo, quoniam syrupus est qui absq; compositionum regulis paratur.

SE N E X.

*Syrupus myracibus.*

**D**E Myrachino igitur dicamus. B R A S A. Nomen ipsum rem barbaram esse ostendit, & compositio à compositionum regulis abhorret, quæ (si recte memini) ex Gentile accipitur. Melius autem erit eam proponere, ut error cognoscatur: nam simplicium pondus apud uarios Gentilis codices, uarium inuenitur. Compositione igitur edisseras. S E N. Hæc est:

Recipe polypodij quercini	3.	xx.
Buglossæ )		
Melissæ )	añ.	vnc. j.
Cyperi )		
Corticum radicum caparorum )		
Acori )	añ.	vnc. j.
Assari )		
Senæ )		
Epithymi )	añ.	vnc. ij.
Semina endiuie )		
Lactucæ )	añ.	vnc. iij.
Scariole )		

Pistentur omnia grosso modo, præter senam, & epithymum, omnia alia bulliant in lib. quatuor aquæ usq; ad consumptionem medietatis. In fine decoctionis adde senam & epithymum, & remoueat ab igne: & dimittas infrigidari: postea manibus exprimatur, & coletur, & addantur mellis rosati cum folijs libræ duæ, & fiat syrupus

pus secundum artem. BRA. Miror quod hic folia ponantur, nam bene potabilis non erit. SEN. Non accipimus folia, sed mel rosatum ex folijs factum percolamus. BRA. Ob hoc te admonui, aliquos esse, qui, cum dicitur mel rosatum colatum, semper mel rosatum cum folijs intelligunt, sed postea expressum. Nūc ad syrupum ipsum descendamus. Aliquæ compositiones sunt, quæ habent polypodij vnc. vj. sed illas magis laudo, quæ habent polypodij 3. xx. In aliquibus etiam compositionibus ubi dicitur buglossæ & melissæ ana vnc. j. habetur ana m̄. j. quod etiam magis quadrat: nā simplicia quæ sequuntur, etiam sub una uncia ponderantur. Mihi autem magis placeat una cōpositio, quæ dicit, buglossæ, melissæ ana vnc. j. postea cyperi, corticum radicum caparorū, acori, assari ana vnc. ʒ. SEN. Illi recte fecerunt qui compositiones carmine tradiderunt, tunc enim pondera uariari non possunt. BRASAVOLVS. Ideo Galenus Andromachū laudauit, qui Theriacam compositionem carmine scripsit. Vnum tamen in hoc syrupo te edocere uolo: quamuis dicat omnia simul bulliri, præter epithymum, & senam, scito tamen alia esse in hac compositione, quæ tantam ebullitionem non expetant: propterea in decoquendo ordinem serua, quem superius in alijs syrupis ostendimus. Tamen ultimo pone senam & epithymum. Primo autem radices, postea semina, deinde flores inijcito. SEN. Semper illum ordinem seruabo, modo simplicia prius infundere non sit opus. BRASAVOLVS. Videmur in hoc recenti syrupo nimis immorari.

*Syrupus nenus  
farinus confo-  
situs.*

**S**yrupum igitur nenusfarinum contemblemur. **B R A.** Et hic quoq; syrupus recentiorum est, quippe à Frā cisco Pedemontano fit: quippe illum in capitulo de cura malæ complexionis hepatis simplicis & compositæ in hunc modum, qui subsequitur, describit:

Recipe florum nenusfaris	vnc.	ij.
Vngulæ caballinæ aquaticæ	)	
Psyllij integri	) añ.	vnc. j.
Acetosæ	)	
Seminum communium	3.	ij.
Seminum frigidorum	vnc.	ſ.
Radicum fœniculi	vnc.	j.
Bulliant in aqua hordei, & addantur		
Zuchari	lib.	j.
Acetialbi	)	
Succi granatorum	) añ.	vnc. ij.
Et aromatizetur cum		
Sandalorum	)	
Spodij	) añ.	3. j.

Et addatur parum spicæ, ne frigiditate oppilationem inducat. **S E N.** Hunc nenusfarinum syrupum nunquam

*Syrupus nenus  
farinus sim-  
plex.*

parau, sed alium simplicissimum facio. **B R A.** Quem? **S E N.** Libras duas florum nenusfaris una decoctione decoquo: postea exprimo, & in expressione addo Zuchari libras duas, & decoquo ad cocturam syrupi. **B R A.** Hic magis placet: quia semper simplices syrupos fieri uoluerim: quippe facile est duos, aut tres simul iungere, & intetiones immutare: nullus est certus author, qui hos syrupos

syrupos inuenerit. SEN. Propterea nos, magistrales appellamus. BRA. Vtroq; parare poteris pro his medicis qui composito uti uolunt, tamen apud nos eius usus rarus est.

SENE X.

**M**iuua cydoniorum in hunc ordinem posita est. *Miuua cydonio*  
 BRA. Et ipsam inter syropos numerasli? SEN. *rum.*  
 Numero: nam addita aqua, ut syrupus, potabilis fit: & non modo eius usus est ad roborandum uentericulum, hep̃, & omnia uiscera, & ad uomitum sistendum, & fluxui uentris aduersatur, imò etiam concoquit materias, & præparat uias: & Auicenna hanc cõpositionem syrupũ de cotoneis appellat, quãuis Mesue syrupũ de cotoneis primo prosequatur, deinceps de miua sermonem habeat. Tamen communis est per totam Italiam usus, ut ea pro syrupo de cotoneis utantur: & re uera mira compositio est ad roboranda membra. Et nisi Gulielmi autoritatẽ refugeret, tibi dicerẽ eum authorem nõ appellare miuã, sed syrupum de cotoneis. Præterea tibi Almãforis nonũ librum adducere in libro diuisionum, in cap. de medicinis solutiuis uentris, ubi inquit: Cõfectio miuæ constri-  
 ctuæ, quæ est syrupus de cotoneis. BRA. Videris ex pharmacopola factus dialecticus, ubi probare miuam syrupum esse conaris, uel bibi, ut syrupi bibũtur. Hoc autem non inficior, sed id tantũ me mouebat, quod hoc uocabulum miua apud Mauritanos succum fructuum significat adeò coctum, ut in formam sapæ, uel mellis deuenit. In reliquis tecum sum, miuam esse potabilem, esse concoquentem malos succos, imò syrupum uerè esse, quia ex succo fit. Sed ne pigeat compositionem quam

facis, aperire, & componendi modum. SEN. Mesuen  
penitus sequor, propterea in hunc modum paro:

Recipe succi cydoniorum acetosorum lib. xx.

Vini boni antiqui. lib. x.

Misceo, & cum facilitate coquo, donec eius tertia  
pars consumpta sit, & continuè spumam aufero: deinde  
percolo, & residere permitto donec clarescat: postea  
addo lib. sex boni mellis depurati: iterumq; bullio spu-  
mam semper auferens, & Alefanginas species in lineo  
panno uindas habeo, quas in prædictum liquorem su-  
spendo, saepe stringens atq; modice fricans, ut specierum  
uis facile exire possit, & miuam transire. Cum in spissio-  
rem formâ redacta est, & iam facta sit miua, ipsam aro-  
matizo, tertiam partem drachmæ musci addens, & duas

*Alefnginae* 3. galliæ. B R A. Quæ sunt istæ alefanginæ species?  
*species.* SEN. Hæ, quas hic subscribam:

Recipe cinamomi )

Heil ) añ. 3. ij.

Garyophyllorum 3. ij.

Zinziberis )

Mastichis ) añ. 3. j. ʒ.

Croci 3. ij.

Ligni aloes )

Macis ) añ. 3. j. ʒ.

Omnia præter crocum terantur contritione crassa, &  
in lineum pannum colligentur. B R A. Tot res ponis in  
tua miua? SEN. Tot. B R A. Nunquam ea utar in pro-  
fluvio alui à calida materia dependente. Illi autem pha-  
macopole mihi magis placent, qui simplicissimâ parant,

ex cydoniorum succo, uino, & melle, uel zucharo: quia multi ex zucharo faciūt, & non ex melle, quāuis antiqui Græci Miuiam ex melle conficerent, quia zucharum ignorabant. SEN. Antiquiores igitur Miuiam nouere? BRA. Nouere quidem, & ab ipsis Mauritani acceperunt: sed alio nomine eam uocant, & alia proportionem conficiunt. Nempe Paulus lib. VII. capi. XV. hydromalum fieri docet in hunc ferè modum:

Accipe succi malorum cydoniorum mundorum	
contusorum	sextarios duos.
Mellis	sextarios tres.
Aquæ	sextarios sex.

Coquito despumans usque ad tertias. Vides Paulum uini loco, quod Mesue ponit, aquam posuisse. Alio etiā modo parabant (ut Paulus refert,) nempe accipiebant malorum cydoniorum concisorum purorum lib. V. in aquæ fontis sextarijs decem elixabant, donec omnia essent unum corpus: postea refrigerabant, & colabant: expresso autem cremore, mala proijciebant, & aquam metientes, mellis quantitatem dimidiam aquæ admiscebant, & rursus coquebant, assidue despumando, donec octaua pars euanescat decoquendo. SEN. Tibi forte placeret ut in hunc modum pararem? BRA. Et mihi placeret, & alijs multis bonis uiris, ut miuiam his simplicioribus modis conficeres. Si autem pro alijs compositionem illam, quæ magis calida, quàm temperata est, parare uolueris, facito: nam ubi possum antiquos imitari, semper imitor. SEN. Quid significat id uocabulum Alefangine? BRA. Vocabulum est Mauritani, &

*Alesangine*  
quid significet.

etiam corruptum, quo ipsi pulvres odoratos intelligunt, quibus cibaria conduuntur: ut sunt apud nos species ex pipere, cinamomo, garyophyllis, gingibere, atq; similibus. Tamen ad pulvres etiam usurpant, qui uel actu uel uirtute compositiones ingrediuntur. Hic pulvis, quem Mesue in miuam ponit, certe odoratus ualde est, & miuæ tribuit, ut possit tanquam intinctus comedi. SEN. Equidem uerum est, nam re uera est optimus intinctus. BRA. Ego quandoq; miuam exhibeo his qui habent uentriculum debiliorem cum carnibus, sicut alij solent intinctus uti, quos Sapores uocant, nec respuunt egri, et illis plurimum prodest. Sunt ne hi pulvres prædicti, illi qui Alesanginas pilulas ingrediuntur? SEN. Sunt pro parte, sed multa alia aromata, & uentriculum roborantia pilulas ingrediuntur, ut uidere licebit, cum de pilulis Heil. agemus. Libenter autem scirem quid sit Heil: nam recentes inquit esse speciem cardamomi quam non habemus, cuius loco cardamomum maius accipimus. BRA. Imò heil cardamomum maius uerè est, si Serapionem capite LXIIII. de simplicium facultatibus considerabis, ubi inquit: Sacolla, id est cardamomum, & cardamomum maius est heil. est autem apud Arabes uerum cardamomum maius, id quod pharmacopola minus appellant, quia est granum magnum plura parua grana continens. Propterea bene dicit Serapio secundum Isaac hebem Abraham, quod habet cortices & capita sicuti rosa, & sunt grana magna sicut nabach, aut parua maiora, & intra ipsam sunt granula parua angulosa boni odoris, pingua puluerulenta. SEN. Certe hæc grana

grana angulosa nostrum cardamomum minus sunt.  
 BRA. Sunt (ut dicitis) tamen est cardamomum matus  
 Serapionis, quia ipse denominat à grano magno, in quo  
 alia grana continentur. Scito autem aliquos pharmacopolas  
 secundum Mesuen, miuam parare, quam ipse simplicem  
 appellat, & non primam, sine speciebus, cuius  
 compositio recipit succi cydoniorum lib. centum, & ponitur  
 in uas lapideum mundum, & cum facilitate bulliunt,  
 semper spumam auferendo, usq; ad consumptionem  
 medietatis, deinde colant, & per tres horas residue  
 dimittunt: postea addunt uini antiqui lib. L X. postea  
 ea supra prunas coquunt, quousq; syrupi spissitudinem  
 habeat: addenda autem est conueniens quantitas mellis:  
 nonnulli ex nostris pharmacopolis hanc miuam ex zucchero,  
 non autem ex melle faciunt: alij ex melle: alij præscriptam  
 pro simplici faciunt, & non addunt pulueres, & ex  
 zucchero faciunt, alij ex melle, alij faciunt (ut tu)  
 cum speciebus: ut in hac compositione tanta diuersitas  
 sit, ut nullus ferè eodem modo paret: tamen Medici nec  
 sciunt, nec animaduertunt, uel animaduertere curant.  
 Vnum uero hoc loco annotabis, quod dicit has Alefanginas  
 species esse trituras grossas modo, ob eam rationem,  
 quia cum in syrupos uires specierum aromaticarum ponuntur,  
 non ita facile resoluuntur. Hoc documentum & hic accipio,  
 & ex compositione melicrati, ut si confectioes  
 aromatizari debent, pulueres necessario subtilissimi  
 sint, ppterca in Alefanginis pilulis pulueres subtilissimos  
 faciet. Fiunt autè à Serapione nonnulli syrupi de  
 cydonijs, & ab Auicenna, qui ab his multū differunt,



ideo omittantur: suaderemq; ut Pauli Æginetæ compositionem sequeremur: quam pro ægris meis para. pro illis autem medicis, qui barbaros sequi uolunt, ne dicam mendicis, tuam miuam para. SEN. Ego illam Pauli pro omnibus parabo: nullus enim ex his inuenitur qui compositiones scire uoluerint, sed tantum compositionum nomina addiscunt, indicuntq;, quid indicent ignorantes. Ne autem in hac miua diu immoremur, ad alios syropos flectamus.

SENEX.

Oxymel simplex.

**O**Xymel simplex & cōpositum sequūtur. BRA. Apud uos multa esse puto, sub hac uoce oxy, quæ acetum recipiunt. SEN. Multa quidem sunt, quæ in nostra arte acetum recipiūt, sed tantum quatuor sunt, quæ ab ὀξύ uoce Græca, id est aceto, denominationem sumunt, & ab ea incipiunt. BRA. Hæc enumera, ni pigeat. SEN. Oxymel simplex, oxymel compositum, oxyzachara, oxymel squilliticum. BRA. Ab oxymelle simplici incipere oportet: nam potus antiquissimus est, quo Hippocrates & Galenus utebantur, pro expurgando splene, & hepate, ut Galenus testatur, pro incidendis materiis crassis, & glutinosiss, & quæ multum inhaerent: nempe subtiliat, aperit, incidit, abstergit, & in ægitudinibus longioribus plurimum ualeat: estq; antiquus syropus. SEN. Hi syrapi mihi summè placent, qui aliquid antiquitatis sapiunt: nam facile est illos emendare, si error inciderit, cum Græci authores nunc passim habeantur. BRASAVOLVS. Hippocrates lib. 111. de ratione uictus in morbis acutis, egregie de oxymelle

oxymelle pertractat, inquit in illis morbis scilicet acutis potissime utilem esse: nam sputum educit, & spiritum faciliorem reddit. Notatq; Hippocrates & ualde acidum, & non ualde acidum fieri posse. Si ualde acidum sit, adstringit sputa, & uiscosiora reddit, & submergit: ideo hoc exhiberi non laudat: si autem exhibueris, tepidum sit, & paulatim tribuas. Si uero adeo acidum non fuerit, os & fauces humectat, sputum euocat, sitim compescit, prae cordijs, uisceribus, ceterisq; id genus partibus amicum est: quia mellis noxas prohibet: nam quod in melle biliosum est, reprimit, & flatus discutit, & urinam ciet. Post haec ab Hippocrate eius noxae ponuntur. Notatq; hoc in loco Hippocratem, oxymeli ante sorbitiones, ieiuno, & noctu potandum dare, quae communis est hora sumendi syrupos. Tamen & post sorbitiones propinat, sed longo spatio, ut sorbitio iam cocta sit.

SEN. Quid intelligis per sorbitionem apud Hippocratem? BRA. Nihil aliud quam cibum, quem in morbo acuto dabat, qui erat uel ptisana, uel cremor, uel aliquid simile, quod per modum potus sumebatur: quamuis Galenus ipse tempus assignet, uelutq; inter potum oxymellis, & sorbitionem duas horas interponi satis esse. Sed & multa alia ab Hippocrate notantur, inter quae hoc praesertim animaduersione dignum est: quandoq; in toto morbo nos uti oxymeli opus esse, ideo inquit, tunc cum pauco aceto parandum esse, quia cum multo aceto plures offensiones facere potest. Quanta autem acetii quantitas esse debeat, ab Hippocrate regula habetur, Tantum aceti recipere debet, ut gustanti duntaxat sen-

sum moueat. Vnum etiam addam ex Hippocrate, eodem loco, his scilicet magis conferre, quibus amara bilis potius quam atra exuperat, quia acetum atram bilem parit. Notatq; oxymeli mulieribus potius quam uiris obesse. Rationem reddit, quia iterum dolore cruciat. SEN. Reperitur ne apud Græcos modus conficiendi hunc syrupum? BRA. Imò reperitur: sed tu in primis quem modum sequaris edoceas. SEN. Nos Mesuen sequimur, qui in hunc modum componit: appellat autem Seca

*Stangebim.* niabim, uel Stangebim secundum alios, uel squingebim, *Squingebim.* sed decipiuntur. BRA. Quicquid sit de illis barbaris nominibus non curemus: sat est, illa nomina apud Ma-

ritanos syrupum acetosum significare. SEN. Mesue accipit mellis boni partes duas, aceti boni partem unam, aque fontium clare & dulcis partes quatuor. Primo autem aquam & mel accipimus, & purificamus semper expumando: postea acetum super additur, & ita ebulliando expumamus, & hoc oxymel simplex nuncupatur. BRASAVOLVS. Et etiam ab aliquibus Græcis oxymeli simplex dicitur: quamuis absoluto uocabulo, cum oxymeli dicunt, hunc intelligant ad differentiam oxymellis Scyllitici & Iuliani: Latini appellant

*Acetum mulsum.* acetum mulsum. Paulus capite XI. libr. VII. de hoc oxymeli tractat, cui cognomentum est simplex. Compositionem facit ex acerrimi aceti candidi xesta una, aque xestis duabus, mellis xesta una: hæc simul decoquit, semper despumando ad crassitudinem mellis. Inter hos differentia est, quia Paulus magis aceti ponit, quam Mesue. Sunt enim apud Paulum æquales partes mellis & aceti,

aceti, & duplum aquæ, sed Mesue duplum aquæ ad met-  
 ponit, & aceti minus quàm mellis. SEN. Quomodo  
 deinceps parabo? BRA. Ego Paulum imitandum  
 suaderem. Tamen Dioscorides libro IIII. alio modo  
 conficit: nempe recipit aceti sextarios quinque, marini sa-  
 lis pōdo unum, mellis pondo decem, aquæ heminas tot-  
 idem. Mixtaq; simul omnia coquito, usq; dum decies  
 inferbuerit: tum refrigerata omnia in dolia diffundito.  
 Sed hanc met compositionem Plin. lib. XIII. capite  
 XVII. scribit, sed ipse genus aquæ ponit. Quod enim  
 Dioscorides generali uocabulo dicit, aquæ heminas de-  
 cem, Plinius dicit aquæ pluuiæ. In reliquis parua dif-  
 ferentia est. Hæc sunt Plinij uerba loco præcitato ne  
 desideres: Oxymeli hoc uocarunt, mellis decem libris,  
 Aceti ueteris heminis quinque, Salis marini libra,  
 aquæ pluuiæ sextarijs quinque sufferuefactis decies,  
 mox elutriatis, atque ita inueteratis, sed & hoc, &  
 hydromeli à Themifone summo authore damnaban-  
 tur. SENEX. Tu ergo ne arguas Recentiores, nec  
 de ipsis mireris, si diuersas compositiones sequuntur:  
 cum & antiqui ipsi (ut in hac uidere licet) in eadem  
 re uarias compositiones haberent. BRASAVOLVS.  
 Imò & Plinius alium modum oxymelitis edocet ca-  
 pite secundo libri XXXIII. ex sententia Dieuchis.  
 uerba eius hæc sunt: Oxymel antiqui (ut Dieuches tra- Oxymel Dia  
 dit) hoc modo temperabant, mellis nūas decem, ace- cis.  
 ti ueteris heminas quinque, salis marini pondo, thym-  
 bræ quadrantem, aquæ marinæ sextarios quinque pa-  
 riter coquebant decies deservescente cortina, atque ita

diffundebant, inueterabantq;. Sustulit totum id Asclepiades, coarguitq;: nam etiam in febribus dabant: profuisse tamen fatentur contra serpentes, quos Sepas uocant, & contra meconium, ac uiscum, & anginas calidum gargarizatum, & auribus, & oris, gutturisq;: de siderijs. Haftenus Plinius. SEN. Quem ergo, in tanta uarietate sequi oportet? BRA. Certum est apud antiquos de eadem re compositiones uarias fuisse, sed unam pro maiori parte sequebantur. SEN. Eia quam compositionem parabo? BRA. In hac re quid sentiam audies. Antiqui oxymeli uario modo composuere, cum pauciori melle, cum pluri, cum acriori, cum minus acri: ut aegritudo, quam curabant, exigebat. Quod ex Hippocrate praecitato loco manifestissime colligitur, & ex Galeno, 1111. lib. de sanitate tuenda, & ex ipso Mesue, qui inquit, quandoq;: augendam aceti dosim, & ex Serapione, & Auicenna, imò & ex tota Arabum schola, à Græcis authoribus accipiente. SEN. Erit ergo incerta componendi regula. BRA. Imò certissima, quam gustum sequebantur. Propterea Galenum audias loco praecitato de oxymeli dicentem: Id ita praeparari debet, Cum melli optimo super carbones spumam abstuleris, conijcies in ipsum aceti tantum, unde gustanti nec acidum nimis, nec dulce uidebitur. Ac denuò super prunas coques, quoad planè unitæ amborum qualitates sint, nec appareat gustanti acetum adhuc crudeum, hinc ab igni depones. Cumq;: uti uoles, aquam ei misceris, ita nimium temperans, ut unum. Ergo qui bibet, si nec de acore eius queritur, nec dulcedine, assidue co utatur: sin aliter utro

terutro offenditur, adiecto quod desyderatur, rursus id coques. Neq; enim eos probō, qui sub una quapiam mensura id cōficiunt, qui mihi similiter ijs affecti uidētur, qui bibentes omnes similiter aquam uino miscere censent: nō aduertentes, quibusdam utiq; qui dilutiori insueuerunt, caput statim si uel pusillo meracius hauserint, tentari: quibusdam qui meraciore delectantur, stomachum, si dilutius biberint, subuerti. Cum igitur in uino tam familiaripotione ista incidant, multo sanè magis in oxymelite, utpote quàm uinum tum minus familiari, tum magis fortis, ipsa sequi par est. Satius ergo sit ex sumentis gustu, non nostro, iudicium de modo facere: id esse sumentis naturæ conuenientissimum oxymeli ratos, quod utiq; est iucundissimum, proindeq; etiam utile: contrā aduersissimū esse, quod iniucundum. Galenus haftenus. Ex quibus percipere potes, ex gustu etiam alieno oxymel parare.

SEN. Ergo nullam certam oxymelitis compositionem habebimus, quam seruare possimus? BRA. Idem Galenus (prædictis uerbis nō obstantibus) quasdam compositiones docet, quæ pluribus conueniunt, sed hæ sunt primæ mixtiones, quia deinde secundum uarios gustus immutare oportet. Ideo inquit: Ipsam tamen primam ipsorum mixtionem, quò plurimis conueniat, talem esse oportet: Vni aceti parti, mellis, à quo detracta sit spuma, duplum est miscendum: deinde ambo in leni igni coquenda, donec eorum qualitates in unū coierint: ita enim nec acetum amplius crudum apparebit. Cum aqua uero statim ita facies oxymeli: Mellis quadruplum optimæ aquæ miscebis: dein coques modico igni, quoad spumare desi-

nat. Ac malum quidem mel multam egerit spumam: quæ etiam diutius coqui debet. Optimū uero ut breuissimo tempore coquitur, ita minimū spumæ cuomit: unde nec par ei coctione est opus: plurimū certè quartam partem eius quod ab initio est inditam, amittit: post uero dimidio aceti adiecto, rursus coquendum, donec qualitatū omnino sit unitis, nec acetum crudum etiā appareat. Post hæc aliam compositionem ponit Galenus, inquit: Conficitur sanè oxymeli etiam tribus statim ab initio mixtis, ad hunc modum: Aceti uni parti additur mellis duplum, & aque quadruplum: atq; hæc ad tertiam partem coquantur, uel etiā quartā, spuma interim detracta. Quod si ualentius id facere studes, tantūdem iniicies aceti, quā tum mellis. s. B. N. Hic est modus, quem Mesue docuit, B. R. A. Certe is est, & etiam ille Pauli: nā si mel, & acetum æqualia sint, est modus Pauli. Si autē acetum sit minus, est modus Galeni, & Mesue. s. B. N. Igitur hūc Mesue modū parabimus? B. R. A. Hūc Mesue conficito, quia est Galeni modus. Sed bonus medicus addere acetum, quando opus est, debet. At quia multi sunt, qui aquā & mel accipiunt, & usq; ad cōsumptionem serè aquæ semper expumando ebullire faciunt, antequam ponant acetum: propterea magis laudo, ut in primis, secundum Galeni normam, mel despumetur: postea aqua addatur, & bulliant semper despumando, quousq; sint duæ lib. aquæ consumptæ, uel aliquid magis: postea addito aceto iterū bulliant, nō, ut dicit Gale. ad tertiā partem, uel ad quartam: sed quousq; syrupi formam habuerit, ut seruari possit. s. B. N. Non uis ergo ut antiquos penitus sequamur?

B. R. A.

BR A. Vbi melius inuentum sit, semper melius sequor. Vides autē antiquos in hac re inuicem esse diuersos : sed melior forma, & ad conseruandum aptior, & quæ pluribus proſit, hæc eſt, quam Galenus edocuit, & quam Meſue, Serapio, & Auicenna ſecuti ſunt : nec etiam illa Pauli parum congruit. Modus autem conficiendi, quem diximus, ſcilicet ad cocturam ſyrupi, magis conueniens eſt quam ille Galeni uel Pauli. SEN. Arabes igitur ita iurgiis afficiendi non ſunt. BR A. Imò in condiendis rebus, & in uarijs compoſitionibus maxime præſtant: nec unquam illuc duci potui, ut de ipſis maledicerem : cum in multis & ipſi noſtram artem iuuerint. Illos tantum redarguo, qui in gratiam Arabum, eos deſpiciunt qui bonas literas ſectantur. Nunc ad oxymeli compoſitum uenimus, ſi in primis me admonueris, an ex Zucharo uel melle, hunc ſyrupum præpares. SEN. Semper ex melle, & hunc, & oxymel compoſitum conficimus : tamen nō deſunt, qui ex Zucharo parent. BR A. Scio, & Hermolaus Barbarus uoluit hoc appellari Oxyzachar, quāuis aliare ſit uocata oxyzachara, de qua poſterius dicemus. Nunc de oxymelle compoſito agendū eſt, cuius deſcriptionem enarra. SEN. Ego Meſuen ſequor: nā alij multi ſunt, qui illum non ſequuntur. BR A. Id ſcio. Tu deſcriptionem quam ſequeris, proponas. SEN. Hæc eſt:

Oxymel compoſitum.

Recipe corticum radicem Apij	)	
Fœniculi	)	añ. vnc. ij.
Semina Aniſi	)	
Apij	)	añ. vnc. j.
Fœniculi	)	



Mundentur cortices, & terantur, & proijciantur super eas in uase lapideo positas aceti boni antiqui & albi lib. x. aque lib. xx. & dimittatur per diem & nocte: deinde coquatur, donec eius tertia pars cōsumatur: postea coletur, & proijciatur super ipsum mel, quod sit medietas eius, & coquatur cum facilitate. Hæc Mesue, quæ sequor. B R A. Tamen multi sunt, qui alio modo parant, nempe quinq; radices accipiunt, & hoc modo ordinant:

Recipe Corticum Radicum Apij	)
Fœniculi	)
Petroselini	) añ. vnc. ij.
Brusci	)
Asparagi	)
Seminum Apij	)
Fœniculi	) añ. vnc. j.

Prædictæ radices cum seminibus in lib. xij. aquæ, & lib. j. aceti decoquantur, quousq; ad medietatem resoluantur, aut paulo plus: deinde cum melle, quantum sufficit ad syrupi formam ebulliant: sed hic syrupus cum eo de quinq; radicibus cum aceto plurimum conuenit, si ex zucchero factus esset: si autem absq; aceto fiat, cum illo de quinq; radicibus sine aceto conuenit. S E N. Audiui quosdam, qui seminum loco vnc. j. & radicum raphani addidere. B R A. Equidem nonnulli sunt, qui ita parant, sed potius in gratiam quorundam medicorum, quam quod ita communiter parari possit, aut debeat. Alij etiã sunt, qui semina penitus derelinquunt. S E N. Reperitur ne apud antiquos hic syrupus? B R A. Non, quod sciuerim: quamuis apud antiquos sub oxymellis nomine multæ

multæ compositiones inueniantur, sicut est oxymel Iu-  
 liani, in quem plura ingrediuntur : cuius meminit Gale-  
 nus ad Glauconem in cura podagræ à bilioso humore  
 factæ, & Pau. lib. iij. cap. xij. Aderat & oxymel sple-  
 nicum ad spleneticos optimū, & oxymel pro calculosis,  
 quorum compositionum Pau. lib. vij. cap. xj. meminit.  
 Nos autem hæc duo solū prædicta in usu habemus. Opta-  
 rim autem ut splenicum paratum seruares : nam optima  
 compositio est ad spleneticos, & clausa uehementè ape-  
 rit. SEN. Si compositionem edocueris, in tuam gratiam  
 parabo. BRA. Hæc est, quam dicam, à Paulo præci-  
 tato loco sumpta:

Recipe corticis Radicis capparis	)	
Scolopendrij	)	
Assari	)	
Ireos	)	
Florum iunci rotundi odorati	)	
Florum Cyperidis	)	singulorū vnc. j.
Anisi	)	
Cymini	)	
Fœniculi	)	
Acori	)	
Fructus erices	)	
Foliorum Tamaricis	)	
Salicis	)	
Radicis Apij	)	vnus cuiusq; vnc. ij.
Dendro libani	)	
Scillæ	)	
Aceti xēsta una		Mellis xēstis tribus.



Mesue multa differentia non est. B. R. A. Non equidem.  
 Alij etiam conficiendi modi à Paulo edocentur: nempe  
 aliqui scyllæ minam unam in aceti xestis sex recipiebant.  
 Alij uridis scyllæ idem pondus in sex aceti minas con-  
 dunt, quod tamen cæteris acutius est. S. E. N. Paulus men-  
 tionē non facit quod medij cortices sumi debeant. B. R. A.  
 Subintelligere oportet, & à Dioscoride lib. iiii. ani-  
 maduertitur, ubi hanc compositionem scribens, inquit:  
 Scylla, quæ sit alba deligitur, huius crudæ direptis duris  
 & extrinsecus positis omnibus, tenerā medietatem per  
 minutas partes recidunt, & filo suspendunt ex interval-  
 lo, ne se cōtingant segmenta per dies x l. in umbra, do-  
 nec assiccentur: deinde cum arida erunt, in aceti optimi  
 xii. sextarios mergunt, ut diebus septem patiaris esse  
 sub sole obturatis diligenter uasis: post eum numerū die-  
 rum scylla eximitur, calcatur, abijcitur, acetum ipsum eli-  
 quatur, transfunditur, reponitur. S. E. N. Video apud an-  
 tiquos in tempore expositionis ad solem differentiā esse.  
 Cur autem medios cortices, & non extremos accipiunt?  
 B. R. A. Hoc nō immeritō faciunt, quia superficiales par-  
 tes tum nimis siccae sunt, tum ob solis ardorē & actionē  
 uenenosæ effectæ sunt: partes uero quæ apud cōtrū sunt,  
 humiditate nimia abūdant. Vñq; adde, non esse reci-  
 piēdos cortices nimis crassos, nec nimis subtiles, sed scyl-  
 la, quam sumis, mediocrem substātiā habere debet. Ta-  
 men & Dioscorides aliorū cōpositiones recenset. Nēpe  
 aliqui pondo scyllæ in sextarios aceti quinq; demittunt.  
 Nec deerāt, q acerrimū acetū pararēt, alio modo quā cō-  
 ficeret suū acris Paulus: etenim repugnāt tunicis cortices,

& exarescere non permittunt, statimq; musteas ac recentes alias pari mensura coniungunt in acetū, & initio vii. mensis eximunt. SEN. Hoc acerrimum esse debet, ut ferè gustu tentari non possit. BRA. Tamen eo antiqui utebantur. SEN. Gaudeo cum uiderim & antiquos in suis compositionibus diuersos, ut nullus inueniatur qui eandem compositionem eodem modo confectam paret. Recentes igitur reprehendendi non sunt, quoniā & hoc semper fuit antiquorum uitium. BRA. Si tu antiquorū compositiones contemplaberis, statim inuenies diuersitatem esse, quia compositio efficacior, & minus efficax redditur: quas diuersitates medicus cognoscere debet, ne inefficaciori remedio utatur, quando efficaciore indigamus, & e contrario. In recentiorum autem compositionibus diuersitas est in simplicibus, quæ aliā intentionem pharmaco tribuunt, & quæ morbo potius contraria est. Hoc est, quod uarias compositiones damno, non quia nō nouerim antiquos etiam pro uarietate ingeniorum & diuersarum ætatum compositiones immutasse: hoc enim in nostra hac facultate usu uenit, ut aliqui in qualibet ætate nascantur, qui sibi arrogēt. Vnde Pli. medicinam artem Interpolē appellat: hi ( ut uideantur potius quā sint ) omnia immutant, omnia peruertunt, ad eō ut multis occasionem dederint hanc artem inconstantissimam appellandi, quum nulla constantior, firmior ue sit. SEN. Succurrit ne tot affectibus, quot Mesue enumerat hoc acetum? BRA. Imō & pluribus quā à Mesue dicantur: nam Pli. cap. ij. li. xxij. inueteratum magis probari docet, & prodesse acescentibus cibis, nam gustatum potius eam discutit:

discutit: etiam prodesse his qui ieiuni uomunt; nam cal-  
 lum faucium facit, ac stomachi: odorem oris tollit, gingi-  
 uas adstringit, dentes firmat, colorem meliorem præstat:  
 tarditatem quoque aurium gargarizatione purgat, &  
 transitum auditus aperit: oculorum aciem obiter exacuit,  
 comitialibus, melancholicis, uertiginosis, uuluarum stran-  
 gulationibus, percussis, ac præcipitatis, & ob id sangui-  
 ne conglobato, neruis infirmis, renum uitijis perquam uti-  
 le, cauendum exulceratis. Adde à Dioscoride plura alia  
 dici, quàm à Plinio scripta sint: sed in genere uehemen-  
 ter incidit. SEN. Quum apud authores tot diuersitates  
 inueniantur, quomodo confecturus sum ego? BRA.  
 Apud Latinos diuersitates solum in tēpore sunt. SEN.  
 Fuere ne alij antiquiores Latini, qui præter Plinium de  
 hoc aceto tractarent? BRA. Columel. lib. XIII. ca-  
 pite XXIII. acetum scilliticum, & eius composi-  
 tionem edocet, parum à Plin. differens, nisi in numero  
 dierum quo insolatur. Palladius in Iulio mense capite  
 octauo, de hoc aceto agit, & præparandi modum osten-  
 dit: qui & ipse in diebus insolationis differt. SENEX.  
 Plinij locum non indicasti, quo hoc acetum parare do-  
 cet. BRA. Et locum indicabimus, & uerba afferemus,  
 ut eius more conficere possis. Locus est x. lib. capi-  
 te IX. Vbi de scilla agit, inquiens: Scillarum in medi-  
 cina alba est quæ masculus, fœmina nigra: scilla quæ can-  
 didissima fuerit, utilissima erit. Huic aridis tunicis dire-  
 ptis, quod reliquum è uiuo est, consutum suspenditur li-  
 no modicis interuallis. Postea arida frustra in cadum ace-  
 ti quàm asperrimi pendentia immerguntur, ita ne ulla

parte uas contingant. Hoc fit ante solstitium diebus XLVIII. Gypso deinde oblitus cadus ponitur sub tegulis, totius diei solem accipiētibus. Post eum numerum dierum tollitur uas, scilla eximitur, acetum transfunditur.

SEN. A Mesue non parum differt, is tamen non est. Hoc etiam loco Plinius, eius uires describit, inter quas hoc mirum dictu ponit: Sed tanta (inquit) uis est, ut auidius haustum extinctæ animæ momento aliquo speciem præbeat.

SEN. Mirum dictu hoc est. BRA. Mirum quidem, sed non impossibile: nempe & nostro tempore huius generis ardentes aquæ parantur, quæ semimortuos per aliquod temporis spatium reuiuiscere faciunt.

SEN. Scio, & iam ego tuo nomine paravi. BRA. Alias parasti. Nunc uero unam ab alijs diuersam parare incipies in gratiam Illustrissimi & excellentissimi

HERCVLIS Ducis Ferrariæ quarti, quæ nobis Deus optimus diu seruet: de qua mira plerumq; uidi, adeò ut tres guttæ quandoq; aliquem adeò reuiuiscere fecerint, quod domui suæ opportuna disposuit, testatus est, & trium dierum spatio adhuc superuixit, qui debebat eadem hora mori. Nonnulliq; Carmelitæ iudicarunt hanc compositionem eam esse, qua Clemens septimus Pontifex maximus uita ferè desitutus, per aliquot dies superuixit. Sed Deus optimus, qui gregem suum ab eo pastore liberare uoluit, huius aquæ uires confregit. Tamen hæc cōpositio, quam faciemus, illa adhuc potentior est, quam pontifex haussisse dicitur.

SEN. Quidam author noster, qui Seruitor inscribitur, alios quosdam modos acetum scilicet parandi docet: at ego quem imitari debeam ignoro.

ignoro. BRA. Quum antiqui inter se disidentes sint, & potissimum in tempore quo insolatur: propterea a tua consuetudine te dimouere nescirem, ut Mesuen sequaris, qui à Græcis, & Latinis parum euariat, & in tempore insolandi XL. dierum spatium accipit, quod tempus apud medicos in pluribus criticum est. Scias autem quemadmodum mulieres nostræ singulis annis oleum rosaceum parant, ut eo per totum annum utantur quando opus erit, ita antiquiori tempore quisq; acetum scilliticum pro usu domus conficiebat, nec paulatim exhibere uerebantur quousq; ad cyathum unum & duos sumerent. Sed de hoc aceto satis. SEN. Igitur de oxymel scillitico loquamur. BRA. Loquamur, postquam Oxymel scillitico. Græci, Latini, & Arabes de aceto scillitico inter se differunt. Sed quo modo hoc mel scilliticum paras? SEN. Mesuen sequor, nempe accipio mellis despumati libras tres, aceti scillitici libras duas, simul coquo cum facilitate semper despumando, quo ad perfectam syrupi formam habuerit. Quo confecto, ad medicos usus seruo, quando materię ualde frigida sunt, ualde glutinosa, & tenaces, & quæ in locis sunt à quibus difficulter euelluntur: ualet etiam ad uentriculi, capitis, & uiscerum egritudines, ad uiscisæ mollificationem, & ad eructationem acetosam. BRASAVOLVS. Quo modo sine aqua conficere potes? SENEX. Ego aquam non addo. BRASAVOLVS. Ego autem addendam puto: ut postea semper despumando coquatur: & hoc est, quod Mesue dicit, et perficitur decoctio eius, ut diximus in speciebus secantiabim. Ibi autem



aquam ponit. Ideo iudico, quod aquæ libras IIII. i. iniicere debeas. Nam sicut in secaniabim de radicibus aqua est duplum aceti, ita hic aqua duplum aceti esse debet, etiam aqua in simplici secaniabim acetum in maiori copia superat. Sed quod dixi satis est. Semper autem ob perfectiorem cocturam aquam iniicerem, et ob eam causam quam dicit Mesue in oxymelle simplici. SENEX. Deinceps semper ita agam. Antiquiores autem de hoc Oxymelle scillitico tractarunt ne? BRA. De hoc nunquam, sed Paulus Ægineta libro VII. capite XI. aliterius oxymelitos scillitici meminit, quod in tua officina Oxymel scilli- confectum uoluerim: appellabiturq; oxymeli scilliticum ticum compos compositionem, ni pigeat situm. edoce. BRASAVOLVS. Hæc est, quam dicam:

Recipe Interaneorum mollium Scillæ	lib. ij.	
Aceti acrioris albi	)	æstas xv.
Piperis	)	
Petroselinum macedonici	)	añ. vnc. ij.
Dauci cretici	)	
Ameos	)	
Anisi	)	
Nardi gallicæ	)	
Libyatici	)	ana semissem
Assari	)	
Cardamomi	)	
Spicæ nardi	)	
Amomi	)	
Rha pontici	)	

Fœniculi

Fœniculi )

Seminis cymini )

Laserpitij )

Zinziberis )

Pyrethri )

Hissopi cretici )

Costi )

Pulegij )

Menthæ uiridis, fasciculum unum.

Rutæ uiridis tenerioris caules quinq;.

Mellis attici xestam unam.

Hepsematis, id est sapæ, xestas duas.

Apij uiridis fasciculum unum.

Interanea Scillæ candida concisa conijce in acetum,  
 & per dies septem sub ardentissimo canis æstu macera-  
 ri finito, deinde scillam subleuans, arida quidem iam con-  
 cisa, uiridia uero integra aceto insere, & post septem  
 dies rursus omnia extrahens, aceto immitte mel cum he-  
 psemate: quibus decoctis usq; ad crassitudinem in ua-  
 sculo uitreo reconde. Hæc est Pauli compositio, qua (in-  
 quit) uel ante prædium propinationis loco uti debemus,  
 uel post cibum ueluti in salsamento. SEN. Hæc certe  
 magna compositio est. Mesue & ipse secundum Demo-  
 critum scilliticum oxymel parare docet, sed cum isto ni-  
 hil habet, omnino sum ipsum paraturus, sed opus erit,  
 quod simplicia quædam edoceas. BRA. Libenter fiet.  
 SEN. Nunc de Oxyzachara sermo fiat. BRA. Her= Oxyzachara.  
 molauit Barbarus Oxymel simplex, si cum zucharo fiat, Oxyfubar.  
 & non cum melle oxyfubar uocari inquit: & re uera,

id est suum proprium nomen : sed alia compositio est quam uos Pharmacopole pro Oxyfachar paratis, & corrupto uocabulo Oxyzachara dicitis. SEN. Est compositio Nicolai, quæ recipit tres res, acetum, succum granatorum & zucharum. BRA. Ego quandoq; ex solo aceto parari iubeo, quandoq; ex solo granatorum succo, quandoq; ex uino Omphacio, quandoq; ex limoniam, uel narantiorum uocatorum succo, ut sumentis conuenit. Nikolaus per hunc ordinem suum Oxyfachar fieri iubet, ut recipiantur zuchari libra una, succi malorum granatorum vnc. viij. aceti vnc. iij. ponantur ad ignem in uase stanno circumlinito, & bulliant semper spatula agitando, donec ad quantitatem zuchari uel fere deueniat. BRA. Est potus suauis, qui febrium tertianarum inflammationes sedat, qui bilem in uentriculo purgat, qui etiam plurimum aperit. Et Oxyfachar loco oxymellicis tutius uti poteris : quoniam ratione mellis ita nocere non potest, ut oxymel facit. Quippe certus sum si Hippocrates & Galenus zucharum nouissent, Oxyfachar componendum uoluissent, minori dispendio, quam oxymel. SEN. Gaudeo quoties apud nos aliqua esse inuentio, quæ antiquioribus illis recondita, & occulta fuere. BRA. Certum est omnia non nouisse antiquos, in multis tamen diligentiam habuere. In uno autem in Oxyfachar te attentum faciam, quod zucharum non clarifices. SEN. Ita semper paro. BRA. Bene est.

SE N E X.

*Mel uiolatum.*

**M**EL uiolatum considerandum prætermiseramus. BRA. De illo agendum erat, quando de syrupo uio

po uiolato & infusione uiolarum loquebamur. Vt autem de ipso perfecte loquamur, quibus utaris edoceas. SEN. Ego in mea officina mel uiolatum, & Zucharium uiolatum habeo. Zucharium uiolatum eodem modo paro, quo rosatum, unicuique libræ Zuchari vnc. iij. uiolarum, id est florum uiolarum exhibens. Etiam mel uiolatum ex infusione eodem modo conficio, sicut mel rosatum ex infusione rosarum, quia ex infusione uiolarum et melle, mel uiolatum paro. BRA. De uiolato Zucharo errare non potes, quia à Mesue perfectam normam habes, & ab eodem de uiolato melle etiam regulam habes, quia uel sit colatum, uel non colatum. Si quidem colatum fiat, Mesue regulam tribuit, duarum uiolarum partes sint, & sex mellis, ut etiam in Zucharo facis. Tamen huius mellis rarus usus est. Si uero colatum facias, unus est modus cum infusione uiolarum, de quo superius egisti. Alius est modus ex puro uiolarum succo. Tertius est modus, qui mihi summè placet à Nicolao factus, ut in x. lib. albißimi & purißimi mellis despiunati (secundum Nicolaum, secundum nos autem mel ad aurum inclinet) ponatur succi recentium uiolarum lib. j. cum igni apposita sunt, ad de uiolarum recentium cultro incisarum libras iiii. & bulliant semper miscendo, ad consumptionem succi. SEN. Quandoque solebam hoc modo parare. BRA. Siccitati pectoris, & lenta febre affectis plurimum conuenit.

SENE X.

**P**aucissima inter syrupos consideranda uidentur. Si Diamorum quid sit, Diamorum est. BRA. An inter syrupos simplex. Diamorum numerari debeat, nec ne, in dubio est, tu quia

Mesue inter genera Loch ( ut eius uocabulo utar ) numeravit, tum quia syrupi more non bibitur. Sed de hac re digladiari non liceat, modo compositionem ipsam cognoscamus. Quod genus Diamorū paras? SEN. Quod omnes alij, illud scilicet quod à Nicolao edocetur, qui in hunc modum conficit:

Recipe mororum celsi	lib. ʒ.
Morum bati	lib. j.
Mellis	lib. ʒ.
Sapæ	unc. iij.

Ita etiam conficio: Sumo succum mororum cum melle & sapa in uase æreo stanno circunlito, & suauiter decoquo: cum autem an coctum sit cognoscere uolo, guttam supra marmor pono: & si inhereat, coctum est: adeo autem inhereat, ut si digito tangam, resiliat, tunc coctum est: hoc uiso percolo, & in uase stanno circunlito usui reseruo. BRA. Vsus eius magnus est in palati exco-  
riationibus, quando uua deciderit, & materia aliqua impletur, ubi in gula ardor persentitur, aut feruor quidam ingens. In principio etiam synanches plurimum ualet. Sed Mesue aliam compositionem habet, quam Diamorum appellat, in ea distinctione ubi de Loch tractat, quam etiam plures faciunt, & quam ad omnes gutturis & uua apostemata ualere dicit, & ad omnem præsecationem:

Recipe succi mororum dulcium	)	
Morum de sceni	)	añ. lib. j. ʒ.
Rob	)	
Mellis	)	ana lib. j.
		Coquantur

Coquantur cum facilitate usq; ad mellis spissitudinē,  
 & serua. Appellaturq; simplex Diamorum. Sunt autem  
 quicum maior necessitas ingruit, addunt

Aluminis	)	
Myrrhæ	)	añ. partes æquales.
Croci	)	
Succi agrestæ	)	

SEN. Ego nunquam hæc uel addidi, uel addere uidi.

BRA. Ego autem in Diamoro quandoq; & hæc & alia  
 ( ut opus est ) addo. Sed unum admoneo, Mesuen huic  
 compositioni hæc addidisse, quæ à Galeno adduntur VI.  
 lib. de compositione medicamentorum secundum loca,  
 qui liber à barbaris Miamir nuncupatur : & quauis ea=  
 dem præcise à Galeno in hanc compositionem non inij=  
 ciantur, tamen eandem intentionem sequitur. Eo enim  
 loco duas Diamori compositiones describit, quarum alte=  
 ra Andromachi, altera ipsius Galeni est. Galenus docet  
 nos puro succo uti debere phlegmone incipiente, & ego  
 eo utor, quum recentia mora in sua arbore pendent: alio  
 enim tempore cū defunt mora, eorū succus melle mixtus  
 seruatur: tamen sine melle uehementius repellit. Quod  
 in phlegmonum principijs queritur, post principium,  
 quia simul & repellere, & resolueri indigemus, tunc  
 cum melle conuenit. Tamen Galenus in principio simul  
 cum succo, quandoq; Rhum, id est sumachium dictum mi=  
 scebat, quandoq; omphacium: quibus deficientibus, ro=  
 sarum flores sumebat, aut siccas rosas, aut balaustium,  
 aut gallam, aut thus, aut hypocistida, aut succum lenti=  
 sci, aut ( ut breuib; expediat ) aliquod adstringens,

quod uim repellendi habeat. Et hæc est in principio omnium phlegmonum intentio repellere: post principium ad concoquendum myrrha & crocus adduntur: postquam coctio facta sit, iniiciendum est aliquod discutiens, ut nitrum, aphronitrum, sulphur, uel origanum, uel pulegium, uel thymum, uel aliquid simile. S E N. Quomodo parabat Galenus suam Diamorum? B R A. Hoc modo:

Recipe Mellis	lib.	j.
Succi Mororum rubi	lib.	v.
Croci	)	
Myrrhæ	)	añ. 3. j. 6.
Omphacij		3. j.

Hic modus Diamori à Paulo Aegineta lib. VII. cap.

Diamorum compositum.

XIIII. Diamorum compositum appellatur, quod à Galeni Diamoro in aliquibus & in simplicium poderibus differt. Est autem Pauli Diamori compositi descriptio ea quæ subsequitur:

Recipe mororum succi cotylas sex, coquas ad strigmenti balneorum crassitudinem.

Croci contriti	denarium j.
Myrrhæ	denarios ij.
Omphacij	denarium j.
Schisti lapidis triobolan	
Mellis Cotylam unam	

Decoquito quousq; crassitudinem induat. S E N. Si Paulus Diamorum compositum hoc appellat, necesse est, quod simplex prius edocuerit. B R A. Imò id egit: nam eodem loco duo Diamori simplicis genera ponit. Alterum ex mororum succi sextarijs tribus, quibus antea decoctis

decoctis ad consumptionem tertiae partis, inijce mellis sextarium unum, & denuo ad mellis spissitudinem decoquito. Alterum ex succo mororum batmorum; id est ex rubis nascetium facit, quod primo adstringentius est. propterea & Galenus uel ex moris celsi, uel rubi conficit. Sed ex rubi moris magis laudat. SEN. In tam ampla authorum discordia quid agendum mihi est? BRA. Laudarem ego, ut duo haec Diamori simplicis genera, quae à Paulo fiunt, seruares: nam post primum, secundo uteremur. Si deinde uehementiori percussione indigeremus, repellentia, ut Galenus facit, addemus: quando resolutio ne opus erit, resoluentia inijciemus. Hi autem authores sapiam non ponunt, quae in hac compositione mihi summè displicet, quamuis & à Serapione, & à multis alijs addatur. SEN. Cum etiam Hali. x. lib. eius practicae aliam compositionem huius Diamori sequatur, & aliam. Mesue in capite de Squinantia, quam ego imitari debeo? BRA. Si duas Pauli simplices compositiones habere non uis, simplex Diamorū ex moris celsi, uel moris batinis conficito, quod solum habeas: medici uero pro egrorum necessitate, secundum uaria morborum tempora addent. Si autē ( ut officina tua copiosior sit ) Diamorū compositū habere studeas, illud ex Galeno praeadductū, magis quā id ex Paulo parato. SEN. Cū Nicolai Diamorū sapiam recipiat, estne idem modus apud omnes tum antiquiores tum recētes. paradi sapias? BRA. Rem discutiendā moues, quae magni momenti est in nostra arte. Sed posteaquā in hāc arenā descēdimus, omnia cū recētū, tum antiquorū luminina euoluemus, quoad tibi pro parte satisfactū esse



cognoscamus, & hoc tanto libentius agemus, quia sapa unum est ex his, quæ simplicium examine tua incuria omisa sunt. Ab Arabibus autem initium sumamus. Cum in

*Rob.* Arabum, & Mauritanorum compositionibus *Rob.*, uel *Robub.* *Robub.* simplici uocabulo inueneris, saram intelligere oportet. & hoc perpetuo. nam id uocabulum, succum significat: sapa uero per excellentiam succus appellatur, quia una excellens res est, quæ succum delectabilissimum facit. *SEN.* Vinum igitur erit *Robub.* *BRA.* Duo existuntur, ut aliquod sit *Robub.* *Vnum*, quod sit succus. aliud, quod sit inspissatus ad formam mellis. In alijs succis ad saram ipsam exemplum sumimus, quando de eorum inspissatione tractamus, fiat ad formam *Rob.*, uel

*Sapa.* *Robub.* id est ad formam sapæ. Omnis ergo inspissatus succus *Robub.* dicitur, sed per excellentiam sapa simplici uocabulo *Robub.* uocatur. Vt autem uere sit *Robub.*, opus est in primis, quod succus defecatus sit, deinde per solis aut ignis calorem tantum inspissetur, ut sine corruptione longo tempore seruari possit. Vnde Ferrarienses mulieres per duos & tres annos saram integram seruât. Antiqui duo genera sapæ, imò tria habebant, per uarias cocturas distincta. *Vnum* genus erat, quod ebulliendo, ad tertiam partem resoluebant: aliud ad dimidium. pri-

*Hepsema.* mum à Græcis *σιρπι*, & *ήψημα*, id est *Sireu*, uel *hepse-*  
*σιρπι* & *μα*, Latini saram uocant. secundum *Defrutum* dicitur.

*Defrutum.* hoc *Plu. lib. xiiii. cap. ix.* docet, inquit, nam *Sireu*, quod alij *hepsema*, nostri saram appellant, ingenij non nature opus est, multo usque ad tertiam partem mensuræ decocto. Quod ubi factum ad dimidium est, *defrutum* uocamus.

uocamus. Omnia in adulterium mellis excogitata. Et lib. x x i i i. cap. i i. inquit: Vino cognata res sapa est, uino decocto, donec tertia pars supersit : ex albo hoc melius. SEN. Igitur ex tribus partibus duas resoluebant in sapa? BRA. Ita est. SEN. Ego autem Plinium intelligebam quod tantum tertia pars resolveretur, & duæ relinquerentur. BRA. Ille non est Plinij sensus, quod ostenditur cum ex hoc cap. i i. lib. x x i i i. ubi inquit, decocto donec tertia pars supersit. Siquidem superest tertia pars, indicium est quod aliæ duæ partes euanuere. Imò & illud ex illo loco noni capitis lib. x i i i i. colligi potest, ubi inquit, Musto usq; ad tertiam partem mensuræ decocto. Sed quia hæc uerba non magis id significant, quàm qd' sola tertia pars resoluatur, propterea id quod sequitur ostendit, quod duæ partes resolui debēt, & una superesse. Sequitur autem, Quod ubi factum ad dimidiū est, defrutum uocamus. ac si dicat, Sapa est quoties adeò resoluitur ut tertia pars supersit : at in hac resolutione quando ad dimidium peruenitur, defrutum uocamus: cum uero usq; ad resolutionem duarum partium transitus sit, est sapa, uel Hepsēma, ab Hippocrate Hepsēton uocatur. Hepsēton. Nonius autem dicit suo tempore sapatam uocatam esse Mellacium, fortè quia mel recipiebat, ut nonnullæ ex nostris mulieribus faciunt : uel quia loco mellis utebantur, cuius dulcedinem representat. Est & tertium genus, quod fit ex resolutione unius partis ex tribus, & Calenum. Calenum. num appellabatur. SEN. Quod nostræ mulieres singulis annis parant, quomodo appellari debet, aut in quo genere ponendum est? BRA. Non est defrutum, neq;

sapa, neq; Calenum, quia ex quinque partibus quatuor  
 resoluunt: forte quia una nostra Ferrariensis adeo po-  
 tentia non sunt, ex quinque enim situlis adeo bulliunt, ut  
 una tantum relinquatur. Quæ autem meliorem & sua-  
 uiorẽ sapam parare uolunt, uvas bene maturas deli-  
 gunt, & pinsunt: aliter non est suavis sapa, & quæ sa-  
 cile putrescit. Vt autem quidam acor è sapa adimatur,  
 mulieres nostræ cydonia inijciunt, ut simul bulliant. Si  
 cydonijs carerent, poma alterius generis, modo dulcia  
 sint, accipiunt. Decipiuntur autem recentes, qui uolunt  
 hoc tertium genus sapæ dici carenum, quia tertia parte  
 carcat. Imò illius sententiæ fuit Isidorus. Atres aliter est:  
 nam calenũ dicitur à Caleno oppido, & Caleno monte,  
 qui distat  $\times 1111$  millibus passuum plus minus à Capua  
 capite & primaria olim Campaniæ urbe. Nunc oppidis  
 Ferrariæ propinquis uix similis est. Distatq; Calenus  
 mons à Sessa nunc urbe, non Sinuessæ, quatuor millibus  
 passuum plus minus. In Caleno autem monte nunc nec  
 oppidi uestigia extant. Hac hyeme ea loca uisitaui-  
 mus, quoniam ab antiquis celebrata sunt, cum illustrissimus  
 Princeps & patronus meus HERCVLES Estensis  
 Dux Ferrariæ quantus Neapolim ad CAROLVM  
 V. Imperatorem proficisceretur. Ad Calinum mon-  
 tem equitaui, uina Calena bibimus, quæ suauissima  
 sunt. Propterea Horatius uolens Mæcenatem allucere  
 ex uino, ut secum in cœna sit libro primo Carminum,  
 Ode 11. inquit: Prelo domitam Caleno Tu bibes  
 uiam. & Iuuenalis: Molle calenum porrectura uiro.  
 BENEX. Vuarum igitur genera magis & minus sa-  
 pam

pan coqui faciunt? BRASAVOLVS. Ita est, quia calena uina ut sapa perfectionem & formam enanciscerentur, solum indigebant resolutione unius partis ex tribus. Nostra autem uina indigent resolutione quatuor partium ex quinque. Imò & ex Caleno monte phalerna uina, nigra, dulcia & spumantia ueniunt. Nunc is locus idem nomen seruat: nam incolæ appellant li saluomi.

SEN. Possset ne haberi uniuersalis regula sine hac mensura? BRASAVOLVS. Possset, & hæc sit: Quodcumque genus uuæ, aut musti acceperis, adeò bulliat, ut mellis formam acquirat. SENEX. Si Græci in diamoro sapan non ponunt, miror quod Arabes & recentes iniecerint: nescioque unde ortum habuerit. Idque dubium mihi uidetur de re ipsa nunquid sapa in his gutturis affectibus, in quibus Diamorum conuenit, præsertim in principio sapa conueniat. BRASAVOLVS. Rem arduam moues, in qua non ita facile respondere possumus. Nempe Græci authores nonnulli in gargarismatibus & oris collutionibus, & ad inflammatas gingiuas sapa utuntur. Aëtius enim capite xx. lib. viii. de inflammati gingiuis tractans, primo asininum lac in ore detinendum esse præmonuerat: postea addit, & hoc quod ex uino ad tertiam usque mensuræ partem decocto apparatur, quod sapan dicimus, itemque Hepsima. & capite li. eiusdem viii. lib. idem Aëtius ubi ea ponit, quæ his qui in arterijs patiuntur conueniunt, & de arteriarum pharmacis loquitur, inter alia sapan exhibet, quæ Sireum quoque, & Hepsima appellatur: à uino autem abstinendum monet. & capite lxi. ubi de asperitate &

*suppressa uoce tractat, quando è pectore educere opus est, mel & sapaam addit. Paulus etiam Ægineta, ubi de raucedinis, arteriarum uel curatione loquitur, sireo, id est sapa utitur. Trallianus etiam lib. 11. cap. 1111. de destillatione tenuis materia à capite in asperam arteriam loquens, ex defruto & sapa compositiones facit, ubi de Diacodione sermonem fecerat: ex his fortè & similibus Arabes, recentes in principio phlegmonum gutturis, sapa utuntur, & eo præsertim quia Dioscorides lib. v. ubi de uino passo, & protropo disputat, inquit: Itè quod mulso decocto sit, & Sireum, ab alijs hepsima, & sapa dicitur. Si nigra euadant, pingua, copiosiq; alimenti erunt. Si alba, tenuiora. Si heluola, uariataq; mediam uim utriusq; naturæ ferent: omnibus tamen uis adstringendi, continendiq; adiuncta. Arteriæ languidos ictus recreat. Ex his habes secundum Dioscoridem, sapam uim restringendi habere, & ex consequenti repercutiendi: propterea ad inflammationes gutturis in principio ualere sumi potest. Sed his omnibus Hippocrates oppositus esse uidetur, qui in 11. lib. de ratione uictus inquit: Defrutum calefacit, madescit, & subducit: calefacit, quod uinosum est: madescit, quoniam nutrit: subducit quod dulce est. Vnde secundum Hippocratem colligere potes, in harum inflammationum: initijs sapaam exhiberi non posse: propterea (salua semper Dioscoridis pace) in principio inflammationum asperæ arteriæ, aut partium oris, ego nunquam uteror sapa. S E N. Quid dixit Dioscorides? B R A. Esse adstringentis naturæ. Quod si sit, in principijs conuenit. Nempe ab omnibus antiquioribus medicis,*

medicis, & ab ipsa ratione animaduertitur in principijs  
 repellentibus nos uti debere: postea resoluentibus, de-  
 niq; mitigantibus: quod bis aut ter à Paulo Ægineta li-  
 bro tertio capite xxvi. edocetur, & ab Aëtio locis  
 præcitatis: quos si contemplemur, in principijs sapa non  
 utitur: ab Alexandro Tralliano libro secundo capite  
 iiii. à Galeno in sexto de compositione medicamen-  
 torum per loca. SEN. Sapa quando fieri debet? BRA.  
 Quando uuæ sunt exquisitè maturæ: quamuis Plin. li-  
 bro xiiii. capite xxi. dicat, Ipsa quoq; defruta, ac  
 sapa, cum sit cœlum sine luna, hoc est in sidëris eius coi-  
 tu, neq; alio die coqui iubent. Præterea plumbeis uasis  
 non æreis, nucibus iuglandibus additis: eas enim fumum  
 excipere. Nostræ autem mulieres poma cydonia, aut a-  
 lia, si hæc defint, iniiciunt. Idem Plin. libro xviii. ca-  
 pite xxxi. de temporibus uindemiæ loquens, inquit,  
 hoc scilicet tempus, & defrutum coquendi, silente luna  
 noctu, aut si interdiu, plena. Quæ à Ferrariensibus mu-  
 lieribus nunquam obseruantur. SEN. Igitur sine sapa  
 diamorum parabo? BRA. Sine sapa: quippe Græci au-  
 thores sine sapa conficiunt, & Alexander Trallianus li-  
 bro i. cap. xli. ubi anginæ præsidia scribit, diamori  
 simplicis & cõpositi confectiões edocet. SEN. Quæ  
 sunt hæc? BRA. Pro simplici diamoro conficiendo reci-  
 pit succi mororũ sextarios quinq;, decoquito donec mel-  
 lis liquidi crassitudinem contrahat: deinde mellis sexta-  
 rium unum adijcito, & iterum coquito, donec mellis den-  
 sitatem obtineat. SEN. Quomodo facit suum compo-  
 situm Alexander? BRA. Nunc dicemus.

Diamorũ com-  
 positum Alex-  
 andri.

Recipe succi mororum Sextarium unum

Croci )

Myrrhæ )

Denarium pondo duum.

Omphacij tosti & in puluerem redacti denarij pondo unius.

Aluminis

Denarium pondo duum.

Mellis

Sextarium dimidiatum.

Succus mororum per horam arescat: inde igni admodus parum spissior reddatur: mel autem iniectum ad tertias decoquito, & ubi gelaſcere coeperit, pulueres quoque miſce: & ſicubi incidat uſus, utere. SEN. Tamen hoc composito in principio uti non debemus. BRA. Non equidẽ: imò ipſemet Trallianus ubi ſimplex diamorum deſcribit, hoc obſeruandum monet, ut ἡ τῆς ἀρχῆς, id eſt in principio adhibeantur quæ reprimendi uim habent, ἡ τῆς ἀκμῆς, id eſt in ſummo uigore quæ digerendi, ἡ τῆς ὑποκμῆς, id eſt in declinatione, quæ leniendi phlegmonem, mitigandiq; facultate prædita ſunt. Imò Paulus Ægineta præcitatæ locis mel in principio miſcendum eſſe non uult, ſed in augmento ſolum. Addimus autẽ nos mel, ut diu ſeruetur: aliter breui corrũperetur & diu ſeruari non poſſet. SEN. Cum in ſimplicium examine mora prætermiſerimus, ab re non erit, ea hoc loco traſlare. BRA. Id libenter faciam à recentibus initium ſumens: nam ex his in antiquam harum rerũ cognitionem ueniamus. Apud nos duo mororum genera reperiuntur ex colore alba. loribus diſtincta, Albam, & Nigram. De albo moro nihil apud Theophraſtum, Dioſcoridem, Plinium, Catonem, Palladium, Columellam, aut aliam ex antiquioribus,

bus, qui de re rustica aut plantis locuti sunt. SEN. O rem miram, quam audio. Igitur antiqui album morū igno-  
rarunt? BRA. Ita uidetur. SEN. Tamen sericum ha-  
bebant. BRA. Habebant & bombyces, sed nigro moro  
utebātur, & suos bombyces isto pascebant: & si huius  
mes nigro moro uestantur, sericum pulchrius, splendi-  
diusq; fit. SEN. Fieri potest quod antiquorum aliquis  
de albo moro locutus non sit? Res est, quæ mihi ferè im-  
possibilis dictu uidetur. BRA. Nullus, præter Ouidium  
album morum, uel à longe descripsit. SEN. Non pos-  
sum non ualde mirari de antiquioribus, & præsertim de  
Plinio omniū sagacissimo. BRA. Fortè Plin. album mo-  
rū præterijt, quoniā à Theophrasto eius mētio nulla fit,  
quæ in plātārū historia adeò imitatur, ut eius simia uere  
dici possit. SEN. Nec illud dici potest, hos uiros ideo al-  
bū morū omisisse, quia arbor notissima esset, quoniā de  
ualde notioribus historiā scripsere, & de uilioribus: &  
huius arboris foliū ad pascendos uermes mollius est, quā  
mori nigræ foliū, & nūc tota Italia folijs huius albæ mo-  
ri uitur. Sed quo loco, & ad quod ppositū de alba mo-  
ro sermonē habet Ouidius? BRA. Est in IIII. lib. Me-  
tamor. ubi Thysses & Pyrami insolētes amores descri-  
bit. Quippe locū quendā statuerūt, in quē ambo cōueni-  
rēt: locus autē erat notissima morus, sub qua alter alterū  
expectare debebat. Ne autem carmina quæras, hæc sunt  
quæ dicā: Ne uē sit errandū lato spātiatibus aruo, Cōue-  
niant ad busta Nimi, lateantq; sub umbra Arboris, arbor  
ibi niueis uberrima pomis Ardua morus erat gelido con-  
termina fonti. Imò Ouidij sententia uidetur, quod omnia



mora prius alba fuerint: deinde ob Pyrami & Thyſbes ſanguinē, nigra effecta ſint. Ideo deinceps cum ſeipſum perimit Pyramus, in hunc modum canit: Quoq; erat ac-  
cinſus, demisit in ilia ferrum, Nec mora ſeruenti mo-  
riens ē uulnere traxit, Et iacuit reſupinus humo, cruor  
emicat alte, Non aliter quā cum uitiato fiſtula plumbo  
Scinditur, & tenui ſtridente ſoramine, longas Eiacula-  
tur aquas, atq; iſlibus aëra rumpit. Arborei ſæctus aſper-  
gine cædis, in atram Vertuntur faciem, mædæfactaq; ſan-  
guine radix Purpureo tinxit pendentia mora colore.

SEN. Hæc mihi uidentur anilia fabulamenta, quæ hye-  
me apud ignem puerulis recitantur. BRA. Fabulamen-  
ta uidentur, ſed quæ ſub tegmine philoſophiæ myſteria  
tegunt: & quæ poſſunt ſaltem teſtimoniū reddere apud  
Romanos mora alba extitiſſe. Nam deinceps cum Thyſ-  
be ſe perimit, deos rogat ut arbor ſuæ cædis teſtis ſit: &  
ſicuti Pyrami ſanguine tinctæ erat, etiam ſui ipſius ſan-  
guine tingatur: propterea canit Ouidius: Vota tamen te-  
tigere Deos, tetigere parentes, Nam color in pomo eſt  
ubi permaturuit ater. SEN. His nugis omiſſis, ad rem  
noſtram redeamus. BRA. Apud antiquiores authores

*Mora nigra.* alba mora non extant, ſed nigra ſolum, quæ ſycaminea  
appellabantur, & ſycomora, id eſt Ægyptia ficus, &  
mora rubi. Sycomorum non habemus. SEN. Arbor illa

*Sycaminea.* procera, quæ nunc Ferrariæ paſſim uirct, quam uulguſ

*Sycomora.* ſycomorum appellat, non eſt ergo ſycomorus? BRA.

Non equidem: eſt tamen ſycomorus procera arbor, ſed  
fici ſimilis, quæ fructum moro maiorem, & ficu mino-  
rem gignit, dulcem, ſuauem, & qui granula non habeat

ut

ut morum. SEN. Igitur sycomoro caremus. BRA. Caremus, ideo prætermittatur: extant apud nos mora nigra, quæ uulgò celsi mora uocantur, putant recentes ob arboris celsitudinem celsi mora nūcupata esse, sed apud antiquos absoluto uocabulo mora dicuntur, & cum mora dicuntur, hæc intelligunt, quæ etiam appellant sycamina: quamuis hæc nomina Attica non sint, ut Galenus libro secūdo de alimentorū facultatibus docet. Sed (ut inquit) quibus placet Atticismus, his non placet medicæ artis ueritas. Ab Arabibus hæc mora, quæ à recentibus celsi mora dicuntur, Tut uocantur, ut ex Serapione capite CXXXII. de simplicium medicamentorum facultatibus colligere licet: eo autem loco Galenum adducit. Sunt igitur hæc mora, quæ supra arbores proceras nascuntur, & quibus in mense Maij & Iunij uestimur, & quæ aduersari stomacho, & facile corrumpi Dioscorides & Galenus dicunt, ea quæ ab antiquis absoluto uocabulo mora dicuntur. Sunt præterea mora bati, quibus Galenus & Paulus ad componendum Diamorum libentius utuntur. In rubo nascuntur multum differente Callo. ab Hippocrate maratha nuncupantur. Sed Her- molaus Hippocratem emendat, ut legendum non sit μαράθα ἀπὸ βάτῃς, id est maratha à bato: sed μάρα τὰ ἀπὸ βάτῃς, id est mora à bato, id est rubo. Nos autem trium mororum genera in humilibus plantis nascentia cognoscimus. Vnum supra rubum: aliud supra ideum rubum. Tertium quod uulgò mora campagnola appellamus, inter campos nascitur & inter arua, humilis arbuscula, spinosa, folia tamen rubi & eiusdem generis morum

duorum, trium, quatuor, aut ad summum quinque; ac morum fert. SEN. Possuntne hæc ad certa genera & communiora nomina duci? BRA. Duo sunt Latina nomi-

*Rubus.* na, quibus hæc omnia significantur, rubus & sentis.

*Sentis.* Plinius hoc nomen rubus scribit, & eo utitur. Columella hoc nomine sentis utitur: ut apud Latinos hæc duo nomina generalia sint, rubus & sentis: sed apud Græcos generale nomen est βῆλος. Propterea cum apud Galenum, aut alium authorem Græcum legimus μῶρα τῆς βῆλῆς, hæc intelligimus. Sed nostri his uocabulis differentias addunt, quod & Græci prius fecere. Nam apud La-

*Rubus caninus.* tinos differentie sunt, rubus caninus, rubus Idæus, rubus terrestris, uel sentis canis, uel caninus, sentis humilis, uel terrestris, sentis Idæus. Græci autem habent κυνόβατον, baton Idæum, Chamæbaton. SEN. Nondum

*Rubus Idæus.* edocuiſti, quid eſſent hæc mora apud nos. BRA. Nunc

*Rubus terreſtris.* id agemus. Mora quæ in ſpinis ſunt ſupra rubos in ſentis.

*Sentis caninus.* ticetis, & pro tuendis noſtris aruiſ a beluiſ & hominiſ

*Sentis Idæus.* bus, abſolutè mora rubi dicuntur, uel mora ſentis, uel mora ſentis canis, uel mora bati, uel batina. SEN. Hæc co-

*Cynobaton.* gnosco: & hiſ utor in diamoro. BRA. Dioſcorideſ di-

*Baton Idæum.* cit nuncupari mora uaticana. ab Arabibuſ Suleich dicun-

*Chamæbaton.* tur, ut Serapio teſtiſ eſt, capite CXXIII. ſui libri de

*Mora uaticana.* Suleich. ſimplicium medicamentorum facultatibuſ, præſerti-

ſi ipſum Galeno conferaſ, eo loco quo de rubo ſermonem habet. Adeſt & apud noſ in foueiſ quæ agroſ diſterminant, & alienoſ greges arcent, genus quoddam rubi breuiſ ſpinas habent & tenellaſ, ipſaq; arbuſcula tenella

*Rubus Idæus.* eſt, & flexibiliſ, hoc genus rubuſ Idæuſ nuncupatur.

SEN.

SEN. Putabam in Ida monte solum nasci. BRA. Non dicitur Ideus quia solum in Ida monte nascatur, sed ob magnam copiam, quæ ibi uiret: tamen & in Ferrariensibus senticetis Idæi rubi pullulant. SEN. Nos moris Idæi rubi, & rubi canis indiscriminatum utimur. Dic autem quæ sunt apud antiquos illa mora parua ualde nigra, quæ in aruis nascuntur, & multum adstringentia sunt? BRA. A Græcis arbuscula illa χαμαίβατος Chamæbatos, id est humilis rubus, uel terrestris rubus, uel sentis humilis nūcupatur. hoc est genus illud rubi, quod facit mora apud nos campagnola appellata, quæ nigra sunt, parua, & ad summum quinque granula coaceruata habent, de quo rubo Theophrastus tertio de plantarum historia meminit, cū inquit: ἔστι δὲ καὶ τὸ βάσις πλείω γένη, μέγιστον δὲ ἔχοντες διαφορὰν, ὅτι ὁ μὲν ὀρθοφυὴς καὶ ὑψὺ ἔχων, ὁ δὲ ὑπὸ τῆς γῆς καὶ εὐθὺς κατὰ νένωρον. καὶ ὁ αὖ συνάπτει τῇ γῇ, ριζὶς μὲν παλιν, ὅν δὲ καλεῖσιν τινὲς χαμαίβατον. ὁ δὲ κυνόςβατον καὶ καρπὸν ὑπὲρ ῥυθρον ἔχει, καὶ παρὰ πλείονος τοῖς ῥοιῶς φύλλω. ὅστις δὲ δένδρεος καὶ δάμνεος μετὰ καὶ παρόμοιον τῶν ῥοιῶν. ὁ δὲ φύλλον ἀγνώστου. Quem si interpretari uelimus hæc dicit: Amplius autem et rubi plura genera maximā habentia differentiā, quod hic quidē reclusus, & in altitudinē se habet, ille autem in terrā & deorsum inclinans: & statim cū terrā attingit, iterū radice facit, quē nōnulli chamæbaton, id est humilē rubū appellāt. Ille autē, quē cynosbatō, id est canis rubū uocāt, fructū habet rubetē similē illi punicæ, id est similē cytino punicæ. Est autē medius inter fruticē & arboreē, & punicæ similis, folio amcrine. Hæc Theophrastus.

SEN. Mihi uidetur Theophrastum uoluisse nostrum Rubum caninum in altū erigi. BRA. Id quidem absolute non dicit : sed ad alterum comparatione facta , qui humilis & terrestris appellatur , ideo dixit ipsum esse medium inter fruticem & arborem. SEN. Ex Theophrasto solum duo rubi genera sumi uidentur , caninus et terrestris : tamē adest & rubus absolute. BRA. Apud Dioscoridem tria genera Bati , id est rubi , uel sentis tantum inueniuntur : Cynosbato , de quo in j. lib. quem Serapio capite cxxv. Set appellat , & Batos absolute , & Batos Idæus : de quibus quarto libro tractat. Sed Batos absolute , id est rubus , & rubus Idæus non differunt , nisi spinis & loci abundantia. Ideo apud Dioscoridem solum duo rubi genera inueniuntur , Cynosbato , & Batos. Vnde & Galenus de duobus solum tractat , de Bato vi. lib. de simplicium medicamentorum facultat. & de Cynosbato vii. libro. Paulus & Aëtius eundem ordinem seruant : nam de Bato & Cynosbato duobus locis tractant , & de Rubo Idæo nusquam , tanquam de eo , qui non est distinctus à rubo nisi per teneritudinem , & spinas. Imo & Plin. solum de Cynosbato & rubo differit , quamuis libro xxiiii. capite xiiii. dicat Cynosbaton habere folium uestigio hominis simile , & Idæum rubum tantum in Ida nasci , cum tamen apud nos sit , & eo loco multa rubi genera enumeret , quæ reuera à Theophrasto , Dioscoride , Gale. & alijs distinctæ plantarum species ponantur. SEN. Ignoro adhuc , quid per hunc tuum inordinatum discursum inferre uelis. BRA. Hoc inferre intendebā , Theophrastum , Diosco. & alios  
Græcos

Græcos sibi ipsis consentire, & esse tantum duo rubi genera, scilicet rubus absolute, uel rubus terrestris, uel rubus humilis, & Cynosbatos, id est rubus caninus, quæ duo genera tantum enumerantur: nam rubus Idæus saltē uiribus à rubo humili non differt: nec de illo Galenus, Paulus, aut Aëtius tanquam de re distincta tractant. Nec impedit, quod Theophrastus uidetur sentire tria esse rubi genera, humilē, magnū, id est cani rubum, & mediū: quia ad duo reducuntur. Imò & Gale. in 11. lib. de Aliment. faculta. solū de duplici rubi fructu differit. Primo de rubo, postea de rubo canino. De rubo inquit: Rubi fructum nostrates homines à bato, batinum uocant. & deniq; addit: Omnia porro quæ ex mori succo medicamenta cōponuntur, ex huius liquore parata efficaciorē uirtutem acquirūt: postea de rubo canis tractat, inquiens: Canis rubi fructus longe adstringentiōr rubi fructu existit, ideoq; uentri supprimendo accommodatior. Rustici frequenter hunc existimant tenui alimonia, uocātq; Cynosbaton, id est canis rubum. Vt ergo in hac re finem faciamus, & deniq; receptui canamus, scito id genus sentis aut rubi, quod chamæbatos, id est humilis rubus à Theophrasto uocatur, à Dioscoride, Galeno, Paulo, Aëtio absolute Baton dici, à Plinio rubum, à Columella sentem. Est autem id quod Mora cāpestria à nobis uocata gignit, quæ inter campos nascuntur, & cum uindemia maturascunt, nigraq; fiunt dulcia, & ad summum v. aut vi. granula habentia. SEN. Illa sunt, quibus pro Bati moris in Diamoro conficiendo utimur. BRA. Illa conueniunt, & sumi debent. Illud autem quod à Theo-

phrasæ dicitur Cynosbatus, id est rubus canis, uel sentis canis, est ille et rubus, de quo Diosco. Gale. Paulus, & Aëtius agunt, & est ille qui apud nos dicitur Roueda, qui in Ferrariensibus foueis passim inuenitur, ad arcendas beluas, & furaces homines à cāpis, facitq; mora ad oliuæ magnitudinē. In Ferrariensi solo infiniti huius generis rubi inueniuntur. S E N. Nouimus, sed quid est rubus Idæus? B R A. Considera Ferrariensis agri senticenta, rubos inuenies qui paruas spinas habeant, raras, & qui magis tenelli sint, & eorum mora magis rubra sunt. S E N. Frequenter uidimus similes rubos, imò & sine spinis inuenimus. B R A. Hic est Idæus rubus, qui in multis Italiae partibus, præsertim per Apenninum sine spinis uiret. Rustici Mediolanenses huius rubi Idæi moris libenter uestuntur, nec spinas habet. ita in mōtibus Mediolano propinquioribus nascitur. Hæc mora ab incolis Næponi proprio gentis uocabulo appellantur. Hæc de Moris tibi dicenda uidebantur: nisi in mentē uenisset Seruius per fraga, Mora quæ in herbis nascuntur interpretari, in Damocetæ & Corydonis altercatione, cum Poëta canit: Qui legitis flores, & humi nascentia fraga. Si quidem terrestria mora intelligit Seruius, certe deceptus est. At si intelligit uera fraga quæ in Triphyllo nascuntur, ipse autem appellet mora in herbis nascentia ob similitudinem, quam fraga cū moris habent, Seruio adstipulamur: nempe multa sunt, quæ cum moris affinitatem habent, & ex substantia granulosa & acinosa cōposita sunt. S E N. Quæ sunt apud Auicennam Mora de sceni, quæ ipse amara esse fatetur? B R A. Ea nō intelligis, de quibus

Mora de sce.  
i.

quibus tractat lib. II. cap. CCCCII? SEN. Ea intel-  
 ligo. BRA. Aliàs quid essent dubitavi, ob id quod dicit,  
 Amarū autē, quod nominatur Morū de sceni: nulla autē  
 mora amara inuenimus, ideo putabā in Auicennæ pa-  
 tria mora aliqua amara esse: sed postea animaduerti-  
 mus, nihil aliud esse morū de Sceni, quā id qd' nos uo-  
 camus Morū celsi. Morū autem, qd' ipse appellat Alfir *Alfir sedu.*  
 sedu, & quod dicit secundū Semicam ficus currere, est  
 Sycomorus, quē Latini Ægyptiā ficū uocāt. Propterea  
 Auicēna dicit magis loquēdū esse de moro de sceni, quā  
 de Alfir sedu. Vnde proprietates, quas ponit de moro de  
 sceni, omnes sunt proprietates mori celsi, uel mori abso-  
 lutē Dioscoridis. SEN. Aliqui per mora de sceni, bati mo-  
 ra intelligūt, alij mora cynosbati. BRA. Hi mirē decipiū-  
 tur, quia de rubo cap. CCCCCLXXIX. & simul de  
 rubo, & rubo canis pertractat. Ideo apud ipsum nihil  
 aliud intelligo, quā qd' Alfir sedu sycomorus sit, &  
 morū de sceni, Dioscoridis morū sit, qd' uos celsi morū  
 uocatis. Nec moneor, qd' legatur esse amarū, qā iterpres  
 errauit, & debuit interpretari acidū. Id appet ex hoc qd'  
 de eius Rob tractare uolēs dicit esse acetosum &c. SE.  
 Nō posū nō credere qd' dicis, quoad ab alio melius edo-  
 cear. Sed unū est in quo de Pli. miror, q dicat Cynosbatō  
 habere foliū uestigio hoīs simile. BRA. Aliàs & ego ad-  
 miratus sum: sed postea admirari desij, multa folia cōsi-  
 derās, quæ similitudinē soleæ habere uidētur. Theophra-  
 stus dicit habere folia ἀνθρώπου: Hermolaus Barbarus legē-  
 dū putat ἰχθύος, id est hūani uestigij forma, qā & hoc  
 mō uisus est Pli. interpretatus esse Theoph. & cā lectionē



habuisse. SEN. Miror etiam cur lib. XXI. capite  
XIIII. Plinius dicat cynosbaton ferre uuam nigram, in

*Neurospas* cuius acino neruum habet, unde *Neuros* pastos dicitur.

*stos.* BRA. In hac re si per neruum lanam intelligat Plinius  
uerum dicit, aut duritiem quādam in medio. Si quid aliud,  
quid sit nescimus, nisi cum Hermolao dicamus deceptum  
esse Plinium in Cynosbato, quia Smilax aspera, id est  
hedera ciliſſa, uuas modo labruscæ habet, tamen ut Dio-  
scorides inquit ab aliquibus cynosbatos dicitur, ut in hoc  
uocabulo Cynosbatos decipiatur. Sed potius arbitror  
per neruum lanam, aut duritiem quandam: per uuam,  
Morian ipsum Plinium intelligere: nam Smilax uuam  
nigram non habet, sed rubram, & pulchro rubore inſi-  
gnitam. SEN. Plinius etiam uelle uidetur apud Græcos

*Rhamnus.* Rhānium rubi speciem esse. BRA. Ita sentit Pli. tamen  
nullum authorem uidi (quod sciam) qui Rhamnium, aut  
lytium speciem bati poneret: fortè quia propinque na-  
ſcuntur, ideo Pli. ad Rubi genus deduxit. Nunc breui-  
bus receptui canamus, quum ab authoribus mora batina  
absolute dicuntur, mora intelligas, quæ uulgò cāpagnola  
appellamus. SEN. Semper illa accipio. BRA. Tamē alij  
sunt, qui illa nō accipiūt. sed ea quæ dunetis supra cynos-  
batos, id est rubos caninos nascuntur. SEN. Quæ est horū  
differētia? BRA. Quia rubi canini morū magis adſtrin-  
git quā humilis rubi. Scitoq; alba mora p̄ inſitionē fieri  
supra populū albā: ideo nouū inuentū esse. Quare non  
mirū si de illo antiquiores nō meminere. SENEX.

*Robnucum.* **V** Ercor ne Robnucum, quod Diamorum sequeba-  
tur, de tam longa mora conquatur. Ideo his  
omissis,

omissis, ipsum contemplemur, quod Diacarydion à Græcis dicitur. *Diacarydion.* B R A. Διακάρυον, non Diacarydion dici debet. In hac autem compositione quem sequeris? S E N. Mesuen sequor, quamvis & Hali, & Serapio, in speciebus Rob, eandem compositionem faciant. B R A. Quomodo autem paras? S E N. Hoc modo secundū Mesuen: Recipe succi exteriorum corticum nucum in diebus canicularibus lib. 1111. decoque ipsum decoctione una: deinde adde mellis lib. 11. & decoque, donec incrassetur, & fiat sicut mel. Hæc est prima compositio, quæ à Mesue conficitur. B R A. Alias nunc prosequaris. S E N. Mesue in hoc Rob nucum quatuor intentiones ponit. Prima est, si hoc medicamen pueris exhibeatur, aut mulieribus, aut humidis natura, nihil aliud addit, quàm qd simpliciter dictum est. Secunda intentio, quando morbus est in principio, opus est stiptica immiscere: ut sunt rosæ & balaustia. Tertia intentio, quando morbus est in statu, opus est crocum & myrrham commiscere. Quarta intentio, quando morbus in declinatione est, baurach, & sal ammoniacus addenda sunt. In his intentionibus Græcos imitatur. Hæc enim compositio illis exhibetur, quibus à capite ad pectus & cannam pulmonis materia acuta & subtilis defluit, quæ quandoq; eadem die suffocat, aut abscessum facit, qui breui perimit. Propter hoc Græci duas compositiones parant. Alteram Dianucis *Dianucis simplex.* Alterā Dianucis compositi. Videoq; Mesuen hanc suam compositionem ab Alexandro Tralliano accepisse. In mellis autem quantitate differunt, quia ex nucibus *Dianucis compositum.* compositionem facit, sicut etiam Diamorum fecerat: tamen

coquendi modo cōsiderato, in eandem ferè quantitatem ueniunt, quia in mense Augusti nuces accipit, & exteriores cortices detrahit, quæ in mortario cōtundit & exprimit, magmate proiccto succū mediocriter decoquit, & paxillū mellis addit, ut in cōpositione Diamorum, & deniq; ad mellis cōsistentiā elixat. In Diamoro autē accipit succi mororū sextarios v. & ad mellis liquidi cōsistentiam coquatur: postea sextariū i. mellis addit, & ad spissitudinem mellis coquit. Ita in cōpositione ex nucibus fiat, sumantur v. sextaria succi putaminis exterioris nucis, & bulliant ad spissitudinē mellis liquidi: postea addatur sextarium i. mellis, & ad cōsistentiā mellis deducatur. Postea Trallianus ea addit, quæ nos putamus Mesue ad uerbū accepisse. Inquit enim infantibus & mulieribus & in principijs sine aliquo addito esse exhibendum. In summo autem uigore addendam esse myrrham. In morbi uero declinatione, sulphurā & nitrum addit. Mesue tamen differt, quia in principio rosas, & balauſtia cōmiscet: Alexander autē nihil. Paulus autē duplex Diacaryon facit. simplex & compositum. Simplex idem ferè est cum illo Alexandri & Mesue: nempe recipit succi cōtusi corticis nucum uiridum cotylas quinq;, mellis cotylam unā, & coquatur ad dimetrum, id est ad conueniens corpus, quod est ad spissitudinē mellis. SEN. Compositū nunc tractemus. ERA. Cōpositum quidē docet Paulus, & de cōposito scorsum scribit, quod nihil aliud est quā simplex, cui ea quæ à Mesue accepta sunt addit, & cōpositū uocat. Nempe, inquit Paulus, ab initio quidē statim, & in uigore, in oris inflammationibus miſcere

scere oportet croci & aluminis uniuscuiusq; denariū 1. myrrhæ denarios 11. In declinatione autē propter dissipationem nitri denariū 1. sulphuris tantūdem prædictorum quantū cum succi, tum mellis. SEN. Mihi nō placet in principio crocū cōmiscere. BRA. Nec mihi. propterea arbitratus sum, Paulū hoc modo intelligendū esse: Ab initio quidē statim opus est uti simplici Dianuce, postea sequatur: & in uigore miscere oportet croci & aluminis uniuscuiusq; denariū 1. & hoc in principio nō ponatur: sed Alexandro concors in principio simplex detur: alia in alijs temporibus addantur, tuncq; à Paulo lib. VII. cap. XII. Diacaryon cōpositū appellatur. De diacaryo etiam Galenus diffuse lib. VI. de cōponen. phar-macis secundū loca agit. Imò Galenus huius compositionis inuentor fuit. Nullus enim ante ipsum ea usus est. His autem omiſſis, alios syruſos prosequamur. SEN. Nullus syrupus est à prædictis diuersus, quem in officinis habeamus, nisi medicus aliquis particularis unum sibi finxerit, & pro se parari iubeat. BRA. De his nihil ad nos, quippe institutum nobis erat eos syruſos tantum prosequi, qui & Ferrariæ, & per totam Italiam in communi usu sunt. Si quis autē unū sibi fingat, eo utatur, & illū, ut sibi uidetur, examinet, si cōponendi canones bene didicerit. SEN. Solebamus & in officinis Rob de Ribes Rob de Ribes seruare, nūc autē nō habemus, nec eo utimur. BRA. Et nullus est Ferrariæ qui habeat. Venetijs autem multi sunt qui Ribem seruant: tamen apud authores quid sit incertum est. Nempe apud Theophrastum, Dioscoridem, Galenum, Oribasium, Paulū, Aëtium quærens inuenire non

potui. Minus apud Catonem inueni, Varronem, Pliniū, Palladium, Columellā. Soli Arabes de hoc succo, & de ipsa herba uel frutice locuti sunt. Nam Serapio capite C C X L I. de Ribes tractans, solos Mauritanos refert, & nullos Græcos. Assuctus autem est, quū Græci de aliqua re loquuntur, ipsos primo adducere: quum uero nullum Græcum adducit, est Arabum inuentum, & res sua propria. Ribem autem secundum Isaac eben Abraham describit, plantam esse quæ habeat capreolos recentes, rubros ad uiriditatem tendentes, & habet folia magna, lata, rotunda, uiridia, & habet grana, quorum sapor est dulcis cum acetositate, & ipsa est frigida & sicca in 11. gradu, & signū super hoc est acetositas eius, & stipticitas: omnesq; authores, quos Serapio adducit inquirunt frigidam & siccam esse in 11. gra. Auicenna uero in 111. gra dicit. Venetias quendam succum ferunt, quem dicūt esse Ribem, deferunt autē Alexādria Ægypti, inquirētes ex Damasco prius Alexandriam allatū esse, & quod in Syria ingens copia nascatur. Alij ex Corasceni deferri tradiderūt. Vt autem de re ipsa agamus, scito arbusculam quandam ex uarijs Apennini locis ad nos cōportari, quam ribem appellant, & nunc in multis locis Ferrariæ habetur, & in multis hortis uiret: foliū uitis habet, sed minus incisum, & paruos racemos facit, qui quando maturantur, rubri fiunt, & saporem acidum habēt, adeo ut ego putem in secundo gradu in frigidare & exiccare. Et etiā is succus qui Alexandria Venetias affertur (meo iudicio) in secundo gradu potius quā in tertio frigidus & siccus est. Ideo Serapioni potius quā Auicennæ credimus.

dimus. Quod autem nos riben uocamus, & nunc Ferraria, & Murani Venetiariū aliquibus locis, & Patauī, & Bononiæ uiret, Mauritanorum ribes esse nō potest: quia inquirunt suum riben lata folia habere, magna, rotunda, uiridia. Sed folia apud nos uocati ribes, rotunda non sunt, nec multum uiridia, sed ad figuram foliorum uitis accedunt. Adde nostrum ribē potius inter uuas numerari debere. Rhafis autem in Almanfore riben inter fructus computat, & fructum esse iudicauit. At quia Serapio, capreolos recentes rubros ad uiriditatem tendentes habere dicit, & aliqui per capreolos racemos intelligunt, ideo in hoc, cum nostro uocato ribe similitudinem habere uidetur. Sed uideo Serapionē de ribe loqui tanquam de re sibi incerta, & solum aliorum sententias sequi. Ideo quid sit, ex ipso bene exprimi non potest. Ex alijs uero authoribus adhuc minus, quia nullus est alius, qui riben pingat. Genuensis solus Arabem quēdam authorem citat, qui de ribe hoc modo loquitur: Est planta habens stipitem rubeum, ad uiriditatem decliuem, tenerum, cuius sapor est dulcis acetositate mixtus, folia rotunda, uiridia, & magna, cuius granum petatur de Corasceni, acidi saporis, de quo fit Rob. Hæc ille Arabs, quem Genuensis citauit, cuius nomen est Alhauī, ut hinc habeas, & hunc authorem inter fructus connumerare. Hoc admonere uolui, quia multi sunt, qui succū ex quadam herba esse dicunt, imō Gulielmus Placentinus riben, acetosam herbam esse iudicauit, in eo deceptus, quia Mesue dicit, quod rob herbæ acetosæ est in uirtute eius.

SEN. Noster igitur ribes, quē in hortis habemus, Ara-

bhm ribes uon erit. B R A. Non erit. S E N. Nec ribes  
 apud Græcos, aut Latinos reperitur. B R A. Nec istud  
 (quod sciam). S E N. Quid est ergo, quod pro Ribe ha-  
 bemus? B R A. Intelligis ne hunc, quem Alexandria Ve-  
 netias deferunt, uel illum, qui ex Apennino petitur?  
 S E N. Vtrunq;. B R A. De eo Ribe, quem habent Ve-  
 neti, ex Syria Damascum, Damasco Alexandriam, Ale-  
 xandria Venetias comportatum, nihil aliud tibi dicam,  
 quam quod supra ex Serapione & Halau dictum est.  
 De eo uero qui ex Apennino affertur, apud Antiquos  
 quid sit ignoro, in uiribus tamen cōuenire arbitror, quia  
 sapor manifeste ostendit frigidum & siccū esse, & etiā  
 operationes: quare ad eadem ualet hic noster Ribes ad  
 quæ Damascenus. Damascenus enim (ut Auicenna in-  
 quit) acetositate citri, & omphacij uires habet. Quod  
 & Serapio secundum Aben Mesuā testatur. Mesue  
 etiam dicit esse in uirtute herbæ acetosæ. Vnde pro Ri-  
 be, citri succo, omphacio, succo herbæ acetosæ, aut nostro  
 uocato Ribe, qui in Apennino naret, uti possumus. S E N.  
 Ad quæ ualet? B R A. Ad ingentem calorem, & sitis  
 ingentes, ad incendentes febres, ad profluium ex bile:  
 cardiacis succiarit, uomitum sedat, appetitū excitat, more-  
 bilos & uarios sanat, bilem extinguit, hæmorrhoidas  
 sedat, & ebrietati conuenit: ad omnes abscessus pesilen-  
 tis morbi ualet, uisum acuit: inō unum est ex his quæ in  
 pesilenti morbo plurimum proficiunt. S E N. Egregius  
 ergo est hic syrupus. B R A. Est equidem, & adhuc in  
 maiori pretio esset, nisi citri succum haberemus. Nunc  
 uero ad alios syropos flectamus. S E N E X. De Syrupis  
 finitiam

finitum est. BRA. Tam paucis utimini? SEN. Non pluribus nisi infusione senæ inter Syrupos numerare uelimus. BRA. Et cur non numerabimus? nam concoquendi uires habet, & ego alio Syrupo mixta utor, ut ægro conuenit, magno eius præsidio. Sunt autem in ea conficienda Pharmacopolæ dissidentes. Tu quomodo paras? SEN. Hoc modo, quem dicemus:

Recipe florum boraginis	)	
Buglossæ	)	
Violarum	)	añ. 3. j.
Rosarum rubearum	)	
Aquæ fontis		lib. j.
Mellis rosati colati		vnc. ij.
Senæ		vnc. ij.

Misce & fiat infusio secundum artem. BRA. Nihil aliud addis? SENEX. Nihil. BRA. Alij sunt qui gingiber miscent. SENEX. Et ego id facio in hyeme scrup. gingiberis inijcio. BRASAVOLVS. Semper addendum est: quia ob id additur, ut quædam frigida qualitas à Sena remoueat, quæ uentriculum offendere solet, & status excitare: alias autem ob amaritudinem quam habet, uentriculo commoda est. Sed à quo autore accepisti? SENEX. A nullo, quia magistratilis compositio in hac officina à centum annis citra confecta, doctissimi medicæ artis professores ita indixere, deinceps patres mei & ego prosecuti sumus. BRASAVOLVS. Tua autem præcitata compositio ab alijs in pondere multum differt. Ita enim conficiunt alijs:



Recipe Senæ electæ vnc. j.  
 Florum Boraginis )  
 Buglossæ )  
 Violarum ) añ. 3. ꝑ.  
 Rosarum rubearum )  
 Gingiberis )

Mellis rosati colati vnc. j. Aquæ fontis vnc. vi.  
 Fiat infusio secundum artem. SEN. Hi mihi uidetur pau-  
 cissimam aquæ quantitatem accipere: opus enim est duas  
 uncias ad minus resolui, ideo quatuor tantum supererunt.  
 B R A. Alij uero hoc modo parant:

Recipe Senæ optimæ vnc. j. Gingiberis 3. ꝑ.  
 Florum uiolarum )  
 Buglossæ )  
 Boraginis ) añ. 3. j.  
 Rosarum )

Deinde hoc modo conficiunt: Senam in x. aquæ fon-  
 tis libras iniiciunt, & ebullitione una ebullire faciunt:  
 deinde supra alias res scilicet flores & gingiber, quæ in  
 uitriato uase sint, decoctum illud uersant, & uas adeo  
 obturant, quod nihil respirare possit. Itaq; per 1111. ho-  
 rarum spatium dimitunt: deinde percolant, & in hoc  
 quod descendit iniiciunt mellis rosati vnc. 1111. SEN.  
 Hi igitur mel rosatum in infusione non ponunt. B R A.  
 Non ponunt, nec poni debet, sed facta expressione ad-  
 dendum est. Inter se præterea differunt, quoniam hi senæ  
 folliculos, illi folia: alij indiscriminatim folliculos & fo-  
 lia recipiunt, prius tamen pediculis, & paruis festucis  
 ablatis. Alij Senam ebullire non faciunt, sed cum aqua  
 ipsa

ipsa feruet, in eam senam iniiciunt : deinde hanc aquam simul & senam in uitreatum uas iniiciunt, in quo flores & mel rosatum posita sint. Alij non semidrachmā Gīgiberis, sed scrupulum imponunt, & per x. horas in infusione relinquunt. S E N. Quid igitur in tanta confusione agi oportet? B R A. Hoc, quod nunc explicare conabimur. Sicut sena apud antiquos incognita erat, & (ut Auerrois inquit) noua cōpositio est à recentibus excogitata quæ in atrabilarijs passionibus, scabie Gallica, lepra, psora, & eiusdem generis alijs multū proficit, quæ ab atra bile dependent: propter hoc flores, quos cordiales appellant, addidere. In hac autē infusione ego nunquam prætermittendum putarem polypodium, ad intentionem senæ, & passulas atq; sebestem, ueluti ea quæ aluum emolliunt: quod & in hac infusione requiritur: ubi etiam possum, flores citrorum, aut limonum, aut narrantiorum addi facio. S E N. Ergo & simplicium pondus & parandi modum edoceas. B R A. Hic est:

Recipe Senæ optimæ, simulq; sint folliculi & folia, sed folliculi folia excedant, & sit sena ex oriente potius quam ex Liguria aut Appulia delata: nā perfectior est orientalis: neq; multum antiqua sit, imò quāto recentior, tanto melior, vnc. j.

Gingiberis Radix una parua, uel

ad pondus

3. 6.

Florū boraginis. De buglossa curæ )

nō sit, quia borago est uera buglossa )

Violarum )

añ. 3. j.

Rosarum rubearum )

p 3

Citrorum, uel limonum uel narrantiorū, si habeantur.

Polypodij ʒ.ij. Passularum vnc.ʒ. Sebestē nu.x.

Et si quis domi hanc infusionem conficiat, loco Sebeslem, pruna damascena exiccata accipiat, & hoc modo fiat: Sumatur libra aquæ fontis feruentissimæ, quæ in uitriatum uas, in quo omnia prædicta insint, iniiciatur: postea uas optime obturctur, & per decem horas dimitatur, deinde exprimatur: sed de melle rosaceo an misceri debeat necne, medicus secundum intentionem ægritudinis, uel misceat, uel omittat: nam ad perfectionem infusionis non exigitur. Si autem commiscere uoluerit, sint quatuor uncie mellis rosati. Tamen cōsuetudo est, semper infusionem alicui syrupo immiscere, ut affectio= ni altere quæ in ægro reperitur, conuenit: forte mel rosatum conueniet, tunc illo uti poteris. Non mihi autem placet, senam in infusione ebullire, quia ex sena superficiales partes solum expetimus. Si quis uero senam in feruentem aquam inycere uoluerit, & statim aquam cum sena supra flores immittere, nihil refert, modo sena non ebulliat. Hæc autem infusio fit, ut horum simplicium uires in aqua recipiantur. Nam infusiones quandoq; fiunt, ut malitia alicuius medicamenti simplicis reprimatur: Quandoq; , ut uires alicui medicamento condonentur: Quandoq; ut medicamentū lubricum efficiatur: Quandoq; , ut uires simplicium in aquam recipiantur, quod in hac infusione senæ fit. De his uero infusionum modis antiquiores non tractauerunt: sed Mesue capite 111. summæ secunde in canonibus uniuersalibus has infusiones abundè edocuit. SEN. Quot uncias huius infusionis propin

Propinare possumus? BRA. Quandoq; tres, quandoq; Quatuor, quandoq; sex exhibeo, ut his conuenit, quibus Propinatur. Ratio quoq; habenda est, si sola, aut cū alio Syrupo mixta bibatur: & an multum, uel parum euacuare conueniat. Sed commune pondus est, quod euacuat si mul, & digerit 1111. unc. exhibere: nam huic mirè proficit cui potui datur. SEN. Tu frequenter ea uteris, quae de causa? BRA. Quoniam frequentes atrabilarios incido, quibus ipsa conuenit. SEN. Audiui, quod uentriculum offendat. BRA. Et id Mesue cap. xv. de simplicium medica. facul. asserit. SEN. Quomodo fieri potest, cum ipse Mesue calidam in primi. secundi, & siccam in primo dicat? BRA. Imò & subamara est sena: quæ qualitas uentriculo prodesse solet. Sed partes quasdam flatuosas habet, quibus illi obest. hoc autem facile remouetur, quia gingibere addito, partes illæ euanescent. Ideo uel hyems sit, uel æstas, gingiber continuè addi debet. Quod autē uentriculū offendat, quisquis in seipso facile experiri poterit, si hanc infusionem semel absq; gingibere bibat: nam statim in eius uentriculo flatus excitabuntur. Iubeo plarūq; ut ipsam infusionem ex iure capi aut pulli conficiant: & his multum proficit qui sumunt. SEN. Imò hoc uidetur esse Mesue documentum. BRA. Ita certe est, propterea & quādoq; iubeo ex se-ro capræ parari, ut docet Mesue, & tūc mirè proficit affec-tionibus cutaneis ex salsa pituita, & aliqua atræ bilis miscella. Hæc de Sena. Quæ cum inter syrnpos ultimo loco enumerata sit, oro te (nisi aliquo negotio occupa-ris) hæc nocte mecū dormias, non ut Tityrus Melibœum

*inuitavit, fronde super uiridi, sed molli super pluma, aut  
(si mauis) lana. SENE X. Quædam negotia sunt mi-  
hi expedienda. Cras summo mane huc accedam, ut Pi-  
lularum compositiones aggrediamur. Nempe mihi in-  
stitui, nunquam desistere, sed tibi perpetuò mo-  
lestus esse, quoad hæc composita tuo  
examine perpensa sint. Vale  
nunc, & quieta nocte  
fruaris. BRA. Et  
tu quoq;.*

F I N I S.

# Index rerū, quę

in hoc libello continentur.

## A

<b>A</b> Cetum mulsum	182	Cardamomum maius	179
Acetum scylliticum		Calenum	205
190		Calena uina	206
ἄκανθα λευκή	143	Charmesinus color	43
Acantha Ægyptia	145	Chamæbatos	214
Acantha Arabica	ibidem	Chermes	40
Ægyptia ficus	212	κίττα	53
Alefangina species	176	κίωα	ibidem
Alba spina	142	Cichoreum	162
Alefangine quid sit	178	Coccus	40
Alfir sedu	219	κόκκος βαφικὴ	44
ἀπόξιμα	17	Coccus infectorius	47
Aqua pluuiialis	84	Coccus scolecion	ibidem
Aqua fontis	ibidem	Coccus ilicis	ibidem

## B

Bombarso	35	Cortex radicis an sumēdus	
βάβυς	214	fit, an tota radix	98
βάβυς Idæus	ibidem	Cotonus	35
Bedeguar	142	Cynosbatos	214

Bombycina uestis	35	Defrutum	205
Bombyx	35. & 39	Diamorum simplex	199

## C

Caprea	24	Diamorū compositū	202
		Diamorum cōpositum Ale	

# I N D E X

xandri	209	Larum	79
Diacarydion	221	Iu	ibidem
Diacaryon	ibidem	Iuleb iniubinum	83
Dianthus simplex	221	L	
Dianthus compositū	ibide	Λιωνοδάρα	143
Doreas peregrina	24	Locus Mesue restitutus	91
Dundebe	162	M	
E		Malatia pregnantū	53
Εμφύμα	204	Maratha	213
Eupatorium Mesue	139	Μεταγα	36
F		Mel rosatum ex succo ro-	
Folij loco quid sumendum		sarum	67
141		Mel rosatum ex infusione	
Fraga	213	rosarum	ibidem
G		Mel rosatum quadruplex	
Gazella	24	70	
Gospina	39	Mel rosatum colatum &	
Gonfopion	ibidem	non colatum	71
Grana	43	Mel violatum colatum	
H		199	
Heil	178	Mellacum	205
Hepseton	205	Mina Cydoniorum	175
Hydrorosatium	66	Misch	23
Hydromalum	120	Moschus	22
Ηδία	18	Mora alba	210
I		Mora nigra	212
Iuleb violatum ex aqua ui		Mora celsi	213
ignis eliquata	78	Mora bati	ibidem
Iuleb violatū ex succo uio-		Mora uaticana	214

# INDEX

Mora campagnola	213	πρόπομα	ibidem
Mora de sceni	218	R	
Mucharus rosarum	66	Radices an cortex, an toz	
Myrtetum	165	ta sumenda	98
Moschus Venerem excitat		Radechio sylvestris	162
27		Rhamnus	220
N		Rhodomel	72
Namponi	218	Rhodoſtaſte	74
Necydalus	35	Rhoxti	ibidem
Neuros paſtos	220	Rob	204
O		Robub	ibidem
Omphacomeli	124	Rob nucum	220
ὀφθαλμα	18	Rob de Ribes	223
Oxymel	94	Rubus	214
Oxymel ſimplex	180	Rubus caninus	ibidem
Oxymel dieuchis	183	Rubus Idæus	ibidem
Oxymel compositum	187	Rubus terreſtris	ibidem
Oxymel Iuliani	189	S	
Oxymel ſplenicum	ibidem	Sacolla	178
Oxymel pro calculoſis		Sachaha	142
ibidem		Sapa	204
Oxymel ſcylliticum	195	Scolecion	47
Oxymel ſcylliticum compo		Secaniabin	182
ſitum	196	Senæ inſuſio	204
Oxyzacharra	197	Σελγίς	ibidem
Oxyzachar	ibidem	Seris	162
P		Seris ſylveſtris	ibidem
Præpotio	16	Sericum	28
Propinatio	ibidem	Seres	ibidem



# INDEX

Ser	29	Syrupus rosatus simplex
Sentis	214	de infusione rosarum
Sentis canina	ibidem	ficcarum 67
Sentis terrestris	ibidem	Syrupus rosatus solutivus
Sentis Idæa	ibidem	68
Seta	28	Syrupus alter solutivus ro
Syrupus	36	satus 69
Sircum	205	Syrupus solutivus ex florib
Species ale sanguine	176	bus persicorum 70
Spina alba	142	Syrupus uiolatus composi
Squingebm	182	tus 76
Stangebm	ibidem	Syrupus uiolatus ex infu
Suleib	214	sione uiolarum 77
Sycamnea	212	Syrupus uiolatus de succo
Sycomora	ibidem	uiolarum 79
Syrupus de corticibus ci		Syrupus uiolatus ex deco
tri	15	ctione uiolarum, ibidem
Syrupis an antiqui uteren		Syrupus iuiubinus sim
tur	ibidem	plex 83
Syrupus de acetositate ci		Syrupus iuiubinus compo
tri	51	situs ibidem
Syrupus de stoecha le	55	Syrupus de papauere sim
Syrupus rosatus simplex		plex 89
63		Syrupus de papauere com
Syrupus rosatus simplex		positus ibidem
de succo rosarum	64	Syrupus de quinq; radicia
Syrupus rosatus simplex		bus 92
de infusione rosarū re		Syrupus acetosus simplex
centian	65	94

Syrup

# I N D E X

Syrupus acetosus cum radi- cibus 97	Syrupus de epithymo 133
Syrupus de duabus radici- bus cum aceto ibidem	Syrupus de eupatorio 136
Syrupus de duabus radici- bus sine aceto ibidem	Syrupus de liquiritia 148
Syrupus de quinq; radici- bus 105. 92	Syrupus de hyssopo 149
Syrupus bisantinus sine a- ceto 109	Syrupus de prassio 153
Syrupus bisantinus cum a- ceto 110	Syruporum pectoraliũ or- do ibidem
Syruporum acetũ recipien- tium ordo 111	Syrupus de capillis uene- ris 155
Syrupus acetosus diarho- don 114	Syrupus de calametho 156
Syrupus acetosus diachy- lon 113	Syrupus de endiuiã Genti- lis 157
Syrupus acetosus de succis herbarum 116	Syrupus de endiuiã sim- plex 159
Syrupus de pomis sim- plex 117	Syrupus de succo endiuiæ ibidem
Syrupus de pomis Sa- bor 121	Syrupus de endiuiã compo- situs ibidem
Syrupus de agreſta 123	Syrupus de cichorea Nico- lai ibidem
Syrupus de fumo terræ 126	Syrupus de cichorea Pla- centini 161
Syrupus de absinthio 129	Syrupus myrtinus 162
Syrupus de mentha 131	Syrupus myrtinus simplex ibidem
	Syrupus myrtinus compo- situs ibidem
	Syrupus de matricaria 166

# INDEX.

<i>Syrupus de artemisia</i>	167		
<i>Syrupus myrachinus</i>	172	<i>Taraxacon</i>	162
<i>Syrupus nenusfarinus com</i>		<i>Tut</i>	213
<i>positus</i>	174		
<i>Syrupus nenusfarinus sim-</i>		<i>Z</i>	
<i>plex</i>	<i>ibidem</i>	<i>Zucharium uiolatum</i>	199
		<i>Zulapon</i>	79

FINIS.

# Lugduni,

## EXCVDEBAT

IOANNES BAR-

BOVS.